

ვალერიან
გათრინდაშვილი

რჩეული



ს ა ს ე მ გ ა მ ი
გ ბ ი მ ს ი
1956



ლექსები

1921 — 1941

ლ ე ნ ი ნ ი

მისი ხილვისას ერთი აზრი დაჰმებადება:
კაცობრიობა თავიდანვე ლენინს ელოდა
და ისტორიამ, — მოქანდაკემ, — შექმნა ბელადი;
ამართულ ხელით ბრინჯაოდან ის გვეცხადება.

მისი სიცოცხლე ოქტომბრისთვის იყო მზადება.
ზოვიდა მუშა დიდ ქარხნების სამფლობელოდა,
შრომის ლაშქრობას, ვით სარდალი, მუდამ მშველოდა
ლენინის აზრი და ამ აზრის დიდი ნათება.

ჩვენ იგი გვახსოვს, ჯაფშანოდან სიტყვის მფრქვეველი,
ეს ქარიშხალი, ერთ ქალაქში დაუტეველი.
ახალ ყოფისთვის გაარღვია ყველგან ყამირი

და სისხლის მსმელი საკუთრება დაასამარა.
იგი, მღუპარე, გზას გვინათებს სხივთა ალებით,
ზვენ მას შეეცქერით სიყვარულით და მოკრძალებით.

1941.

ორ ხეს, ცირკის წინ რომ ღვანან,
კირკის ქუჩაზე

მე ვესალმები კიდეც ერთხელ თქვენს ამწვანებას
და თრთოლვას ფარულს.

მე მოვესწარი გაზაფხულის ახალ ზმანებას,
ახალ სიხარულს.

იყავით ორი, და მირჩევდით მუდამ ორივე:

„ნუ ხარ ეული,
თორემ ჩაგითრევს მარტოობის შავი პორევი,
ბრაზპორეული“.

დღეს მაისია და მეგობრით თქვენთან მოვედი,
თქვენივე მსგავსი,

მე აღარ ვცხოვრობ აშპარტავან სიმარტოვეთი,
ზეიმით სავსე.

მე თქვენთან ერთად ვესალმები ნათელ ქვეყანას,
თვითონ ფოთოლი.

ნეტავი თქვენთან უფრო ადრე ის მომეყვანა,
ქვირფასი ტოლი.

ზ ლ ვ ა

ზღვას ენატრება იყოს პატარა,
ვით უნაზესი ჩიტი კოლიბრი.
თავისი თავი ვარსკვლავს ადარა,
ცაზე რომ ბრწყინავს დაუბრკოლებლივ.

ზღვას მოეწყინა თავის სიმძიმე,
ბუმბერაზობა, გრიგალი, მეხი.
ნახა სიზმარში ტბა მოციმციმე
და ჩინელ ქალის მტკივანი ფეხი.

ზღვას აღარ უნდა თავის სისრულე,
თითქო წურბელი გულზე მოება:
უღონო ტრფობით აწ დაისრულა —
სურს ბექდის თვალში განმართობა,

რომ ქინძისთავის იგრძნოს სინაზე,
და თავის სმენით გაჰყვეს ნაკადულს,
რომ საქანელას მსუბუქ რკინაზე
ჩამოეკიდოს, როგორც კაკადუ.

მაგრამ მოვიდა ამალით ქალი,
თავის სახელი წყალზე დაწერა.
ნიღაბიანი, როგორც გრიგალი,
იღიმებოდა ის აღმაცერად.

ტალღა ავარდა მჩქეფარე სვეტად,
ტალღა — აფთარი და ეიფელი:
თავისი თავი ზღვამ გაიმეტა,
გაჰყვა დედოფალს, როგორც შლეიფი.

ტ ვ ი ლ ი ს ი

ტრფობა შენდამი, — დედაქალაქო,
ბავშვობიდანვე მე ავიცარი.
იქნებ გრძნობები ვერ დავალაგო,
მაგრამ გულში მაქვს შენი ისარი.

მინდა ვემთხვიო შენს ქვას, მცენარეს,
და მოვინათლო მტკვარის ტალღებით.
გავხედო ირგვლივ შენს არემარეს,
დავტკბე გმირულად ამართულ მთებით.

მამადავითი, ძველი ისანი,
მსურს ფეხშიშველმა შემოვიარო,
მე ვალიარებ უწმინდეს ვალად —
შენ საუნჯეებს რომ ვეზიარო.

მსურს გავათიო ანჩხატში ღამე
და გავიგონო აღდგომის ზარი.
მრწამს მხოლოდ ერთადერთი სიამე —
ოქროს მადონა და ოპიზარი.

ვით დედის კალთებს, ვეალერსები
მე შენს გორაკებს — მთვრალი წარსულით.
მე მინდა ეპოვო შენი ფესვები,
საღლაც უფსკრულში გადაკარგული.

ცალ-ცალკე მიყვარს შენი ქუჩები,
როგორც ხელები საყვარელ ქალის,
ისევ დიდუბეს გავეყუჩები,
ორთაქალაში დავწურავ ხალისს.

ფიროსმანივით დავეხეტები,
შენს ნამდვილ კვალს რომ წავაწყდე ბოლოს,
და სამხრეთისკენ მე ვიხედები —
ცეცხლით კრწანისი არ გაიბოლოს.

მაგრამ რა არის ტფილისის გრძნობა?
— მხოლოდ დაკარგულ ბეჭდის ხმაური.
ეს პოეტების არის სერობა,
სადაც შოთაა მძლე მეთაური.

27 სექტემბერი, 1922.

ბოლნისის სიონი

გიორგი ლეონიძეს

უხნიერესო! დროთა დროებამ
ეკლით შემოსა შენი თავანი.
დღეს აირჩიე განმარტოება
ისე, ვით პოზა ამპარტავანი.
შენ გეზმანება ძველი ღლეები
და ძილში უსმენ ბრწყინვალე არაკს,
როს დედოფლები და მეფეები,
წარჩინებულო, გწირავდენ ზვარაკს.
შენ გეზმანება სულ სხვა წირვები,
აბჯარასხმული ჯარების შეხლა
და სარკინოზნი გასაკვირვები
დადუმებულნი მიწაში ეხლა.
შენ გეზმანება თვითონ თამარი
და მშვენიერი მისი ამაღა, —
ო, ვინ გასთხარა ჩვენი სამარე
და შენი სახე ვინ გადამაღა?
შენთან მოვედი, ვით მოცრქული,
გამოგზავნილი ხმაურ ფაზისით.
მცირე მსახურად მაინც მიგულე,
ვსცნო შენი სახე უძვირფასესი.
მე ცისფერ ყვავილს არ შეგადარებ,
უსპეტაკესი ხარ საფირონი.
დროთა იარებს მუდამ ატარებ,
მაგრამ ტკბილია შენი მირონი.
ცრუ მსოფლიოში ბევრი ვიარე
და ვერსად ვპოვე მე დამშვიდება,
შეუდრეკელო, მეც მაზიარე
შენს მარადიულ ციურ დიდებას.

ისეთი ლექსი

ვიყავი მხოლოდ ლექსით მდიდარი,
არ მიძებნია მეტი ქონება
და ლექსის გარდა არავითარი
მე არ მხიბლავდა სხვა შთაგონება.

ისეთი ლექსი დაეწერო მინდა,
რომ არ დამქირდეს კვლავ ლექსის წერა.
მსურს დავიფერფლო, ვით ცეცხლი წმინდა
და ეს იქნება გედის სიმღერა.

ჩემი სიცოცხლე არის ლოდინი
ამ აგონიის და ამ სიმღერის.
რამდენი წელი, დღე რაოდენი
ვიყავ მძებნელი იღუმალ ფერის.

მე აღარ მინდა მეტი წვალება,
სულის და ხორცის ყოფაზე ზრუნვა,
დღეთა კოშმარი ცეცხლისთვალება,
რითმების ძებნა, სიტყვების ბრუნვა.

კმარა. გათავდეს მწველი ამბავი.
უკანასკნელად ვიმღერო მინდა
ლექსი, ჩემს შემდეგ დასასტამბავი —
ჩემი ანდერძი და სიტყვა წმინდა.

და მაშინ ვიტყვი გულგაპობილი:
— ბედო, შეეპირო, გამიშვი ახლა,
გულში ჩამიკრავს მიწა მშობელი,
დამიტირებენ ვარსკვლავნი მალლა.

ისეთი ლექსი დავწერო მინდა,
რომ არ დამჭირდეს კიდევ ცხოვრება,
და მჯერა, ჩემი სიმღერა წმინდა
სამშობლო მხარეს ემახსოვრება.

1926.

კომუნარებს

.
ბარიკადებით დახაზულ ჟუცხო პარიზი.
ყოველი მხრიდან მარტოობით ნაალერსალი.
რკინის და ცეცხლის გაჩაღდება აქ ასპარეზი.
მოდის ჯარებით ეშვიანი, თეთრი ვერსალი.

და თქვენი ბრძოლა საშინელი, ვით აგონია,
არის ლალების მასკარადი სხვა ბრწყინვალეებით.
და თქვენი ტანი ბარიკადზე — ლაოკონია,
გველებს რომ ებრძვის, დაკლავნილი მეტი წვალეებით.

ის თქვენთან არის — კატასტროფის ხარბი მგოსანი,
ვით არტურ რემბო, გაგიჟებულ ბრძოლის უნარით:
მთვრალი ხომალდის კაპიტანი და ჯვაროსანი,
შორ სივრცეებზე მეოცნებე და კომუნარი.

სასტიკი მტერი ამ ბრძოლაში უღმობელია.
თქვენი აჩრდილი გადიხრება წელში ქალურად,
და სიკვდილის წინ დაისების სისხლში აღურად
ჩაიძირება მშვენიერი, ვით ოფელია.

მაცხიმილიან რობესპიერ

8 ივნისი 1794 წ.

ამ დღესასწაულს მეთაურობს, როგორც მესსია,
ცისფერი ფრაკით შემოსილი რობესპიერი;
სიბრძნის ძეგლის წინ დიქტატორი მკვევრობს ძლიერი.
ტიულრის ბაღში ქალ-ვაჟების სჩანს პროცესია.

მარსის მინდორი. ეს ზეიმი წმინდა წესია.
უზენაესის ქანდაკება სდგას ნებიერი.
ბავშვების ჰიმნი საკმეველზე უკეთესია,
მაგრამ ქურუმის იმმუნება სახე ცბიერი.

გრევის მოედანს მიაშურებს თვალებს არეულს
და ხედავს თავის აგონიას, ჯერ სიზმარეულს.
დაედევნება თავმოკვეთილ დანტონის ლანდი.

მაგრამ თავს ისევ შეიკავებს ამაყი, ზანტი.
თავისუფლების ხეს უცქერის ის მორიდებით
და გულზე ყვავილს გაისწორებს ცხელი თითებით.

შან აოლ მარაბ

რევოლუციის ის ბოჰემა იყო მარადი.
იმალებოდა სარდაფებში, ვით კეთროვანი.
მაგრამ გრგვინავდა უფსკრულიდან სიტყვა ხმოვანი,
რომ დაემსხვრია ამ ცხოვრების ცრუ მასკარადი.

ხუთი ათას თავს უღმობელი ითხოვს მარატი,
რომ ხალხის ბედი აელვარდეს ასფეროვანი.
ილესენ კბილებს ქოფაკების ხარბი ხროვანი.
ცაზედ ამართულ გილიოტონის ბრწყინავს პარადი.

შარლოტა კორდე გამოგზავნა მხდალმა ქირონდამ,
მარატს ვანნაში ის ხანჯალით ჰკლავს უგუნური.
წყალი სისხლისფრად შეიღება და გამიბრონდა.

გმირს თავზე ადგას შარავანდი საუკუნური.
ასწიეთ მალლა მისი ძეგლი — დროშების ტოლი:
ის იყო ხალხის მეგობარი და წინამძღოლი.

დანბონ

ჯანყის, ხანძარის აწყვეტილი მქუხარე ლომი,
თვითონ მსოფლიო დღეს მისია, ვით ასპარეზი.
ათი აგვისტო — მეფისათვის უსამარესი,
როცა დაინგრა მონარქია, ვით ძველი რომი.

ხან მოთენთილი და უძრავი, ხან დაუდგრომი.
მან მტრებისაგან არა ერთხელ იხსნა პარიზი.
ის ბრძოლის დროსაც ოცნებობდა არსის მხარეზე,
მუდამ ველების და საყვარელ ბუნების მდომი.

ხშირად ავსილი მრისხანებით, ის იყო ნაზი.
და იმას ახლდა დემულენი, ვით ორეული.
ღელავს კონვენტი — ოკეანე ცეცხლმორეული.

რობესპიერი მის სიცოცხლეს მოითხოვს ბრაზით.
სიკვდილი მოდის. ეს ცხოვრება არ ღირს ლოდინად.
ვერ შეათრთოლებს მას ოხერი გილიოტინა.

ინტერნაციონალი *

I

ეს არის ბრძოლა უკანასკნელი.
გავერთიანდეთ. სიკვდილი ღალატს.
კაცობრიობა გახდება მთელი
სანატრელ ინტერნაციონალად.

1

თავი ასწიეთ, მშრომელნო, მაღლა.
შიმშილის, ბედის კატორღელებო.
ჩვენი გონება მძვინვარებს ახლა,
როგორც ვულკანი და გახელება.
გადავაქციოთ ჩვენ წმინდა დაფად
წარსული, ვსძლიოთ სასტაკი მტერი.
ბრბოვ მონებისა, აღსდექი სწრაფად,
და მოვიპოვოთ ჩვენ ყველაფერი.

2

ჩვენ არ დაგვიხსნის ძალა ციური,
ძირს კეისარი, ტრიბუნი, ღმერთი.
თვითონ გავექედოთ ბედი მზიური
და გაიმარჯვებს კომუნა ერთი.
ტუსაღმა იხანას თავისი თავი
და გადალაზოს მან საპყრობილე.
დავანთოთ ქურა, ცეცხლი მგრგვინავი,
გავექედოთ რკინა — ბრძოლის მშობელი.

* იბეჭდება ნაწყვეტები ლექსების ციკლიდან „პარიზის კომუნა“.

3

თვით სახელმწიფო არის ყაჩაღი,
ჩვენი უფლება — ხმა ცარიელი.
თავზე გვეცემა, როგორც ნაჯახი,
ყალბი კანონი — მდიდართა მცველი.
ძირს მზრუნველები! დავგმოთ ტყვეობა.
თანასწორობა ჩვენ ახლა გვინდა.
დე, იყოს მუდამ მოვალეობა
და მასთან ერთად უფლება წმინდა.

4

ამშვენებს მდიდრებს ფარჩა, ბისონი.
ეხლა მათია მთელი მსოფლიო.
ჩვენი ნაშრომით უსინდისონი
სტკბებიან და ეს — ჩვენი ოფლაა!
იმათ სკივრებში არის ყოველი,
რაც შექმნა შრომამ თავის დიდებით.
ვადგენთ: სიმდიდრე აქ მოგროვილი,
ხალხს დაუბრუნდეს ჭეშმარიტებით.

5

მეფენი ღვრიან სისხლს ნეტარებით.
მშვიდობა — ყველას! ბრძოლა — ჯალათებს!
ჩვენ გავაუქმოთ ომი, ჯარები.
სიკვდილი ყველას, ვინც გვიღალატებს!
კაცთმკვამელები და კალიები
ირაზმებიან მეტ გაშმაგებით,
მაგრამ ნახავენ: ცხელი ტყვიებით
შეუპოვარნი დავეტაკებთ!

6

მიწა გვეკუთვნის ჩვენ და ჩვენ მხოლოდ,
ვინცა ვართ მიწის, ქარხნის მშრომელი.
მუქთახორები უნდა ჩავექოლოთ,
იქნება ბრძოლა დაუდგრომელი.

როცა გაწყდება მუქთახორები,
მხეცნი, ყორნები, ავი ქორები,
სასტიკი მეხი როს გაეარდება,
მზე სამუდამოდ აელვარდება!
ეს არის ბრძოლა უკანასკნელი-
გავერთიანდეთ! სიკვდილი ლალატს!
კაცობრიობა გახდება მთელი
სანატრელ ინტერნაციონალად!

II

თითქოს დაბადა იგი ღამურამ
და მისი სული ბნელმა გამურა.
ის კემმარიტი იყო სალაზი
და მისი გული იყო ტალაზი.

არ დაივიწყებს იმას მღიღარი,
არ დაივიწყებს იმას ღარიბი,
ის იყო სისხლის მოურიღარი
და ბევრი მოჰკლა კომუნარები.

იგი სასტიკი იყო ჯალათი,
თვითონ გადურჩა ღირსეულ სასჯელს
და დაუჯელი მისი ლალატი
ხალხის წინაშე მეტია ასჯერ.

მასში მოგროვდა მთელი ნაწური,
მთელი ნალექი უქმი წოდების.
იგი ურცხვია და უწმაწური,
არ იცის წუთი მან შეცოდების.

ის უეჭველად არის სარდალი.
მისი ბატონი არის ტიერი.
მან აღადგინა კვლავ „სამართალი“.
ერის წინაშე სდგას კანდიერი.

ფეხზე დეზებით, ხელში მათრახით,
დიდი ყურებით, მკაცრი ტუჩებით, —
ის იცქირება შესაზარ სახით
და ესმის წყევლა დაუყუჩები.

მას ჯოჯოხეთის პირბნელ არეში
მოათავსებდა ალეგიერი,
სადაც გველების არის თარეში
და ქიმერების ხობვა ხმიერი.

ეს გენერალი არის გალიფე¹ —
ურცხვი სიკვდილის ურცხვი მხლებელი.
პარიზო! ზიზლით მოაყალიბე
მისი სახელი — საფურთხებელი.

ერქვას კლოაკას მისი სახელი,
მისი ხსენება იყოს წყეული.
და გვიკარნახებს გულის ძახილი:
დავახრჩოთ მისი ჩვენ ორეული.

III

ლუიჯა მიზელის სიმღერა განდევნაში

ეს არის ცივი კალედონია.
მე თითქოს ვხედავ წარსულს მთვარეში.
კომუნის მახსოვს მე აგონია
და ეხლა ვმღერი სიმწუხვარეში.

¹ გასტონ გალიფე (1830 — 1909) — ფრანგი გენერალი, 1871 წ. პარიზის კომუნის ჯალათი.

თეთრი ტოტებით სღუმს ნიაული.
მე ვგლოვობ წარსულს, ვით დეზდემონა,
და მოგონებით დამწვარი გული
ისევ კომუნის აჩრდილს ემონა.

ვებრძოდით ვერსალს კომუნარები
და ახლაც გვეჯერა ჩვენ მომავალი.
მახსოვს დაისის ცხელი დარები,
თანამოძმეთა მსხვერპლი მრავალი.

ეს განდევნაა, მიუსაფარი
ჩვენი ბედია შავი წყვილია.
ქუხს ოკეანე, როგორც ზღაპარი,
მაგრამ იქნება სხვა განთიადი.

შენ, ნიაული, ასმინე სევდა,
რომელიც არის სავსე იმედით.
მე მოგონება დიდხანს მარწევდა
და მოქანცული ვიყავი ბედით.

ჩვენ გავიმარჯვებთ. ძირს კმუნვა, თალხი.
იქნება ჩვენი ისევ პარიზი.
დაუდგრომელი, მამაცი ხალხი
იქნება ბრძოლის მოასპარეზე.

ჩვენ გრიგალების არ გვერიდება,
არის სიზმარი ჩვენი ტყვეოდა.
კიდევ წინ არის ჩვენი დიდება
და საზეიმო თეთრი დღეობა.

მე ლამეები მახსოვს ათასი.
საწყალი დედა მე მაგონდება,

ძმები, მოკლულნი ბარიკადაზე
და ჩემი სული ჩუმად ღონდება.

ჩვენ სამშობლოში გვსურს დაბრუნება.
ჩვენ შეცოდების არ ვართ მთხოვნელი.
გვსურს საკუთარი ვნახოთ ბუნება,
ვნახოთ ჯეჯილი მოოქროვილი.

ო, რა თეთრია მთვარე პირსავესე,
ო, როგორ გლოვობს წარსულს ეს გული
და დეზდემონას ტირიფის მსგავსი
თავზე დამტირის მე ნიაული.

ტყუპს

ეგ შენი მწვანე სამეფო
კოშკია მიუწვდომელი.
სული და გული დამება,
ვარ მუდამ შენი მლომელი.

თუ ბინას აძლევ ნისლებსა,
მეც მომეც თავშესაფარი.
მინდა გიამბო ნავახშმევს
ჩემი ცხოვრების ზღაპარი.

მე ხშირად დაგშორებივარ,
ხშირად ვყოფილვარ ობლადა,
მაგრამ მახსოვდი ყოველთვის,
მიგულეებიხარ მშობლადა.

მიმიღე შეილი ცოდვილი,
მაპკურე წმინდა ცვარები,
რომ განიკურნოს სენიდან
ეს გული ნახანძარები.

ხარ მუდამ ამპარტავანი
შენ — უხუცესი ბუნების.
გრიგალის არ გეშინია,
მის წინ არ მოიღუნები.

ხშირად გიცქერი ბარიდან,
მთაზე გაშლილხარ ზვიადი.
მოსჩანს ყოველი მხარიდან
შენი მწვანე და წყვილიადი.

ცას ებჯინები თავითა,
გიყვარს ელვა და მეხები.
და ამაყობენ რუები,
რომ შენ დაგბანეს ფეხები.

მიყვარდა შენი ნისლები,
შენი ფოთლების შრიალი,
და ქარში შენი ტოტების
ზღვასავით ორომ-ტრიალი.

დაუქცნობელო! შენს გარდა
არ მყვარებია არავინ.
ისევ მეძახის შორიდან
შენი ფოთლების კარავი.

შენ მაზიარე წყაროებს.
გრილი ნიავი მწყურია.
მე შენს ტრფობაში, ძლიერო,
ოცნება დამიწურია.

გყავს მგალობელი ჩიტები,
ფრინველთა მთელი კრებული,
მცირე საჩუქრად მიიღე
ეს გული ამღერებული!

ჩიონი

გრიგოლ ტორაძეს

ხარ ფალავანი და ბედაური.
შენი ტალღების მიყვარს თარეში.
შენი ნანინა, შენი ხმაური
ჩამწვეთებოდეს თვით სამარეში!
სუსხიან სევდით დაუბურავი,
მუდამ დამტკბარი იისფერ მთებით,
აღტაცებული ვიყავ მცურავი,
ვეურთღებოდი შენს ტალღებს ვნებით!
თავზე ტირიფის გვარგვინი მედგა
და გავლოდი გაღმა მხარულით.
მე შეეუტევედი შენს ტალღას მედგარს
ახალგაზრდობით და სიხარულით!
ზევიდან ჩქერებს გამოვყვებოდი,
მიცუტრაობდა ხიდ-ქვეშ სიმილერით.
როგორც ისარი, წყალზე ვდგებოდი,
მთვრალი ანთებულ ძარღვების ბგერით!
როგორ მიყვარდა შენი ტივები,
მათი შეხვედრა და მათი დევნა,
ბრინჯაოს ტანზე წყალის მიძევები,
ღრმად ყვინთაობა და შენთან ხვეენა!
მახსოვს ბორანი ლაქვარღისფერი,
ზედ გაშლილ ქოლგით უცნობი ქალი.
შემომეშხეთა სოველი მტვერი,
სული სავსეა ტრფობით და წყალით.
პირველი გრძნობის, პირველი ფიქრის
მესაიდუმლე მუდამ იყავი.
ჩემი ოცნება ზღვისაკენ მიჰქრის,

ვით შენი ტალღა შორს-გამრიყავი!
მე ვსარგებლობდი შენი არევით,
თევზებს ვიჭერდი ჭიან ანკესით,
შენ ყურს მიგდებდი მეგობარევით,
როცა გითხარი პირველი ლექსი.
დაუშრეტელი მწვანე ველებით
მხიბლავდენ შენი სანაპირონი;
მოგჭონდა დიდი საწნახელებით
მღვრიე მაჭარი, ცის საფირონი.
მე იორდანე შენი მიყვარდა
თეთრ ოლარებით, ბნელი ბრბოებით.
და შენს მშვენიერ ტალღების გარდა
ყველაფერს ვუცქერ ამოებით.
როგორც დედასთან, მე შენთან მოვალ,
პატარა ბავშვის ტირილით გეტყვი:
მომიალერსე, დამიტკბე გლოვა,
კმარა სიცოცხლე სიცივით, სეტყვით!
ო, საყვარელო, კიდევ მწადიან
შენი ტალღები, შენი ფაფარი.
ჩემო ემბაზო, ჩემო გადია,
მომეცი შენთან თავშესაფარი!
დაუდგრომელო! მე ისევ მინდა
ვნახო უკვდავი შენი თარეში,
ვიგემო შენი ძახილი წმინდა,
რომ გამოფხიზლდე თვით სამარეში!

ძიება

ჩემი სულია განძების ყუთი,
მაგრამ ამაოდ ვეძებ გასაღებს.
ნუთუ არ მოვა ისეთი წუთი,
რომ მაზიაროს ცის გახსნილ თაღებს.

მე მაინც მჯერა ცის გახსნის წუთი.
სთვლემს გასაღები ვარდის თაროზე,
თუ ვერ გავაღე განძების ყუთი,
იმას დაევსხვრევ, ვით ბარბაროსი.

მჯერა, ჩემშია ქეშმარიტება
მთელი ბუნების, მთელი ბრბოების,
ჩაძირულია სულში დიდება
კიდევ არ ნახულ ბაჯაღლოების.

ვით მეზღვაური, ჩავყვინთავ ზღვაში,
რომ ვნახო ფსკერზე ოქრო და ლალი,
ერთად დარაზმულ ტალღების სელაში
რომ დავიმკვიდრო ლურჯთვალა-ქალი.

მშიერი ტალღა მესათუთება
და ზღაპრულ თევზებს ვხედავ გარკვევით.
მე წყალქვეშ სუნთქვა დამეხუთება,
როგორც დელფინი, ამოვალ ზევით.

ნუთუ ერთხელაც უცნობ სამკაულს
მე ვერ დავწვდები მთრთოლვარე ხელით,
მუდამდღე ველი მე დღესასწაულს,
რომ შევსვა თასი გამშრალი ყელით.

პოეზია

არ ვსჯი ცხოვრებას მე აღმაცერად
და არ ვაწუხებ მეტი ყბედობით.
როგორც პირველად ლექსის დაწერა,
მახარებს თავის უცაბედობით.
ჩემთვის მივდივარ და ჩემთვის ვმღერი,
მშვენიერია გზა უღვეველი.
მახარებს ტყის და ხობობის ფერი
კავკასიონი ნისლთა მფრქვეველი.
მე უკვდავ სიტყვას, ვით ცისფერ ყვავილს,
დავეძებ ყოფნის ვიწრო არეზე,
არ ვედავები შოთა რუსთაველს,
რომ გავხდე მისი მოასპარეზე.
კოშკი სიტყვისა დასაშურები
მინდა ავმართო აღფრთოვანებით,
და ვით სურამის ციხეს ზურაბი,
მე თვითონ ლექსში დავეტანები.

6 ოქტომბერი, 1927

ფეხსაცმლის მწმენდელთან

მე ვაწმენდინებ ფეხსაცმელს მწმენდელს
და ვფიქრობ ახალ პატრონებით:
— ო, ერთხელ მაინც, სიცოცხლეც, მენდე,
თუმც არ არიან სანდო მგოსნები!

მე დავიღალე ოცნების გზებზე,
და უსახლკარო შენთან ვბრუნდები.
მეტად ბასრია ჰაერი მთებზე,
მეტად ბრწყინავენ იაგუნდები.

ხრიზანტემების თეთრ სურნელებას
მე მირჩევნია სურნელი პურის,
და მარტოობის საშინელებას —
მშრომელი ხალხის სალამი ძმური.

ვზივარ და ვუცდი თავმდაბალ მწმენდელს,
უნდა ვისწავლო მეც თავმდაბლობა.
ო, ერთხელ მაინც, სიცოცხლეც, მენდე,
და მათქმევინე შენთვის მადლობა!

ჩემი მწმენდელი ქრისტეს მაგონებს,
მოწაფეებს რომ დაბანა ფეხი.
აწ განკურნებულს ვერ დამაღონებს
ვერავითარი რისხვა და მეხი.

აპრილი, 1928.

ხილთა ქება

მე მიხარია შემოსვლა ბალის,
ის მომწონს ფერით, მომწონს გემოთი,
მაგრამ მე ვიჩენ უფრო მეტ ხალისს,
როდესაც ნაზი თუთა შემოდის.

იქნებ მაგონებს ბავშვურ დროებას
ოქროს ჰერამი დღეს მოწყვეტილი,
და მე განვიცდი სხვა სიტუბობას,
როცა ვკამ ტყემალს კბილმოკვეთილი.

როდის ავიყვან ხელში ბროწეულს,
როდის დავტკბები მის წითელ წვენით?
და ლარიბ პანტას, ჯერ არ მოწეულს,
როდის ვაკოცებ პირველი რწმენით?

თუ მოვესწარი მე გორის ატამს —
ბალის მშენიერ, ფერად სამკაულს...
მაგრამ გამეხსნა უძღები მადა
და ველოდები მეტ დღესასწაულს.

მოველი ვაშლის და მსხლის მოსავალს
მათი სურნელი და მათი გემო
მე აღტაცებას აღმიძრავს მრავალს,
სიცოცხლე ხარბად რომ დავიჩემო.

ვნახე ბოსტანში ყარფუზის ფესვი,
მე დავითვალე ბურთი ცამეტი.
მთვარეზე უფრო ყვითელი ნესვი
მალე დაგვათრობს ჩვენ სიამეთი.

მე მაინც მახსოვს შავთვალა მოცვი,
კიდევ არ არის ის შემოსული.
ვამწიფებ მაყვალს ჩუმი შელოცვით,
რთველის იმედით გარემოცული.

მე გახარება კიდევ მომელის
ქყინტი სიმინდი, ყურძნის მტევანი! —
ეს უდიდესი ჯილღო მშრომელის,
ჩემი ოცნება და არჩევანი.

რა დამაფიჭებს კვახსა და ნიკოზს,
სისხლისტერ შინდის ახხივოსნებას!
და ხილთა კოშკი უნდა აიგოს
ჩემს მოწყურებულ მძიერ ოცნებას.

მწიფე ნაშლები კრთიან ვნებიდან,
როგორც ტოტების მწვავე ჰანგები.
ათქოს მოფრინდნენ შორ ქვეყნებიდან
და დასხდნენ ხეზე ფარშავანები.

მალე შემოვა უნაბი, ბია,
ხილი მრავალი — მრუში და წმინდა,
და თუ ვიგემე ლელვი მკერდლია,
მე ნეტარება მეტი არ მინდა!

!???.

წერილი ნანას

შენზე ოცნება სიცხეს ანელებს,
როგორც ნიავი, ჩემო პატარა.
შორათ გაკოცნი ნიბლია ხელებს
და შენი ეტლით მინდა გატარო.

ო, გენაცვალე, ხშირად ნუ სტირი,
ნუ დაისივებ უმანკო თვალებს.
გაგართობს წყნეთში მეზობლის ვირი,
ღიმილს შენს ტუჩზე ააცივებს.

ერთი სიზმარი წუხელა ვნახე,
ლაპარაკობდი თითქოს კიდევაც,
ეგ ხუჭუჭი თმა და ვარდის სახე
გამოგადგება, ალბათ, მზითევად.

მალე დაიწყებ, ნორჩო, სიარულს.
სულ მალე დედის ძუძუს დატოვებ
და სიტყვას ბავშვურს, სიტყვას მსიარულს,
როგორც სინაზეს, გაღმომათოვებ.

იყავ ჯანმრთელად, ჩემო ფარვანა,
თორემ მე შენს დარდს ვერ გავუძელი,
პირში ნუ იღებ ყვავილებს, ნანა,
თორემ აგტკივა ისევ მუცელი.

თუმცა მოა-ბარი შენგან მაშორებს,
გეამბორები მაინც აქედან.
იძინე კარგად! სათამაშოებს
მე ამოგიტან ხვალ ქალაქიდან.

აწჳენი

რომელ გარდასულ დროთა ომების
აქ ქარიშხალმა ჩამოიქროლა?
ეს შეთქმულება არის გნომების
თუ ბუნებასთან დევების ბრძოლა?

არა! მშრომელთა მტკიცე მარჯვენამ
ეს მიუვალი დასძრა კლდეები,
გააპო მათი ამაყი ფენა,
დაისაკუთრა ეს სივრცეები.

მუშებს მთის გულში გაჰყავთ გვირაბი,
აღფრთოვანებით ვაჟკაცობს ყველა.
მედგრად იბრძვიან შრომის გმირები,
რომ გაიტანონ სასტიკი ლელო.

ჩამოწოლილან დასაბამიდან
კლდეთა კედლები, ვით დრაკონები,
მაგრამ მოდიან ჟამთა ლამიდან
აჯანყებული ლეგიონები.

უკვე გამოჩნდა ლაშქარი გზაზე,
ის აღებს მთების დაჯავშნულ კარებს,
და მოულოდნელ ლალუმის ხმაზე
მთა შეფოთლილი ძწვანით, ზანზარებს.

ყოველ წერაქვის დაკვრა ძლიერი
ახალ სინათლის არის ნაკადი.
აქ ხელმძღვანელობს კონვეიერი,
შევარდენივით ნავარდობს ნადი.

სადაც ნადირთა იყო თარეში,
სინათლის კოშკი აღმოცენდება,
მზით დამშვენებულ ლამაზ მხარეში
გრძელ ღამის შემდეგ თეთრად თენდება.

აქ პრომეთეს და ციკლოპთა ჯარის
მართლაც გაცოცხლდა ძველი ზღაპარი
და გადაიქცა მიწა აქარის
მათი ნამდვილი თავშესაფარი.

უნდა ჩაკეტონ კლდეში მდინარე,
რკინის გალია მისთვის მზადდება.
ჰიდროსადგური სხივმომფინარე,
ვით მზექაბუკი, დაიბადება.

შრომის საყვირი, გრგვინავს ხმოვანი,
ისევ შეტევა მარდი, გმირული.
იბრძვის ლაშქარი სახელოვანი
ხუთწლედისათვის თავგანწირული.

1929.

დროებით მაინც

დროებით მაინც მოვშორდი ტფილისს:
ირგვლივ ლურჯი და მწვანე სამეფო...
გარდა ამ ტყისა, გარდა ამ ჩრდილის,
თუ არის სულის სხვა დაამება?

ვხედავ პეპლების ფრენას წუთიერს,
მე ყოველ დილით მოლალურს ვხედავ,
მაგრამ ფრინველის დაქერას ცბიერს
ვერ მოვახერხებ და ვერ გავბედავ.

ბალახში ნაზად გაჰკივის მწყერი,
ოდნავ მაგონებს ჩემს ბავშვის ტირილს.
ირგვლივ გუგუნებს ათასი მწერი,
შაშვის ქახქახი გაისმის ხშირი.

ზღვასავით ღელავს სათიბი ყანა,
ჩამოწვა ჩრდილი მაღალ მთებიდან.
მოჰქრის ნიავი, ვით იავენანა,
მოაქვს სალამი შორ ქვეყნებიდან.

და ღამით მაინც მოსჩანს ტფილისი
არა მტკივნეულ ცეცხლთა ალერსით,
გაისმის წნორის ხმა უტკბილესი
და ვარსკვლავთ სტვენა უმხურვალესი.

წყნეთი, ივლისი, 1929.

მებაღე

მშრალ შემოდგომის თბილი ქვეყანა
გულში აღვიძებს რაღაც სიმღერას.
აქვს მოგონებებს სიმწიფის ხანა,
როცა ისინი ატკობენ ცქერას.

და რაც წარსულში იყო მარტივი,
ღღეს ჩემთან მოდის მეტ სხივოსნობით.
თითქოს აღსრულდა, რაც ნანატრევი
მქონდა ოდესმე ჩემი ოცნებით.

ვრწყავ მოგონებებს, როგორც მებაღე, —
დიახ, ეს არის ჩემი მამული:
და თუ ცხოვრებას მე დავეთანხმე,
მიტომ, რომ იყო მზე მეწამული.

ოქტომბერი, 1929.

სიმღერა

ბევრი მგოსანი ჰგავს ყრუ ბეთხოვენს,
რომელიც გრიგალს უსმენდა შორით.
ცაში ხეტიალს გამოვეთხოვეთ
და მივაშურეთ მიწას ამბორით.

ჩვენ გავიქერით ქუჩაში მარდად,
სადაც ახალი გაჩაღდა კერა.
ზაპესთან ერთად ჩვენ აღვიზარდეთ,
მან გამოსკედა ჩვენი სიმღერა.

და შეემატა სიტყვას სიმძიმე
უძლეველ რკინის და ფოლადისა.
უკან დავტოვეთ მთვარის ციმციმი,
ტემპი — დროშაა ჩვენი ნადისა.

ჩვენი სამშობლო სწრაფად შენდება.
ვყვით ლაშქარნი ახალ დროების.
და ჩვენი სიტყვაც აღმოცენდება
იქ, სადაც ბრწყინავს მზე წარმოების!

ქარხნის საყვირნი კვლავ გაჰკვივიან.
მაშ მოწინავე რიგებში ყველა!
დღეს პოეზია კოლექტივია,
რომ ემსახუროს ხუთწლედს დამკვრელად!

1930.

რევოლუციის წარსულიდან

რევოლუცია ასრულებდა უძნელეს როლებს:
ის იყო გმირი და პატიმარი;
ის ატარებდა მრავალ სახეს, იხდიდა ბრძოლებს,
მუდამ მამაცი და მოღიმარი.
იმალებოდა სარდაფებში ჯანყის მღომელი,
იგი სიამით თავის დღეებს არ ალაღებდა,
მისი ნაბიჯი იყო მტკიცე და გაზომილი:
თავის მარჯვენით ის მომავლის კარებს აღებდა.
და, უსახლკარო, ის ათევდა ქუჩაში ღამეს,
აწყობდა სტამბას ფარულ ბინაში;
პირსახლიანმა ჯალათებმა ბევრი აწამეს,
მაგრამ ის იდგა ქანდაკებად მტარვალთ წინაშე.
იგი ციმპირში ატარებდა ახალგაზრდობას
და ხშირად იყო მიჯაჭვული მთელი სხეულით;
იგი უწევდა აჯანყებულ სოფელს სარღობას,
გამოუცნობი, ახლობელი და შორეული.
სპილოს ძვლის კოშკზე არასოდეს არ უფიქრია.
იყო სამსხვერპლო მისი კოშკი თვით სახრჩობელა.
ბევრი გმირები მოგონების ნისლში მოჰქრიან:
მათი სახელი ჩვენთვის ბრწყინავს ჩაუქრობელად.
ის დადიოდა დაფარულად, დაუმონები,
დემონსტრაციებს განაგებდა უჩინარ ხელით,
გამოიყვანა ქარხნებიდან ლეგიონები,
არვინ იცოდა მისი სახელი.
ხანგრძლივი იყო ქერქვეშ ბრძოლა და მუშაობა —
რევოლუციის მიწის ქვეშ დენა,
მაგრამ ცხოვრება გადაიქცა ზედმეტ ჭაობად,
საჭირო იყო დაუქრობელ ცეცხლის გაჩენა.

როცა მოვარდა ოქტომბერი ქარის სისწრაფით,
როცა უსმენდნენ მას მუშები თროლოვით, ცახცახით.
რევოლუცია აღსდგა ისე, როგორც მნათობი
და გამოცხადდა ლენინის სახით.

1937

აოგბი მონადირე

კვალ და კვალ მივღევ მე ახალ სახეს,
ტარიელივით გაჭრილი ველად,
ლურჯი ფრინველი სიზმარში ვნახე
და ის გამიხდა მე სანატრელად.

ჩემი ძალღია --- მარდი ოცნება,
ცხოვრების ტყეში ნაკვალევს ვყნოსავ
და არის წუთი — გასხივოსნება,
დაჭერილ სახეს მე სიტყვით ვმოსავ.

მაგრამ არიან ისეთი ღღენი,
როდესაც ხშირად ვაცილებ მიზანს.
ვღგავარ მდუმარე დაღლილი სმენით
და არ ვუწოდებ ჩემს თავს გულთმისიანს.

ვარ თავიდანვე ნადირთ მზვერავი,
და ბევრი მახსოვს მათგან კრილობა.
მესმის ხმა ვეფხვის გულდამსერავი,
თვალეების ცეცხლი და შეშლილობა.

თუმცა ნადირობა მეტად ძნელია,
არ ძალმიძს უკან მე დაბრუნება,
ცა უფსკრულივით საშინელია,
სდგას უზარმაზარ მღევედ ბუნება.

კიდევ გამძლეა ჩემი ფეხები,
მივდივარ სულ წინ — თამამი სხვაზე.
ან სადმე ხევში გადვიჩეხები,
ანდა გამოვალ სანატრელ გზაზე.

და რაც არ უნდა მოხდეს, ვიქნებით
მე და ტარიელ მუდამ ტოლები.
და ერთი რითმით, ერთი მიგნებით
თვითონ სიკვდილსაც შევებრძობები.

თელავი, 1936

ბროწეულის ტყე

ეყო ბავშვური ჩემი სამეფო
ბროწეულის ტყე ბაგრატი მთაზე.
ეს მოგონება მესაბამება
და ეხლა ვმღერი ქაბუკის ხმაზე.

სადა ხართ, ჩემო ბროწეულებო,
ასე უდროოდ რათ მიმატოვეთ?
თქვენი სურნელი და წვეულება
აქამდის მხიბლავს თავის მოტივით.

თქვენი ყვავილი და თქვენი ჩერო
წინათ მერჩია ყოველ ოცნებას.
ვერას გზით გული ეერ შევაჩერო —
თქვენს ხსენებაზე შორს იტყორცნება.

მე თქვენს ფესვებთან ვეძებდი იას,
პირველ პაემანს ველოდებოდი.
ფოთლების რხევას და სამაიას
ჩუმად ვუსმენდი, ჩუმად ვტკბებოდი.

ოითქო მაკბეტის ტყე ჯადოსანი
ჩემკენ დაიძრა ბროწეულთ ჯარი,
მოგესალმება თქვენი მგოსანი,
ნახევრად ბრმა და სახედამწვარი.

სექტემბერი, 1930

მეჩქარება

შემოდგომაა და მეჩქარება
მრავალჯერ დავტყბე ძვირფას ბუნებით.
თუმცა ჩემი ხმა ისმის ღარიბად,
ვარსკვლავებს წაინც ვესალბუნები.

ჰინდა მოვასწრო ნახვა მთაწმინდის
და ქუთაისში ბაგრატიის მთისა,
მეტად აწუნებებს ეხლა ჩემს სინდისს,
რომ წელს არა ვარ სტუმარი ზღვისა.

მე შარავნებზე აღვუთქვი ძმობა
არა ერთ ევას და არა ერთ ხესა,
ნათი კვლავ ნახვა, მათთან სერობა
მწყურია დღესაც.

მყავს სანახავი სპარსული ბალი,
მდინარე ხრამთან გაშლილი ობლად.
ეს ხე, ეს წყარო და ირმის თალი
გამოვაცხადო მსურს ჩემ სამშობლოდ.

მე ცრემლებამდე მწვავს და მაწუნებ
რომ უნახავი დამრჩა შუამთა.
ჩემს მრავალ ტრფობას ვინ უპასუხებს,
ვინ დამავიწყებს მომავალ ზამთარს.

სექტემბერი. 1930

მანც

როგორც ნამდვილი გასპარ გაუზერ,
ჩემ თავს დავეძებ ცხოვრების ტყეში.
მე საიდუმლოს ჰიმნებს დაეუწერ,
ნუთუ ჩამქოლავს ქარი და თქეში?

ირგვლივ მოცული საიდუმლოთი
მე მანც ვსუნთქავ, მე მანც ვმღერი.
თავიდან ცისფერ ყვავილის ლოთი
მთვრალი ვარ მისი ზღაპრული ფერით.

თითქოს ბუნება მე შევითვისე
და აღარ ცხოვრობს იგი უჩემოდ,
ნუთუ, ო ნუთუ მოვკვდები ისე,
რომ არ გავიგებ მე ცოდნის გემოს?

ერთადერთია ჩემი სურვილი —
იზიდას მოვხსნა პირსაბურველი;
დავტკბე საშინელ მისი მშვენებით
და შემდეგ გავქრე შენაჩვენები.

„ხომ არ ჩაივლის ამაოდ მანც,
ეს განწირული სულის კვეთება!“
ვით ბარათაშვილს და იმის რაინდს,
მომავალი გზა მეიმედება.

ბავშვობიდანვე მუდამ მჯეროდა:
უკანასკნელად მივალწევ მიზანს!
მოლოდინისგან გული მღეროდა,
როგორც შეჭფერის ყრმასა და მისანს.

ნუ გაცდებით ამაყი სიტყვით:
მე აღმოვაჩენ უკვდავ დიდებას.
და მომაკვდავი გედივით ვიტყვი:
ძმებო, შეხედეთ ჭეშმარიტებას!

ოქტომბერი, 1930

ხეშს

მეექვებოდით თქვენ იანვარში
და გესალმებით ისევ მაისში.
მშვენიერია ფოთლების ფარჩა
განთიადზე და ოქროს დაისში.

დიდი ზამთარი გამოიარეთ;
დიღხანს იყავით თქვენ გაძარცული.
ყოველი ტოტით, ყოველ იარით
გამოიგლოვეთ თქვენი წარსული.

ნეტა რა გქონდათ თქვენ სატირალი,
ან თუ რომელი გწვავდათ მიზანი.
სასტიკი იყო ქარი ფირალი,
დღეს თავს გვევლებათ მზე გულთმისანი.

ხართ პოეტების ოცნება წმინდა,
თვითონ ბრძენებსაც არ ეჯავრებით.
ერთი ვედრებით მოგმართოთ მინდა —
იყავით ჩემი თანამგზავრები.

და ჩემი ბავშვიც --- პატარა ნანა
ძიებს გეძახით, თქვენ, სპეტაკებო.
ახლა შეგხარით მთელი ქვეყანა.
ხეებო, ჩემო ამხანაგებო!

1931, გაზაფხული

თივის ზვინი

მე მახსოვს, როგორ სცელავდნენ ბალახს,
თითქოს ნიჩაბით აპობდნენ ტალღებს.
მზე დასცქეროდა მწვეანე იალალს
და მოთამაშე მღნლორზე ბალღებს.

ბალახი გახმა. ვეება ზვინი
ჩამოწვა, როგორც ოქროს ღრუბელი,
და შემოდგომის გრძნეული ინით
მთლად შეიღება მიდამო ნელი.

ამ ზვინზე ღამით ფარიკაობენ
„ვეფხისტყაოსნის“ ძველი გმირები.
და აქვე ღამით ქარნი დაობენ,
ცაზე ვარსკვლავნი სხედან ირიბი.

და ბრწყინავს ზვინი — სფინქსი და ქარვა,
გადმოვარდნილი ცხელ დაისიდან;
ხანდისხან უყვარს ნისლით დაფარვა
და იგი მაშინ უფრო მზიდავს.

მე მირჩევნია ეს ზვინი მყინვარს,
იგი ამშვიდებს მლელვარე აზრებს.
გულმა არ იცის, რა არის გმინვა,
და ისე მიჰქრის, რომ ნიავს ასწრებს.

და მე ხშირად ვარ ზვინის სტუმარი,
ალარ მაწუხებს მწვავე თბილისი.
და აიმართა ზვინი მდუმარე,
ვით პირამიდა მთლად ულბილესი.

იქ, სადაც არის წყალი და ფშანი,
ხარბად ვეყრდნობი მე ზვინს გოლიათს,
და ზვინი მისმენს — დიადი პანი,
ვით ზღვაში კუნძულს, თეთრი თოლია.

წყნეთი. 1931.

დაზვიანებული სონეტი

სიმონ ჩიქოვანს

მე მაგონდება დაისის ბალი
და იქ ორი და ცისფერ თვალებით.
ნათრთოლებს რალაც იღუმალეებით
ეს მოგონება — ნაკლებად სალი.

მტკვარი გარბოდა ვეფხვივით ლალი,
ირგვლივ ქალაქი ფეთქდა ალებით.
თითქოს იცვლიდა ფერს გამალებით
ნორჩ ვარსკვლავებით სავსე ცის თალი.

ო, ეს სალამო, ორი დის ცქერა
ჩვენ თავს დაგვენათის, როგორც ქიმერა,
ვით სიჭაბუქის ნაზი ოცნება.

ტალღებთან ტრფობა ტკბილი ყოფილა.
ჩვენ სამუდამოდ დაგვამობილა
ქალის ღიმღილმა და ჯადოსნებამ.

თბილისი, 1932.

ქელიაზოვი და პეროვსკაია

რევოლუციამ გამოჰკვეთა ბევრი გმირები,
როგორც ანტიურ მოქანდაკემ ძალუმი ხელით.
მაგრამ ეს ორი იქნებიან გასაკვირები,
ვით სიყვარული პირველი და უკანასკნელი.
თუმცა უყვარდათ ერთმანეთი. ბინა, ოჯახი
დაგმეს: ცხოვრება აირჩიეს განაქროლები.
ბელს დამუქრებულს შესცქეროდნენ ვარდისფერ სახით
და ყოველდღიურ გმრობაში იყვნენ ტოლები.
ხალხს და მის იღბალს ეძიებდნენ, ვით ჯვაროძანები,
ყოველი მხრიდან აწყდებოდათ თოვლის ბუჩქები,
სკვრეტდნენ მომავალს საგანგებო თავის ოცნებით
და წინ ილტვოდნენ — ეს ლაშქარნი, ეს ჭაბუკები.
ციხის მღვიმედან შემოესმათ ხმა უცაბედათ:
ტანშებორკილი ამხნევებდა მათ ნეჩაივი;
მეფის მოკვლისთვის საიდუმლო ჰქონდათ მზადება,
რომ ეხსნათ ხალხი მონობისგან ნაბეჩაევი.
როცა პირველ მარტს ყუმბარების გრგვინვა მეტყველებს,
და გრინევეცი ჰქმნის სიკვდილის შავ პარაბოლას,
ქელიაზოვი და პეროვსკაია მთელ მეფისმკვლელებს
ხელმძღვანელობენ დინასტიის გადასაბოლოად.
ვერ შეარჩიეს მსაჯულებმა მათი სიმშვიდე,
და ქედმაღალნი სასიკვდილოს შეხვდენ განაჩენს.
უკვე მოსჩანდა მათ წინაშე სამარის კიდე,
ზიზღით უცქერდენ ამ ცხოვრების კვალს გადანაშენს
ისინი ჩასვეს სამარცხვინო ეტლში ორივე,
ბრბო იყო ირგვლივ — უიმედო, როგორც მორევი.
ამაყად სჩანდნენ განწირული მათი ყელები,
ნაკლებად ჰგავდნენ ლმობიერი სახით ყაჩაღებს.

„გულზე ეწერათ ერთი სიტყვა: „მეფის მკვლელები“,
რომელიც შემდეგ მათ სახელებს გამოაჩაღებს.
მათი მხნეობა აღსასრულის წუთმა აღესა,
ფერშეუცვლელად იდგნენ თავის საგუშაგოზე:
„ღარ გრგვინავდნენ ყუმბარებით მტრის დასაღეწად,
მხოლოდ ერთმანეთს სიკვდილის წინ ხარბად აკოცეს.
ღიღი ხანია, რაც გათავდა ის აგონია...
კადმოვასვენეთ ჩვენ ხსოვნაში მათი სახელი,
რომელიც ახლა ყველასათვის გასაგონია,
როგორც გმირობის მშვენიერი გამოძახილი.“

1932.

ბუკინისტი

იგი ამზეურებს საეკვო ქონებას.
საესეა წიგნებით ბალის მოაჯირი.
თითქოს მისცემია რალაც დალონებას
ეს დროგადასული მდუმარე ვაქარი.

და ყვითელ წიგნებზე სცვივა უნუგემოდ
ფერფლი შემოდგომის ფოთლების ხმაურით.
ზამთარი წალეკავს ყველაფერს უხეშად,
ჯერ კი შემოდგომა სდგას, ვით აზნაური.

მუშტარი ძუნწია და იშვიათია.
იქვე ეჯიბრება მთხოვარა აშული.
არგვლივ უცნობები ამოდ დადიან,
მტვერის ანგელოსი ცეკვავს განაშუქი.

მოდის ბუკინისტთან მოხუცი მგოსანი,
ჩუმად გადაფურცლავს სევდიონ სტრიქონებს.
ამშვენებს ქარვების მას კრიალოსანი
და თვალცრემლიანი წარსულს მოიგონებს.

ბუკინისტს მოსტაცებს ძველ წიგნაკს ნიავი,
გამოეკიდება ის „ყარამანიანს“,
მას გულში ჩაიკრავს ტრფობით და სიავით,
როგორც ადამიანს.

ის არის წიგნების ერთგული მსახური
და წიგნებს, საბრალო საფლავში ჩაიტანს.
დაიძრა ცბიერი ღამე უსახური:
სიკვდილო პირშავო! მოდიხარ საიდან?

და როცა მოკვდება, როგორც ფრინველები,
მას გააცალებენ წიგნები შრიალით,
რომ მისი საფლაკის შეიქნენ მცველები
და დაავიჯებინონ მისი ხეტიალი.

1933

ელექტროს უზჷის ჩაქრობიდან ლაგვის ანთეგაგდე

საღამოს ჟამი, ვაზროვნობ ვხიზლად,
უცბად ჩაქრება ელექტროს შუქი...
დაიგრაგნება ნამქერად, ნისლად
სიცოცხლე თავის რჩეული რუქით.

და ვიდრე ბნელში პონახება
გადაგდებული სადღაც ასანთი,
მე სხვა სინათლე და გაჩაღება
გამომიქროლებს, ვით მწველი ლანდი:

ვარ ჰომიროსის გმირთა ნადიმზე,
როგორც მგოსანი და მომღერალი,
თითქოს მახარებს, მათრობს მათი მზე
და აღარა ვარ უკვე მწერალი.

ისევ აინთო ოთახში ლამფა
შუქის — მიზრათის გადამტყდარ წვერით,
ბოლო მოელო ანტიურ ამბავს,
მაგრამ მე მახსოვს, ო, ყველაფერი.

1933.

წყნეთის გზაზე

მე წყნეთის გზაზე შემომალამდა
და ყოველივემ იცვალა ფერი:
თითქოს ბარიდან ზეცის ბალანდე
გაიხსნა მიწის გული და ფსკერი.

მღვეებად დადგნენ ირგვლივ კლდეები
და გამოვიდნენ გონჯები გზაზე.
ქვევით — უღრანი შავი ტყეები,
ერთი ვარსკვლავი ცად აწვდილ მთაზე.

დაფარულ განძებს ვდარაჯობ ობლად,
შორს ირანელთა დაიძრა ზეავი.
ისმის ცხენების კიბვინი სოფლად
და ნიბელუნგად მე ვიგრძენ თავი.

ვინ ჩამაბარა ამდენი განძი,
ოქრო და ვერცხლი, ლალი მრავალი?
მაგრამ არღვევენ ჯარები მანძილს.
ჩქარობს ლაშქარი, აქ მომავალი.

როგორც ტოტები, სჩანან შუბები,
აი კიდევაც გავარდა მეხი.
თუ არ გათენდა, დავიღუპები,
ხევში მიპოვის წყნეთელი გლეხი.

1933.

საოკეანო თეატრის ჟანდარიდან

ქე ჟანდარიდან დავყურებ სცენას,
ვით თუთიყუში, რგოლზე მთვლემარე,
ცეცხლი ეღება ჩემს დამწვარ სმენას,
უვერტიურის ამოდის მთვარე.

მე არ მაოცებს პარტერი შავი,
რომ იკლაკნება ქვევით, სიღრმეში,
სწეწავს ოცნებას ერთი საკრავი
ავარდნილ ხმების სუსხიან ტყეში.

და ეს საკრავი წეროა ნაზი,
ისვრის ნისკარტით ბგერებს გარეულს,
რომ გააგოოს მთელი დარბაზი
და მისცეს იგი გზას სიზმარეულს.

თავისი კრება თითქოს სპირიტებს
აქ გაემართოს ორკესტრის ფსკერზე,
და პაგანინი გაიჯირითებს
მიზრაფიანი და მოალერსე.

თავის არიას გრგვინავს ფაუსტი,
მას ოქროსფერი უსმენს ქალწული.
მე ვალპურგის დამეს დავუცდი
ამღერებული და ფერწასული.

ჩალაც სურნელი მატირებს ლურჯად,
ვით მოგონება გამქრალ წეროზე,
და ორკესტრიდან ამოდის ურჩად
მაღალი ია მაღალ ღეროზე.

ვეხები ყვაველს სველ წამწამებით,
მე რომ მეწვია ბნელ ქანდარაზე.
ჩემი ოცნებით, ჩემი წამებით
ეარ ნოვალისის მოასპარეზე.

1933

• • •

ნუთუ ვარ მხოლოდ დამშრალი წყარო
და დავემსგავსე სნეულ ბეთხოვენს,
ნუთუ ლექსებით ვერ გავიხარო
და პოეზიას გამოვეთხოვე?

ეცხოვრობდი წინათ სიტყვების ძგერით
და მე რითმებში, ვით ნემსის ყურში,
ვაძკრენდი სახეს, რომ ჩემს სიმღერით
გადამელახა ცხოვრება ურჩი.

და ერთადერთი მე მქონდა დარდი,
რომ თვე ულექსოდ არ წასულიყო,
რომ ჩემი სიტყვა, ქარივით მარდი,
ქარის სიმღერის ნაცვლად თქმულიყო...
ლექსით ვზომავდი მე ჩემს კაცობას
და ბედნიერი ვიყავ სონეტით,
მუდამ მერჩია დიდ კალმასობას
ჩუმ შთაგონებით დამწვარი ბედი,
თუმცა დავდუმდი და გავქალარდი -
ძე ვიტყვი მაინც ბედის სიმღერას,
რომ არ მახრჩობდეს ლექსების დარდი
და ვეზიარო პირვანდელ კერას.

11 ოქტომბერი, 1933

ლენინის ხსოვნას

ძრავალი გზები გამოვიარეთ.
და არა ერთი წელი გავიდა,
ჩვენ მაინც გვახსოვს დღე მგლოვიარე,
თითქოს იწყება იგი თავიდან.

ცის ნატერფალი ჩვენს გულს ყინავდა,
თოვლში ვიყავით გამოხვეული.
და ოცნებაში ის დაბინავდა,
ვინც გამირთა შორის იყო რჩეული.

ჩვენ უხმო ცრემლებს ვაფრქვევდით ბელადს..
კვლავ გატაცებულს სასტიკი ძალით.
კეთხოვებოდით უკანასკნელად
ქარიშხალს — დახრილს ზაბლა სიკვდილით.

თითქოს ერთ ნიშანს ელოდენ ზღვები,
რომ მოსულიყვნენ იმის ცხედართან,
თითქოს გვესმოდა ტალღების ხმები.
მხოლოდ ეს წუთი არ განეტარდა.

რომელ ბეთხოვენს და რომელ ვაგნერს
შეეძლო ჩვენი სევდის მხილება?
ღრუბლებმა სული შავად დაგრაგნეს
და შექმნეს სულ სხვა განწყობილება.

ჩუმად უსმენდა ბელადი ქუჩებს,
სად მღელვარება აღარ შეჩერდა,
ელოდებოდა საყვარელ მუშებს,
აი კიდევაც მოზვავდნენ ერთად.

და გარდაუვალ მალალ ჯებირად
დადგნენ მუშები ბელადის ახლო.
მისი სახელი გაიზეპირა
ქარმა და კენესით წაიღო მალლა.

ბელადს მიწისთვის ვერ ვიმეტებდით
და გაცოცხლება გვინდოდა მისი,
მაგრამ ობოლ ფიქრს ვაიმედებდით
გმირის კუბოსთან დაღებულ ფიცით.

1934

სალამო საბურამოში

ისევ ხსოვნაში აღსდგა ილია...
იწვის არაგვი — სათუთი კვარი.
და ჩემთვის მაინც უფრო ტკბილია
ერთი ჭადარი სახლის წინ მდგარი.

იგი ეკვრება თავის ტოტებით
აივანს, ახლა უკვე ცარიელს.
თითქოს მოელის ჩუმი გოდებით
უტყვი ნესტანი თავის ტარიელს.

ასე მგონია, ილიას სული,
და არა მარტო რითნების ბგერა,
არის ჭადარში გამოსახული,
როგორც ოქროსფერ ფოთოლთ სიმღერა.

მე თვალუწვდენელ სივრცეებს ვხედავ
ატყორცნილს მაღალ, შორს მწვერვალებად.
ამაოდ ვეძებ ადგილის დედას —
იგი უთუოდ აქ იმალება.

ეზოში წყაროს ეტყობა დაღლა.
ახლა სხვა არის ბაირახტარი.
და არე-მარე ამაყობს ახლა
ნათელ ზაჰესით და ნატახტარით.

„კაკო ყაჩაღის“ სტრიქონებს ყურში
ხე ჩამჩურჩულებს, ვით მოგზაური,
და მესალმება სიცოცხლე ურჩი
მოწაფეების ნორჩი ხმაურით.

ახალი ყოფის პირველ მგოსნებად
საგურამოზე ვარსკვლავნი სჩანან.
და ის ქადარი ჩემს საოცნებოდ
ლამეში ამბობს ტკბილ იავნანას.

1934.

ჩენი უმხვედრა ეგნატუსთან

დიდო ეგნატე! შენ გვიცქერი შექსპირის სახით.
შეჭემენ მრავალი სახეები, თუმც ხუთ წელიწადს
შენ სწერდი მსოლოდ, ავზნებულა კლექის ცახცახით
ბნელი წარსულის დასაგმობად და დასალეწად.

კარლ მოორივით შეგვაყვარე გლები ფირალი.
პალიასტომით აწივლებდი შენ ჩვენს ოცნებას.
შენი ქალები თვითმკვლელობით, კვნესით. ტირილით
თავის დაღუპულს მოითხოვენ პატროსნებას.

აღმოაჩინე შენი კალმით ნაული გურია,
ჯანყით, ვაებით, სიღარიბით და კრიმინალულით.
შენი უყვდავი, მემამბოხე სიტყვა გვწყურია
და შენი სახე ლმობიერი, მკვეთრი, ტანჯული.

ჯანყის მედროშე ბნელ ქუჩებში დაიარები,
ერთხელ ვერაზე დაგინახე მტკვარის მზვერავი.
მინდოდა შენთან საუბარი მწველ იარებით
და უცაბედად მიიმალე გულდამსერავი.

და კიდევ ერთხელ პირველ მაისს გნახე ირიბად,
ურიცხვ მსვლელობას ამშვენებდი გამზდარ პროფილით.
მიწის მონები გადაიქცენ შრომის გმირებად,
მუშებს და გლებებს მოუძლოდი ხელაპყრობილი.

წინამორბედო! შენ გმირობის ველზე დაეცი,
რომ დაგემსხვრია ბატონობის მძიმე უღელი;
სოფლის ქვითინი, სისხლიანი შენი დაისი
დღეს აღმობრწყინდა გამარჯვებულ ხალხის ქუხილით.

ოქტომბრის სტრიქონები

სთქვა პოეზიამ თავის სიმღერა
დიად ოქტომბრის პირველ გრიგალთან,
ცა ხანძარებით გადაისერა
და ცეცხლიანი დაფერთხა კალთა.

განწირულია ყველა, ვინც დარჩა
ამ ქარიშხლიან ღღეთა გარეშე.
და სანამ არის მონების გარჯა,
ოქტომბრის ქარო, შენ ითარეშე!

რომ დედამიწის იყოს ალამი
მხოლოდ და მხოლოდ ნამგალ-ჩაქუჩი,
და მსოფლიოში მშრომელთ სალამი
ისმოდეს ბრძოლის ხმით განაწუქი.

ჩვენს დიდ ოქტომბერს, როგორც მრავალ მზეს,
შემოურკალავს ჩვენი ქვეყანა,
ჩვენ გადავლახავთ უფსკრულსა და კლდეს,
მუშათა კლასის აყვავდეს ყანა!

აღმშენებლობის დაეაყაყებას
ახლა ზეიმობს ჩვენი დღეობა,
და მისცემია მეტ ალტაცებას
ლენინის ნორჩი მემკვიდრეობა.

დამკვრელთა ტალღას ვინ შეაჩერებს,
ყველგან გაისმის ქარხნის გუგუნვი;
გმირული შრომა ბრმებსაც აჯერებს,
რომ ჩვენი არის ეს საუკუნე.

ჩვენ ტრაქტორებით ვკვეთავთ ყამირებს,
ელსადგურებით აფეთქდა წყალი,
საზიზღარ წარსულს დაასამარებს
რევოლუციის ყოფა ახალი.

მე, ოქტომბერის წლისთავს თვითეულს
განვიცდი, როგორც პირად მიღწევას.
მრავალშტოვანი ხუთწლელი წლეულს
ურყევ სიმაგრედ გადაიქცევა.

ლენინის დიდი, წმინდა სახელი
მუდამ აშუქებს ჩვენს წინსვლას, ბრძოლას.
აღტაცებულნი მისი ძახილით
ჩვენ ვემსგავსებით უძლეველ ფოლადს.

აღმშენებლობა ჩვენს ქვეყანაში
ზევით მიილტვის, ვით ქანდაკება,
ვართ გამარჯვებულ შრომის ხანაში,
მტერი ამაოდ დაგვეტაკება!

ტყვილად მოვიდა ევროპა ალყით,
ქოტები მზის წინ სწრაფად ჰქრებიან,
ჩვენს პლანეტაზე არასდროს ხალხი
მეტ გამარჯვებას არ ღირსებია.

შრომის გმირები და დამკვრელები
იბრძვიან, როგორც ჯარი მრავალი,
რომ გამოსჰედონ თავის ხელებით
სოციალიზმი და მომავალი.

ტრაგედიის დაბადება

ჩელუსკინელების ყინულზე ლოდინი
არ იყო აჩრდილთან ჰამლეტის საუბარი.
თუმცა მათ სიკვდილმა თეთრ გილიოტინით —
თეთრ ტოროსებით ირგვლივ დაუბერა.

აგებდნენ კარავებს; ელოდნენ შველას.
ცივმა ქარიშხალმა ბევრი ითაღლითა.
ბაძავდნენ შმიდტს — ფოლადის ბელადს,
ავგიანდებოდათ მფრინავეებს მაღლიდან.

და მფრინავეების დამკვრელი ამაღა:
სლუპნიოვი, მოლოკოვი, კამანინი —
დადგა ჰაერში კვლავ ყირამალა,
რომ გადაელახათ სტიქიის სამანა.

და მათი ლაშქრობა იყო ქრუანტელი,
ბნელში იძირებოდნენ მფრინავეები.
არ ამხნევებდათ ვარსკვლავთა კანდელი,
და ეხეთქებოდნენ ქარნი მგმინავეები.

არა პისკატორი და მარჯანიშვილი,
საბჭოთა კავშირი იყო რეჟისორი.
ეს იყო მშრომელების შთაგონება შიშველი,
კვლავ გაშუქებული პარტიის სისწოროთ.

გრგვინვით
თვითმფრინავნი
მიაპობენ
ჰაერს,

ჩამოვარდა

კიდევაც

ერთი.

ისეთი აღმაფრენა არ ჰქონია სხვა ვერს,
ასეთი გმირობა არ არის გვერდით.

თითქოს პოეზია იყო ჩაძირული
ყინულში და მოვარდენ მფრინავები,
რომ გადაერჩინათ ბანაკი გმირული
თავისი მკლავებით.

გმირებმა ჰაერი, ყინვა გადასერეს,
ახადეს ჩელუსკინელთ სიკვდილის ფარდა,
თავის სახელები პოლუსზე დაწერეს —
როაღლ ამუნდსენის, ნანსენის გარდა.

ეს არის უდიდესი ახალი ტრაგედია,
რომელმაც დაფარა ყველა შექსპირები.
და ეს გამარჯვება კავშირის ბედია,
დღესასწაულია საბჭოთა გმირების.

მე დღეს ჩემი თავი ოდნავ მეცოდება:
ყოველთვის მეტია გმირი პოეტზე.
მაშ დავიმსახუროთ გმირის წოდება,
რომ ჩვენ არ ვჩიოდეთ ბედზე.

მაშ თქვენც დაეკიდეთ, რითმებო, ყირამალა, —
გჭონდეთ უსათუოდ მაღალი მიზანი,
მუდამ ქანაობდეს თქვენი ამაღლა,
და გადაიაროს რკალები ცისანი.

ვაყინულ უცხოეთში ჩვენ გველოდებიან,
ყით ჩელუსკინელნი. მუშათა მასები.

ჩვენ შორის ყინულები მრისხანედ დგებიან,
მაგრამ მათ დავარღვევთ შეტი ალტაცებით.

ყველაზე მეტია,

ყველაზე მეტია

ჩელუსკინელთა უკვდავი ამბავი.

ეს ხომ ფრთაშესხმული არის ტრაგედია
ოქროს ასოებით დასასტამბავი.

1934.

ჩემი ჰეყანა

პრომის მუსიკას — წელთა სვლაში შეუნელებელს,
რომელსაც მუდამ გამძაფრებით ქმნის საბჭოეთი,
მთელ ჩვენს ქვეყანას, თავიდანვე გმირს და მშენებელს,
დღეს კიდევ ერთხელ ესალმება ლექსით პოეტი.

რა უნდა გითხრა მე ისეთი, ჩემო ქვეყანავ,
სხვებს რომ არ ეთქვას მეტი ძალით და შთაგონებით?
მსურდა გრძნობები, ვით ბავშვები, გამომეყვანა
ახლად დაწყვეტილ ყვავილების მცირე კონებით.

კოლექტივებში და ქარხნებში კვლავ იჭედება
ახალი რიტმი — ჰარმონია ახალ ცხოვრების.
უფსკრულები და მყინვარები დაგვეჭიდება,
მაინც და მაინც ჩვენ ვიქნებით შეუპოვრები.

კიდევ ბევრია სივრცეები გადასალახი.
ცათამწვედენები და მრავალი ყველგან ხარაჩო...
იქ, სადაც იყო ტრამალები, ქვა და ბალახი,
ამართე დიდი ქალაქები შენ სადარაჯოდ.

შენ ხარ კაბუჯი — ჰაერის და მიწის მკვეთავი,
და შენს პროფილში თვით ლენინის მოსჩანს იერი.
ბრინჯაოს გმირო! იქნები და ხარ გამბედავი,
მუდამ მიაბტვრევ დაბრკოლებებს მხრებგანიერი!

აწრობ ჭაობებს, რომ კოლხიდა აქციო ბადად,
ხარ ამირანი შეუდრეკელ მაგარ კუნთებით.
და შენ ციტრუსებს გასაოცარს ავრცელებ ლაღად —
აყვავდეს მხარე ლალებით და იაგუნდებით!

მიყვარხარ მაშინ, იუდენიჩს რომ იგერიებ,
როცა მოადგა ის პეტროგრადს თეთრი ჯარებით.
და არა ერთხელ ისტორია შეგაკერიებს
სუდარას მტრისთვის, რომ ოცნებობს მკვლარ მირაჟებით.

მიყვარხარ, როცა „ბელომორის“ აგებ ჯებირებს,
და უდაბნოში ლიანდაგი გაგყავს ტურქსიბით,
ქარი შენს სახელს ალტაცებით გაიჟეპირებს
და ისევ ახალ მიღწევებით დაიყურსები.

1935.

ბალადა ულეიფისა და მარაოს შისახეზ

თამარ ჰავჭავაძეს — ლედი მილფორდს

თეთრი მარაო ეჭირა ხელში,
როგორც ფრინველი, უნაზეს ფრთებით.
გრძელი ულეიფი — თითქოს ზღვის ელჩი —
უკან მოსდევდა, შრიალით, ვნებით.

და აქნეული ზევით მარაო
გადატყდა წელში, როგორც მიზრაფი.
მან თითქო სახე დაიფარაო,
როცა მოედვა ცეცხლი სისწრაფით.

მან შეაგროვა მარაოს ფერფლი,
გულში ჩაიკრა ჩუმი წვალეებით.
იდგა უძრავად, ვით ბედის მსხვერპლი
და ელვარებდა მეტ ბრწყინვალეებით.

ულეიფს არბევდა ცეცხლი ძლიერი,
ქალს მოეხვია სამოსი გველად.
როგორც ფლამინგო ფრთებგანიერი,
იგი იწვოდა გულდასაწველად.

სუდარის მსგავსად დაეშვა ფარდა,
ისევ აინთო სხივთა კანდელი,
ტაშის ყუმბარა ცაში აეარდა,
ვით აღტაცების კორიანტელი.

აპრილი, 1935.

ზ ლ ვ ა ზ ე

მე ზღვას გავსცქერი. ასე მგონია,
რომ ვარ მფლობელი ურიცხვ ქონების,
თითქოს ტალღათა ეს ჰარმონია
აყოს ქმნილება ჩემ შთაგონების.

ზღვა თითქოს არის ჩემი მამული,
თვალუწვდენელი ტალღების ბალით,
ენახე მზის ჩასვლა აქ მეწამული,
ზღვის ხეტიალი — მარადის ლალი.

ზღვა არის ჩემი ოცნების განძი,
სხვა მარგალიტი მე აღარ მინდა.
დარჩა წარსული ცხოვრება განზე
და ტალღა ჩემს წინ კვლავ აბიბინდა.

დღემდე მირაყებს ამაოდ ვქმნიდი,
ტყვილად ვეძებდი ზურმუხტებს, ლალებს.
სანახაობა ამაზე დიდი
არ ღირსებია ჩემს ცოცხალ თვალებს.

ვინ ამოსწუროს ზღვის სიღრმეები,
შიგ ჩაძირული ვინ ჰპოვოს თასი,
ჯერ არ ნახული ორხიდეები
და სასწაული ათი ათასი?

შორს ზღაპარივით სდგას ციხისძირი,
ვით ამოსული ზღვიდან მშვენება.

მესმის ტალღების ლაშქრობა ხშირი
და თავი სარდლად კვლავ მეჩვენება.

ჰა, ჰორიზონტზე გამოჩნდა გემი,
მაღალ აფრების სპეტაკ შტოებით,
ისეთ სინაზის, შვების მომცემი,
რომ დავიკვნესე მე სასოებით,
მთვრალი ტალღების უსაზღვროებით!

1935.

შ ე რ ო

შენთან მოდიან ნისლებით მთები
და გაოცებით გიციქერს ბუნება.
შავი მდინარე ქებათა-ქებით
ნაპირებიდან გესალბუნება.

და მეც გავბედე, შენთან მოვედი,
რომ უმდაბლესი გიძღვნა სალამი,
გული დამწვარი სიმარტოვეთი
ათრთოლდეს, როგორც ცეცხლის ალამი.

მე შენს წინაშე, ვით ცეცხლფარეში,
ვღგავარ პირისპირ, მრისხანე ფერო,
რომ გამოვექედო ახალ არეში
ლექსი მაღალი და სასიმღერო.

მე მაგონდება წარსული ბნელი
და აქ მონობა ჩემი წინაპრის.
ახლა ის არის მუშა — დამკვრელი
და შემოქმედი სხვანაირ ზღაპრის.

შენ ნაცნობ ცაზე ხარ აღმართული,
როგორც ხომალდი და ბაირადი
და თვითეული შენი სართული
დიდ შთაგონების არის ჩირადი.

ეს არის ცეცხლთან ბრძოლა გმირული,
არის ეპოსი ეს კომუნიზმის,
აქ დამკვრელობა თავგანწირული
შრომის უდიდეს მუსიკად ისმის.

ჩვენ ეს გმირობა მოგვცემს მეტ ფოლადს
და აურიცხველს მოგვცემს მანქანებს,
ერთი წუთითაც არ ცხრება ბრძოლა
და ფერომშენი წინ მიგვაქანებს.

ტრანსპორტიორებს მე მივყვებოდი,
ვუცქერდი ირგვლივ ბუნკერებს მრავალს.
და ამ სწორ გზაზე ხარბად ვხვდებოდი
გამიზნულ მწვერვალს და თვით მომავალს.

აქ ფერო-გიგანტს ელოდა მხარე
ისე, ვით ხომალდს ელის ნაპირი.
ფერო — მაღალი და მოელვარე
გაჰკვეთს მთელ წარსულს, ვით ბირდაბირი.

ფერო კოშკია, ააქვს რომელიც
მშრომელების რაზმს თავის ხელებით.
ცეცხლი გუგუნებს დაუცხრომელი
და წმინდა ლითონს ჰქმნის გახელებით.

ღუმელთა ცეცხლი მკაცრად ღრიალებს,
კვამლით იფარვის ზეცის ტატნობი,
ხანძარი მუშებს შეატრიალებს,
სანამ გამოსჩქეფს ძირს შენადნობი;

ის დაიღვრება ოქროს დაისად,
მრავალ ცქერათა დამატკობელი.
— ნუ გაგიჟდები, ცეცხლო, დაიცა,
თორემ დაიწვა მუშა მდნობელი!

აი, მზადაა ცეცხლისთვის კაზმი.
ისმის ღუმელთა გრგვინვა, თარეში.
ცეცხლს ისევ უტევს მუშების რაზმი,
დაჰქრის ხანძართა სიელვარეში.

შენ რიონპესით ხარ აგზნებული
და არასოდეს არ იქანცები.
ავ ღუმელების ავი კრებული
მუდამ ვარვარებს წითელ ანძებით.

მთებს ზურმუხტოვანს ცეცხლი ედება
და ბრწყინავს მხარე მუდამ მზიანი,
ფეროსთან ერთად იქ იქედება
ვპირი — ახალი ადამიანი.

ვით უდიდესი მუსიკა, ისმის
ფეროს სიმღერა, ფეროს გუგუნე,
არის ნაბიჯი ეს კომუნიზმის,
აქ ტანმალალი სჩანს საუკუნე.

რევოლუციას აქ აუგია
დაუღალავი თავის მხლებელი
და ღღეს ზეიმობს მეტალურგია
ვით ერთადერთი კანონმდებელი.

იქ, სადაც იყო მთების ღუმელი,
ცის დასავალის ყელი ლატანი,
ღღეს ვეშაპივით გრგვინავს ღუმელი,
რომ გაატაროს ბრძმედში მადანი.

გვახარებს, როგორც ყოფა მართალი,
ღღეს ქეშმარიტი ჩვენ მრეწველობა,
ფერო ბრძანებლობს, როგორც სარდალი,
როგორც მუშების დიდი მსვლელობა.

ფეროს არ სძინავს, არც ღლით, არც ღამით,
იგი დამკვრელი არის თავიდან.
მან დასვენება არ იცის წამით,
ახლაც ალკვამლით ცაზე ავიდა.

და თუ ეს ლექსი, ვით ფერომდნარი,
დაითანგება ცეცხლის იერით,
თუ ფოლადივით იქნება მყარი,
მაშინ მე ვიტყვი: ვარ ბედნიერი!

რეჟისორებო და თქვენ, მგოსნებო,
მოდით, ისწავლეთ გიგანტის ენა:
საქმე კეთდება აქ საოცნებო
საუკუნეთა გადასარბენად!

1935.

ჭ უ თ ა ი ს ი

მე განახლებულს ვხედავ ქუთაისს.
ვუცქერ ყველაფერს ახალი განცდით:
ნაცნობ მდინარეს, ქუჩას თუ დაისს,
ჩემთვის რომ იყო ნამდვილი განძი.

მოგონებები ტკბილი და მწუთხე
მე თითქოს გზაზე გადამელობა.
და ახლა ჩემთვის ყოველი კუთხე
უღრის უეცრად ნახულ მეგობარს.

მე აქ პირველად აკაკი ვნახე
მისი ქაღარით, ცეცხლის თვალებით,
მოარულ ძეგლის მას ჰქონდა სახე
და მივესალმე მეც მოკრძალებით.

მაგრამ წარსული გადაირაზა
და ქუთაისი მიცქერს ახალი.
ვხედავ შორიდან ბაგრატიის ტაძარს,
რომელსაც ჩრდილავს კოშკი მაღალი.

აჭარის მთები მაგონებს ხურჯინს,
ცის ჰორიზონტზე გადაკიდებულს
და რიონჭესი, — ამაყი ბურჯი,
სინათლის რუქას ხატავს დიდებულს.

ქალაქი, როგორც სიმაგრეებით,
მრავალ ქარხნებით შემოირკალა.
ცა იშმუშნება ლურჯ სარკეველით,
მოჭქრის საყვირი, თითქოს გრივალა.

უწმინდეს თოვლად სცვივა ბარიტი,
დარაჯობს ქუჩას დაფნა, ასფალტი.
და ინდუსტრიის ხმა ქეშმარიტი
გაისმის, როგორც შუადღის ალტი.

ბაგრატის ტაძრის მოსჩანს საკანი,
დროთა ხანძართ გადანაბუგი,
სხვა სიმღერების არის საგანი
ეს ქუთაისი — ნორჩი ჭაბუკი.

1935.

მ ი ს ა ლ მ ე ბ ა

გათავხედებულ ფაშიზმის კერპი
კიდევ ზეიმობს შავი სვასტიკით,
რკინით ნაქედი იმისი ტერფი
სთელავს ქვეყანას მეტ სისასტიკით.

სისხლით, მუქარით და ცბიერებით
თავისუფლება მოსპო აზრისა,
პოეზიის და მეცნიერების
მან ყვავილები ყველა გასრისა.

მაინც არ ეკერის ნისლი მწუხარე
პროლეტარების შეზღუდულ ფიქრებს.
შილლერისა და კარლ მარქსის მხარე
ახალ ბრძოლისთვის ძალღონეს იკრებს.

თუმც უხამიანი წრე შემორკალა
მრავალკანიან ფაშიზმის გველმა,
არ დალეულა მუშებში ძალა
და ტყვეობაში მხნედ არის ტელმან.

მწამს დიმიტროვის სიტყვა გმირული
იქნება ბრძოლის კვლავ გამომწვევი.
მუშათა კლასი კლდედ დაკირული
ჯურღმულებიდან ამოვა ზევით.

ვით ბირნამის ტყე, ხალხი წამოვა,
ღღეს თითქოს უტყვი, თითქოს უძრავი,
რომ ჯალათების ბინძური ხროვა
შემუსროს კიდევ შეუმუსრავი.

დამწვარ წიგნების ფერფლი გრძნეული
ზღაპრულ ფენიქსის ფრთებს გამოისხამს,
რომ ამეტყველდეს ხმააწეული
მინენზინგერი ახალ დროისა.

მტერი იმეტებს ხალხს მოსაკლავად,
მტერი ვერაგი, ულმო და ფლიდი,
მაგრამ პირგაშლილ მაღალ ვარსკვლავად
მოსჩანს საბჭოთა კავშირი დიდი;

სად ხალხთა ბედი დღეს იჭედება
ნათელ მომავლის ნათელი გზებით,
სადაც დამყარდა შემოქმედება
სტაბანოველთა ვაჟკაცურ გზებით;

რევოლუცია, შენ მოზვავდები,
როგორც გრიგალი, ცეცხლი და ტყვია!
შენს გამარჯვების სწორი თავლები
„კომუნისტური მანიფესტია“!

სისხლიან დროშით ლიბკნეჰტის ჩრდილი
წინ გაუძღვება ძველ ამხანაგებს,
და ამბობს ხმალამოწედილი
ნიბელუნგების დასცემს ბანაკებს.

ურიცხვი ტალღა მეამბოხეთა
რისხვას მიიტანს სასახლეებზე,
ფრეილიგრატის სული მოხეტე
რომ არ გმინავდეს წარსულ დღეებზე;

რომ არ სტანჯავდნენ შრომას სასტიკად,
სხვისი არ იყოს ის მოსამკალი,
და შეიცვალოს შავი სვასტიკა
სახელოვანი ჩაქუჩი-ნამგალით;

რომ კომუნიზმის დროშამ დათაროს
ყოველი სახლი, ყოველი ქუჩა!
და გერმანია მთლად გადაბაროს
გამობრძმედილმა ბრძოლებში მუშამ.

რევოლუცია, შენ მოწვევდები,
როგორც გრიგალი, ცეცხლი და ტყვია!
შენ გაიმარჯვებ, ამის თავდები
„კომუნისტური მანიფესტია“!

დიმიტროვს

ეს აღარ არის მხოლოდ ზღაპარი,
შეიქმნა სულ სხვა ადამიანი.
ქველი ქვეყანა, ვით წინაპარი,
მიდის უფსკრულში თვალისხლიანი.

დღეს დიმიტროვი იპყრობს ოცნებას:
მან ბრძოლის დროშა ამართა მაღლა,
იმის გმირობას, პატიოსნებას
ჩვენ ვესალმებით ყველანი ახლა.

ის მოველინა მტარვალთა ბანაკს,
მრისხანე სიტყვის კექა-ქუხილით.
და ჩვენ თაყვანს ვცემთ მეღვარ ამხანაგს,
ვისაც ტყვეობის არ სტეხს უღელი.

ეს ცეცხლით საესე ვინ შექმნა ენა,
ვინ გამოსჰედა მისი სახელი.
აქ დიდ ოქტომბრის არის გავლენა
და ჩვენი ბრძოლის გამოძახილი.

სასამართლოში გამოჩნდა დედა.
უსმენს საკუთარ შეილს ქანდაკებად.
ათი წლის შემდეგ პირველად ჰხედავს
და გული ტრფობით დაედავება.

ზის ვანდერ-ლებე, ზანტი, მღუმარე,
ვით მსახიობი ნაქირაეები.
სჩანს მის სახეზე ღიმილი მწარე,
სჩანან მსაჯულნი, როგორც სვაეები.

ამირანების მსგავსად მუშები
კვლავ სდარაჯობენ ჯანყის სამკაულს.
და მათი კენესა დაუყუჩები
გვიქადის გრიგალს და დღესასწაულს.

დაფრთხა ჯალათი, ვერ მიუსაჯა
შავი სიკვდილი ქედმაღალ გმირებს.
სცემს კომუნის უკვდავი მაჯა,
იპყრობს შორეულ სასტიკ ნაპირებს.

ჩვენ დიმიტროვის ნახვას მოველით,
მაღალ სიმამრედ სდგას საბჭოეთი.
მიესალმება მუშა ყოველი
გმირს ალტაცებით, როგორც პოეტი

ვაჟა და ფიროსმანი

ქეჩის ქუდს თავზე დაიკოსებდა
და დადიოდა შვენაბდიანი.
ერთხელ ჩავიდა ვაჟა ქოსებთან,
თან მოიტანა ქროლვა მთიანი.

მას ახლავს მხოლოდ შიო მღვიმელი.
ამჩნევს ფიროსმანს ცუდ ტანსაცმელით.
ვაჟა უცქერის მხატვარს ღიმილით,
უმასპინძლდება შემდეგ სასმელით.

ვაჟას თვალი აქვს ჩამოხეული,
და მაინც არის იგი მინდია,
ფიროსმანს მოსწონს სახე გრძნეული,
მაგრამ იმის წინ თითქოს ბინდია.

ვაჟა არ გავდა აზნაურ პოეტს,
თუმცა უყვარდა ლექსთა ყაბახი.
დაშორებულმა ბარს და უცხოეთს,
იწამა მხოლოდ მთის ალაყაფი.

მხატვარმა ვაჟა ისე დახატა,
როგორც არსენა მთიდან მოსულა.
ის ამბოხებულ გმირად გახადა,
ხალხით რომ იყო გარემოცული.

თრთოდა სიმღერა, როგორც ჯეჯილი,
ისმოდა თარის ძახილი ნაზი.
და ვაჟას თვალი ჩამოგლეჯილი
მაინც აფრქვევდა ელვას სიბრაზით.

აღარ თავდება წუთი გვიანი.
სიანს ქუჩიწვილი ღამის სტუმარი.
მაგრამ წამოდგა შაკნაბდიანი —
უკვე იღვიძებს ქუჩა მღუმარე.

ვაჟამ აკოცა შუბლში ნიკალას,
ისევ შეხედა სათუთ ღიმილით.
შემდეგ გასცილდა მშფოთვარე ქალაქს
უკან მისდევდა შიო მღვიმელი.

1935.

წიფობელა

ჩემი სალამი ღღეს წიფობელებს,
ასეთ სიამით რომ გაჰკვივიან,
სალამი მწვანე და ოქროს ველებს —
ირგვლივ ყანების კოლექტივია.

დამწიფებულა ბუჩქზე მაყვალი
და იხედება შავი თვალებით.
ამ სილაყვარდეს ჩემი თაყვანი,
მე ტყიან ქედებს ვენაცვალები.

ნაზად მწიფდება ზანტი ყურძენი,
თითქოს ის იყოს ბავშვის ნაყოფი,
ყვითლად კანკალებს ხეზე ფურცელი
და ცა დადდება — მზის ალაყაფი.

გაღეწეს პური, და კალოები
დიდ ზეიმისთვის ბელურებს დარჩათ,
ველარ იტევენ ვაშლებს რტოები,
კიდევ აკლუცობს მინდვრების ფარჩა.

აქ მოსავალი აიღო შრომამ.
შენც, ჩემო ლექსო, დამწიფდი მალე,
დე, იყოს შენთვის ეს შემოდგომა,
როგორც ბესიკის ბალი ბრწყინვალე.

ქვიშხეთი, 9 სექტემბერი, 1935.

ქვიშხეთის ქარი

ქვიშხეთის ქარმა მეტ ფუფუნებით
მომიალერსა, მომცა ნუგეში,
მე ვარ იგივე, მისი რწმუნებით,
რაც რომ ვიყავი სიკაბუკეში.

როგორც პატარას, მომკიდა ხელი,
საქანელაზე მან დამსვა ახლა.
მოთხრა: — შენია ეს მინდორ-ველი,
აბა, ავფრინდეთ სულ მალლა, მალლა!

შენ მუდამ მეტრფი, როგორც ჯადოსანს,
ცაში დამსხვრეულს მრავალ ზარებად,
მალე გაგიმხელ — ჩემს მარად მგოსანს —
მთელს საიდუმლოს და ნეტარებას.

რომ არ ეძებდე ლურჯთვალა მიზანს,
არ იყო წლებით შენ დაურვილი,
არ შესცქეროდე ყოველ ცრუ მისანს
და არ გახრჩობდეს მეტი წყურვილი.

ამაოდ მთვარეს არ მოელოდე,
და კიდევ ათას ერთ დაღამებას,
რომ მუდამ იყო, როგორც ფოლადი,
და არ დაუთმო წუთი წამებას.

ჩვენ ვნახავთ ტალღებს, ზღვად გადაშლილებს,
ვერ შეგვაჩერებს მთების კრებული.

მე დაგანახვებ ისეთ ყვავილებს,
რომ დაიკვილებ გაფითრებული.

კმარა ლოდინი! აბა, გაბედე!
გადავყირავდეთ ფრინველთ ხმაურში.
სწრაფ აირჩიე გზა უცაბედი
და დახავსებულს გზას გადაურჩი.

ჩვენ გადავასწრებთ შორს თვითმფრინავებს,
ქვირფას ვარსკვლავებს ავხვეტთ პეშვებით.
წუთით ღრუბელზე დავიბინავებთ
და შემდეგ ისევ ძირს დავეშვებით.

1935.

პოემიდან „პური და სიტყვა“

ჯეჯილის ტრფობით ვარ აღქურვილი.
მიყვარს ქარების მიეთ-მოეთი.
და ყრმობიდანვე მწვავედა სურვილი,
რომ ვყოფილიყავ პურის პოეტი.

ბავშვი ვუსმენდი აკვნის გალობას.
დეღის ძუძუებს ვეძახდი პურებს.
და მჯერა, ახლაც თავის წყალობას
ჩემთვის ბუნება არ დაიშურებს.

აქ სიცხისაგან ისმის გოდება,
მაგრამ მწიფდება სოფელში პური.
შორს, მდინარესთან, მომელანდება
ალვის ხე თავის სალამით ძმურით.

მე არ მიზიდავს ლურჯი ყვავილი,
ხრიზანტემების ვაზების ყდაში.
მწყურია ვნახო პურის თაველი
და ვიბანაო ჯეჯილის ზღვაში.

ლივლივებს, როგორც ალაზნის ველი,
ოქროდქცეული მწიფე ჯეჯილი.
მე მინდა ვიყო აქ ფეხშიშველი,
გულგაღელილი, ქუდმოგლეჯილი.

მშვენიერია პურის მკა სოფლად,
როს ეცემიან ძნები მშველებად.
შემდეგ მინდორი დარჩება ობლად
მოსავლის ღღეთა გასახსენებლად.

ჩემი ბავშვობა — პურის კალოა,
შებოვიარე ქვეყანა კევრით.
ცა, როგორც კერი, მთლად უბრალოა,
ცის ქვეშ ჩიტები დაფრინავს ბევრი.

ო, როგორ მახსოვს სოფლის დოლაბი,
ყველა საოცარ ამბების ბუდე.
მისი ხმაური ამათრთოლები,
მისი ბორბალი, ვით სარკე მრუდე.

და გამოვცხვარი პური პირველი
მე მუღამ დედის ძუძუ მგონია.
ჩემი ბავშვობა გაუქირველი
გულში ბავშვივით ჩასაკონია.

ჩემს მამა-პაპას მოჰყავდა პური,
მე მომყავს ლექსი იმე მკლავებით;
პურსა და სიტყვას დიდება ძმური
მეტჱ ქირნახულით და აყვავებით!

დღეს აგვირგვინებს პური¹ თაველა
აღმშენებლობის ახალ სამყაროს,
ეს უწმინდესი შრომის ყვავილი,
ბედნიერება რომ დაამყაროს.

ნ ა ღ ი კ ვ ა რ ი

მიყვარს ადგილი სწორედ იმგვარი,
როგორც არის ეს ნადიკვარი.
აქ თელაველი ქალიშვილები
დადიან წყვილად, თეთრ ყვავილებით.

უცქერენ მთვარეს, დასეირნობენ,
ყმაწვილებს შორის კვლავ ჯეირნობენ.
ცაცხვების ჩრდილში მღერიან ტოლნი,
შავ თვალებისთვის ტკბილად მებრძოლნი.

მე მაგონდება ძველი ყაბახი,
ბარათაშვილი — ფიქრის მგოსანი.
მაგრამ ეს გორა ნისლის ფაფახით
ნეტა ვაჟაა, თუ ფიროსმანი?

კავკასიონი და ალაზანი —
მესაიდუმლე ჩვენი ქვეყნისა,
მე სიხარულით ხელახლა ვცანი,
როგორც საგანი ფარულ კენესისა.

აქ, ნადიკვარზე, ფეხბურთელები
თავს იწონებენ მარდი თამაშით.
ირგვლივ ზვარები, მწვანე ველები,
ზევით ღრუბლები ცის აკლდამაშა.

მხიბლავს შორიდან მე წინანდალი,
ვეალერსები საყვარელ სერებს,
პირსავსე მთვარე ვარსკვლავთ კანდელით
მაინც მოითხოვს ახალ სიმღერებს.

მე ამ ქალაქის არ ვიცნობ 'იამთარს,
ახლა კი იგი სავსეა ტრფობით,
ვით მეზობელი მისი — შუამთა
მალალ მთიანი მწვანე ფართობით.

და იერიში ჩემს ოცნებაზე
მოაქვს ბნელ წარსულს ბნელ მონღოლებით...
მაგრამ გამკურნავს ეს ცა — ეშბაზი,
სპეტაკ ღრუბლებით ანათრთოლები.

ეს ხეივნები და ყრუ ბალები
თითქოს უსმენენ ძველ საუკუნეს;
არა! აწედილან ცაში თალები,
ქარხნებმა შედგრად დაიგუგუნეს.

ისმის საყვირი. კვდება წარსული,
ზოგორც ელექტროს წინაშე კვარი.
კენესის აჩრდილი მთლად გაძარცული...
ო, ეს თელავი, ეს ნადიკვარი!

თელავი, 12 ივლისი, 1935.

ერთი დღე ახმეტაში

უთუოდ არის ადგილის დედა
აქ, ახმეტაში კაკლის ხე მხოლოდ,
ყოველ ნაბიჯზე მე იმას ვხედავ
მინდორში — მცველად, გზაში — გამყოლად.

კავკასიონის მთის სიახლოვე
მახარებს, როგორც კოცნა პირველი.
მე შემიძლია თითქოს ახლავე
გულში ჩავიკრა ის საკვირველი.

აქ, ვაზისა და წყაროებს გარდა,
მიწას ბევრი აქვს გამოსატანი.
გადმოღვრილია დღე ია-ვარდად,
და გაღმა სერზე ბრწყინავს მატანი.

სქედენ კამეჩებს აქ ნალბანდები
ქლიავისფერი მუქი ყაირით.
ხევში ჩამოწვენენ მთების ლანდები.

წისქვილთან არის მდუმარე ახო,
წყალის, ფოთლების ხმაური წმინდა,
ამაზე კარგი რა უნდა ვნახო,
სხვა არაფერი მე აღარ მინდა.

ამ ვაზს, გაპოხილს ძუძუს მტევნებად
შევყურებ, როგორც საყვარელ დედას,
და თუ სიკვდილი დამედევნება,
თავს შეეაფარებ ისევ ახმეტას.

გეთხოვენი სანდაკება კონსერვატორიის მარცხენა კედელზე

კედლის ნიშაში ხარ ამართული
ორბის თვალებით, ლოჰის ფაფარით.
ნეტავ თუ მოგწონს ზეცა ქართული
და ეს ახალი თავშესაფარი?
შენ ქვის კლავიშებს ხელით ეხები,
თითქოს მიაპობ ჰაერს შერღულით.
და დაუფარავს შენი ფეხები
ბელურებს ხშირად ლალი ჟღერტულით.
უწევს ოპერას შენ მფარველობას,
როს გრიანებენ იქ ტენორები,
უცქერ ზეცაში მთვარის მსულელობას,
მოწყვეტილ ვარსკვლავს ეამბორები.
ხშირად გაეივლი შენს წინ გვიანი,
ისევ მეგობრულ ხმას ველოდები,
მაგრამ შენ დგახარ თვალნისლიანი,
გატაცებული ღამის ნოტებით.
„მიიღე ჩემი ამაო ხოტბა,
უსმინე მგოსნის ფარულ იარებს!“ —
ვეტყვი მიჯაჭვეულს, ობლად მდგომ ლოტბარს
და ის ჩემ სევდას გაიზიარებს.

1936.

ხარიტონ ვარდოშვილს

არ გიყვარს შფოთი, ქუჩა, კრებები,
ხარ მემარტოვე განუკურნელი.
როგორც შილლერი, შენ იკვებები
ღამქქნარ ვაშლების უცხო სურნელით.
და შთაგონებამ თუ მოგცა რამე,
ეს ვარსკვლავების არის მარულა,
ეს არის ულმო, მრისხანე ღამე,
დიდ უფსკრულებით რომ გაბზარულა.
იქნებ ბილიკი შენი ცხოვრების
თეთრი ვარდებით არ შეიმოსა,
მაგრამ მე მუდამ მემახსოვრება,
ვით ხელუხლები, ნორჩი მიმოზა.
კვლავ მენატრება, ძმაო ხარიტონ,
შენთან შეხვედრა და მუსაიფი: —
მწვერვალისაკენ ილტვი ბარიდან
რომანტიული ლექსის ტაეპით.
მჯერა: ოცნების ხარ ჯავროსანი,
ისეთ მირაჟებს ხედავ გრძნეული,
რასაც იხილავს მხოლოდ მგოსანი —
ზღვისა და ქარის ხმით დარხეული.

ღედაქალაქი. მაისი, 1935.

შაბათობაზე

დიდ არხისათვის ჩვენ მიწას ვთბრილი
ენტუზიაზმით ვიყავით სავსე.
ხელში მექირა წერაქვი დიდი
და ნამღვილ მუშას მე დავემსგავსე.
ჩემს არსებაში, როგორც სტიქია,
წინაპარ გლებთა ნებივრობს ყინი.
სალამოს მოსვლა არ გამიგია,
მზე ჩაესვენა დიადი ბრწყინვით.
თითქოს ეს იყოს გრძნობა ფარულ
და გადასდილი ჩემი დღეობა.
შრომის სიმძიმე და სიხარული
ვიგრძენი, როგორც მემკვიდრეობა.
ჩვენთან შრომობდნენ მოხანძარენი,
მიწაში ჰპოვეს მათ ცეცხლის ბგერა.
ჩვენ გუთნის ხარებს დავედარენით
და თან დავძახეთ შრომის სიმღერა.
თუმც ჩემი შრომა მცირეა მეტად,
მშენებლობაში მეც შემაქვს წვლილი,
და ისახება ჩემთვის იმედად
ქვეყნიერების ბალი გაშლილი.
ეს შაბათობა — როგორც მდინარე,
შედის ოქტომბრის მლელვარე ზღვაში,
ეს დღე დარჩება სხივმომფინარე
ჩემს ოცნებაში!

გვირულ ესპანეთს

ამ შორ ქვეყანას მისი მკველებით
ჩემი ოცნება ხშირად იგონებს.
ქველად ებრძოდნენ ესპანელები
ნაპოლეონის მძლავრ ლეგიონებს.

ისევ გოია თავის სურათებს
სწერს ესპანეთის გარუჯულ ცაზე,
ომის საფლავებს აქ აპურადებს
შავ ზარბაზნების ბრაზიან ხმაზე.

ყველა ვიცნობდით ესპანეთს ოდნავ,
მაგრამ დღეს სხვაა ეს ხალხი ძმური.
ახლა არ კმარა კარმენის ცოდნა,
ო, ძმაო, ხოზე ო, იბარური.

თქვენ არ გაშინებთ ბრძოლაში დაღლა,
მტრის ვერაგობა და გახრწნილობა.
და თქვენი დროშა იწევს სულ მაღლა,
თუმცა გამშვენებთ ბევრი ქრილობა.

შენი მგზნებარე სიტყვა, დოლორეს,
როგორც მუსიკა, გულს ეწვევთება,
იგი ავადმყოფს ჰკურნავს მწოლარეს,
მებრძოლთა რიგებს ცეცხლად ედება.

გვადარამაზე მძვინვარებს ომი,
იბრძვის გრენადა და ბადახოსი.
დამის ვარსკვლავნი სხივების კრთომით
გლოვობენ მუშებს, ომში დახოცილს.

სან-სებასტიანს ახრჩობს ხანძარი
და ზეცას სწვდება აუტოდაფე.
იწვის, ინგრევა თან ალკაზარი —
ესკურიალის ნორჩი მოწაფე.

სოფლებს არბევენ ავაზაკები,
მაინც არ ისმის არსად გოდება.
და აღმართულან კვლავ ქალაქები,
ვით ხალხის რისხვა და მოწოდება.

ლაურენსია მიუძღვის ვაყებს,
კომანდორს გულში რომ ჩასცეს ხმალი.
რომელ ფრონდოზოს არ გააკაყებს
ვაზედულება მისი ფრთამალი.

ახალ ძალებით განაგრძობს ბრძოლას
მადრიდი — შტაბი მიუდგომელი.
და გამარჯვებას მიაღწევს ბოლოს
ხალხი გმირული, ხალხი მშრომელი.

1936.

დიდ ოქტომბერს

ხარ თავიდანვე მოქანდაკე შეუდარები.
შენ გამოჰკვეთე დამკვრელი და სტახანოველი.
დაგვაჯილდოვე ახალი მზით და ნეტარებით,
შენი სხივებით იკვებება სუნთქვა ყოველი.

მოდის ისე, ვით ქარიშხალი, ცეცხლით ბურვილი,
რომ გაგეწმინდა ჭაობისგან ჩვენი ქვეყანა.
ლენინის სიბრძნით და სიმტკიცით ხარ აღჭურვილი.
გამოიყვანე შენ მებრძოლად ფაბრიკა, ყანა.

შენი სახელით დავიპყარით ჩვენ მწვერვალები,
დავიმორჩილეთ უფსკრულები და პამირები.
მტერსაც დავლურსმავთ გამპკრიახი შენი თვალებით,
შენ გამოგვზარდე ჰაერის და მიწის გმირები.

შენი სახელი არის დროშა ჩვენი ბრძოლების.
შენი დროშის ქვეშ ფეთქს მშრომელთა გული მრავალი.
თავისუფლების ხარ კანდელი ანათროლოები.
ჩვენთვის ხარ აწმყო, მსოფლიოსთვის ხარ მომავალი.

სამშობლო ქვეყნის გამობრძმედილ მტკიცე დარაჯად
დგანან მშრომელნი, ისე როგორც ბურჯი კლდოვანი.
ჩვენს სიმაგრეებს ჰყავს გუშაგი რკინის ფარაჯით —
წითელი ჯარი ურყევი და სახელოვანი.

ოცი წლის მანძილს ალტაცებით მე ვუცქერ ახლა:
მოსჩანს ბრძოლების, მიღწევების გზა უმძაფრესი;
გამარჯვებული ჩვენ მივიწვეთ სულ წინ, სულ მაღლა,
ბრწყინავს ვარსკვლავი ჩვენი გემის მაღალ აფრაზე.

1937

შოთას

უთუოდ ჰგავდი თვითონ ტარიელს,
და იმის მსგავსად შენც გვემალები.
ფიქრს, შენით სავსეს, ფიქრს დასალიერს
კვლავ უპასუხებ იღუმალეებით.

შვიდას ორმოცდაათი წელია,
რაც გვამიჯნურებს შენი ამბავი.
შენი ყოველი სიტყვა მწველია,
თითქოს თქმულება დაუსტამბავი.

შენი გმირების გზნება და ფარჩა,
შენი ვეფხების გრგვინვა ალური,
საუკუნეთა ხსოვნაში დარჩა,
როგორც სიმღერა ლეგენდარული.

არის ოსტატის ხელით ნაქედი
ზღვაში მსრბოლავი შენი ზანგები,
შენი ნესტანი, შენი ქაჯეთი,
შენი რითმები — ფარშევანგები.

მიწის სიღრმიდან ამონადენი
აფრქვეიე სიტყვა და საფირონი.
ვართ მადლიერი, ვით შერმადინი ---
მოგვეც ლალები უნაპირონი.

მაგრამ რა იყო იგი დემონი,
შენ რომ გდაგავდა ცეცხლის ამბორით,
ვისთანაც ჰქონდა გმირს პაემანი
ულრან ტყეთა და შამბნართა შორის.

შენი გმირების ლტოლვა მარადი
ჰგავს უკვდავების ძიებას ხშირად:
ისმის ნესტანის მწველი ბარათი
ცაში ატყორცნილ სულის საყვირად.

ჯოჯოხეთი და სალხინებელი
მათი რკალებით შენ გაიარე,
ტარიელისა იყავ მხლებელი
და ანელებდი იმის იარებს.

იწვოდი მისთვის, როგორც სანთელი,
მის უშრობ ცრემლთა სთვალე წვეთები...
სჩანხარ დაისში, ვით ავთანდილი
და გესალმებით ჩვენ პოეტები.

სად განისვენებ, დღესაც არ ვიცით,
და მაინც გრგვინავ ბნელ საფლავიდან.
ხარ ჩვენი ქვეყნის სიბრძნე და ფიცი,
შენს ძვირფას სახელს მზეზე ავატანთ.

ო, გაიხარე სამშობლოს ბედით,
ჩვენ აღარ გვმოსავს მონობის თალხი,
ბრწყინავს ქვეყანა ამაყი ქედით,
და შენ გადიდებს საბჭოთა ხალხი.

ინათი და ჟორათი

აქ კოლოები ერთი მოტივით
უმღერდენ წვიმებს, სოველ ნეშობებს.
მზეშიდაც იყო აქ სინოტივე,
დღეები ჰგვანდნენ დიდ გომბეშობებს.

რომელ საღამოს და რომელ დილას
აქ შეჰხაროდა ადამიანი?
იგი უცქერდა შლამსა და სილას.
იყო ქვეყანა მთლად შხამიანი.

როგორც მიმინო იქერს ბელურას,
ისე იქერდა ბავშვებს ციება,
ანწლის გვირგვინი თავზე ეხურა
და არ იცოდა მან პატიება.

იდგა დარაჯად მთვლემარე ყანჩა,
თავის სამეფოს ზანტად ზვერავედა.
ცაზე გაკრული ღრუბლების ლანჩა
წვიმით და ქარით კვლავ დაჰბერავედა.

გასივდებოდა ისევ ჭაობი,
ტყე იდგა წყალში, როგორც ანჩარი
და საკრავების სხვადასხვაობით
კენესდა ჰაერში მწერების ჯარი.

გავდა ჩამომხმარ ყვითელ ხელებით
ადამიანი თავის ორეულს.
ჰქუხდა რიონი კვლავ გახელებით
და ასკდებოდა ზღვას ბრაზმორეულს.

ქინკებს, ღამურებს, ყოველ წყლულებას
აქ გაემართა თავის ნადიმი.
გოდებას, ტანჯვას და სნეულებას
ვეღარ შველოდა კარაბადინი.

გაუვალ ტყიდან, როგორც ბებუთი,
სჩანდა ავი ზნე ცეცხლის თვალებით.
ცა იხსნებოდა, როგორც ეფუტი,
სისხლით, ომებით და გრიგალებით.

არვინ იჩენდა აქ მზრუნველობას
განწირულთათვის, კეთილისმდომი,
მზე განაგრძობდა თავის მსვლელობას,
ხარბად ღმუროდა პალიასტომი.

კაპარკინა და მწვანე ინათი
აყვნენ ნაძრახი დასაბამიდან.
რევოლუციის დილამ ინათა,
კამოიყვანა მხარე ღამიდან.

არგონავტების ნაცულად მოვიდნენ
მუშები თავის მძლავრი მარჯვენით.
ისინი წარსულს არ იგლოვიდნენ
და შესცქეროდნენ მომავალს რწმენით.

და რაც ვერ შესძლეს ზღაპრულ გმირებმა,
შესძლო ბელადმა, ხალხმა, პარტიამ.
ვერ შეგვაჩეროს თვალმა ირიბმა,
ტემპების დენა მუდამ მარდია.

ყორათში კოლო დღეს აღარ დავობს,
და ყვავილები დგანან მცველებად.
ევკალიპტები აშრობენ ქაობს
და ავრცელებენ ტკბილ სურნელებას.

იცვლის სარეცელს მღვრიე რიონი
და ისიც გახდა ჩვენი მსახური,
რომ კოშმარების ქიმერიონი
გაჰქრეს საბრალო და უსახური.

სადღა არიან ძველი ლანდები.
შათი არა სჩანს აქ ნატამალი.
ქალაქში მალე შემობრძანდება
ზღვა, როგორც სიძე, თავის ამალით.

ახლა იკითხავ: იყო თუ არა
ის საშინელი მძიმე წარსული,
იგი ვერაგი და მატყუარა —
დღეს სამუდამოდ შემოძარცული.

არ სდგას ციება ამართულ ცელით,
არ გვემუქრება გადაშენებით.
ბაღების ტალღა ბიბინებს ვრცელი,
ზღვას ეჯობრება თავის მშვენებით.

1937.

შოთას და თეიმურაზის ბაბაანება

მე თეიმურაზ მეფეს ვიგონებ,
მის გრიგალებით სავსე ცხოვრებას.
ვკითხულობ დამზრალ ლექსთა სტრიქონებს,
მათი სურნელი მემახსოვრება.

თავის სასტიკი ბედის მდურავი
და იარაღით მუდამ მოსილი,
მოსისხლე მტერი დიდ მოურავის,
პირველ პოეტის გახდა მოცილე.

ებრძოდა შოთას მაინც და მაინც
და გამარჯვება მეფეს სჯეროდა.
ვინ გაამტყუნებს ბრწყინვალე რაინდს,
რომ შოთასავით ის არ მღეროდა.

მგოსანთა მგოსანს დაუღალავად
თავზე ესხმოდა ლექსების სრბოლით;
ვერ გაუხწორდა მაღალ ფალავანს
და ვარსკვლავების ვერ გახდა ტოლი.

მეფემ დასწერა ლექსი მრავალი,
თითქოს იჩენდა მეტ მძლეოსნობას,
განა იცოდა, რომ მომავალი
დაივიწყებდა იმის მგოსნობას?

დაკიდა ხმალი შოთას სურათზე,
სხვა პაექრობა ახლა გამართა:
ამპარტავანი თეიმურაზი
თავის მეტოქეს გაეკამათა.

პრისხანედ უტევს უძლეველ შოთას,
აღარ ასვენებს ბნელ სამარეში,
გასტყორცნის ლექსებს ბევრსა თუ ცოტას —
განწირულია მისი თარეში.

მეფის მოაბჯრე არის არჩილი.
თეიმურაზი ისვრის მაჯამებს.
უკვდავებისთვის არის გაჭრილი
და გამძაფრებით რითმებს აჯამებს.

გაბრაზებული ის მოსდევს მგოსანს,
ვით როსტევანი ფრთამალ ტარიელს.
მეფე უყივის უკვდავ ცხენოსანს,
რომ შეატყორცნოს ცის დასალიერს.

შოთამ მოაგდო ჩვენამდე რაში,
მღევარი ნისლში გადაიჩეხა.
და ალტაცების საერთო ხმაში
მგოსნის სახელმა კვლავ დაიქექა.

1937.

ცარსკოე სელო

აქ ყოველი ხე და ქანდაკება
სუნთქავს პუშკინის წმინდა სახელით.
აქ ხშირად გული დაიდაგება
მისი ლექსების გამოძახილით.

აქ თითქოს დარჩა მისი ხმის ბგერა.
ჰაერს დაეტყო მისი იერი.
აქ, მისი ძეგლის წინაშე, გჯერა,
რომ უკვდავია ყრმა მშვენიერი.

ის აქ სწავლობდა, პოეტი ბავშვი...
მას მოუტანა შუაღლის ჩიტმა,
როცა ის თვლემდა ფოთოლთ კარავში,
ნაზი ნისკარტით პირველი რითმა.

როგორ უყვარდა ეს დიდი ბაღი,
მისი გედებით და ლარნაკებით,
აქ ნავარდობდა კაბუკი ლაღი,
გარემოცული ამხანაგებით.

ის ჩამორბოდა წიგნით ფრანგულით
მკვიდრი ლიცეის თლილ კიბეებზე,
ფიქრობდა ლექსით მთლად გათანგული,
თავისი ქვეყნის ნათელ დღეებზე.

ის ათენებდა ღამეებს თეთრად,
როცა პირველად სცნო სიყვარული.
აქ დერჟავინთან თავის შეხვედრა
მან განიცადა ლეგენდარული.

პ უ შ კ ი ნ ს

ცა პეტერბურგის იყო მზარავი
და გაჰკიოდა ტყვიის ცახცახით.
სიკვდილი — ქერა და შემპარავი
შენ წარმოგიდგა დანტესის სახით.

მაგრამ რა იყო ეს შეტაკება?
იქნებ ბაასი ყინვის და ქარის,
სითეთრით სულის გალატაკება
და თოვლში კვნესა გაგუდულ ქნარის?

იდექი მტრის წინ შენ, თავშიშველი.
უცბად ავარდა ცეცხლი კირიდან:
ჲ, ალექსანდრე, ველარ გიშველის
შენი პუშჩინი შორ ციმბირიდან.

შენ წაიქეცი დამბაჩით ხელში...
ათქოს დაიმსხვრა ცა ულანდესი.
თავზე დაგადგა ცოცხალი ლეში —
ქერა, პირსავესე გეორგ დანტესი.

შენს ბინას ხალხი შემოესია,
სადაც ლაფავდი სულს დარბეული.
ყველამ იცოდა: თვით პოეზია
აქ სიკვდილს ებრძვის ფრთებდამტკრეული.

შენ რილეევის გაგონდებოდა
სახრჩობელაზე ყელი გედური,
და მოედანი შენს წინ დგებოდა —
დეკაბრისტების დღე უბედური.

უკანასკნელად საყვარელ წიგნებს,
როგორც მეგობრებს, გამოეთხოვე.
სევდიან დელვიგს ხედავდი იქნებ...
და მკვლარი ჰგავდი შენ ყრუ ბეთხოვენს.

დაგმარხეს ჩუმად მეფის ბრძანებით,
ვით ავაზაკი, ვინმე უნდობი.
და მეგობრებმა ხელთათმანები
შენ ჩაგატანეს მიწაში ტრფობით.

ისმოდა ლხინი მტრების ხროვიდან —
მათ არ სტანჯავდათ გლოვის ღრუბელი.
მაგრამ ოქტომბრის ქარი მოვიდა
და გახდა შენი ჰირისუფალი;

მაგრამ დროებამ იძია შური
ყველა შენს მტრებზე, დიდო მგოსანო.
მოგცა დროშებით სალამი ძმური,
და გეამბორა, შენ, სხივოსანო!

ილია ჭავჭავაძე

დროა, ლომივით რომ დაიგრგვინო,
შენი ხმა ჩვენთვის მუდამ ტკბილია.
ჩვენო მშვენებავ, ჩვენო გვირგვინო.
აღიადაზე მეტო ილია!

განიერ მხრებზე ატლანტის მსგავსად
შენ გეპყრა მთელი ჩვენი ქვეყანა,
რომ ის მოსილი მონობის ხავსით,
ბნელ წარსულიდან გამოგეყვანა.

თითქოს კანდელი შენ აიმართე.
ქვეყანას სხივი მოჰფინე ბლომად.
შენ აღიარე, როგორც სიმართლე,
ხალხის ურყევი ძალა და შრომა.

ქართული სიტყვის იყავ როდენი.
აღზარდე ლექსი, როგორც თაველი.
პოეტო! შენი თქმა რაოდენი
ხმაურობს ისე, ვით რუსთაველი.

შენ მეამბოხედ აქციე გლეხი,
ბატონთან ბრძოლა რომ გააჩაღა.
თავზე დაატყდა მტერს, როგორც მესხი.
კაკო, გაქრილი ტყეში ყაჩაღად.

შენ უგალობდი შრომის სამეფოს.
ვერ გადაურჩი მეფის ჯაშუშებს.
შენს აგონიას და შენს წამებას
თვით ხალხის გარდა ვინ დააშუშებს?

შავ წიწამურის ბედითი ტყვია
ახლაც ჩვენს ყურში სტვენს გრიგალურად:
შენი ჭრილობა გულზე გვატყვია,
შენი სიკვდილი გვდაგავს ალურად.

დღეს კი მყინვარსა და საგურამოს
დაურღვევიათ თავის დუმილი.
გეტრფიალება სოფლის საღამო,
ვით დედის კალთა და სასთუმალი.

მაგრამ მთაწმინდის ღრმა აკლდამაში
უდაბურ ძილით შენ ახლა გძინავს,
და გამჭვირვალე ცოცხალ ღამეში
დედაქალაქი სულ სხვაფრივ ბრწყინავს:

ის გიხმობს შენი ხმით აგზნებული,
რათა შეგმოსოს ახალ დაფნებით.
ხალხი, შენს მტრებზე გამარჯვებული.
გადიდებს, გრძნობით და აღტაცებით.

1937.

ანტოლოგია და გეტონი

პოეტების სიმღერამ იცვალა ბინა,
იგი ბნელ ნისლებში
ალარ იფანტება,
ის ახლა ბრწყინავს,
როგორც განთიადის ანთება.
არა ვართ ეპოქის
ჩვენ მაყურებელი
არ არის უძლური კალამი ჩვენი.
ჩვენ უნდა ვიყოთ გამომგონებელი,
მიეწვდეთ მთელ ქვეყანას მახვილი სმენით.
ჩვენ მაყურებელი,
ლექსი დაეწვა
ფრთაშესხმულ დღეების მძლეობას.
გვმართებს ქარხნებში და
ყანებში შესევა —
თავი დავაღწიოთ ოთახის უდღეობას.
ჩქეფს შემოქმედება
ირგვლივ გასაკვირი.
თავის გამარჯვებას ზეიმობს მშრომელი.
არ კმარა აქ მხოლოდ
ჩვეული საყვირი.
გაჩაღდეს ჩვენ შორის
მეტი დამკერელობა,
კარგია მშრომელთა რიგებში მსვლელობა,
ვიყოთ ჩვენ ახალი
გმირის გულთმისანი.
ყოველი კოლექტივი,
ქარხანა ყოველი
არის დაუწერელ

ლექსის სტრიქონები,
 მაგრამ შთაგონების
 მუზას ნუ მოველით:
 ჩვენ თვითონ ავენთეთ
 გრძნობით და გონებით,
 მხოლოდ ნუ იქნება
 შტამპი, ბანალობა,
 გავქედოთ სტრიქონი ნამდვილად გმირული,
 რალა საჭიროა პოეტის წიგნები
 და მისი გალობა,
 თუ შიგ არ იქნება ბრძოლა ჩაკირული.
 ლექსებს დაეუფლა
 მუშების ნაბიჯი,
 და სიტყვა ვარვარებს
 სასტიკი ბრძოლებით,
 სიტყვა გაცეეთილი, სიტყვა დანაბეჭი
 ისევ ახმაურდა
 ცეცხლის ათრთოლებით.
 დადგა ოქტომბერი!
 წუთი დღევანდელი!
 ათას გიგანტების ზღაპრული აგება.
 შრომა ამწვერვალდა
 ისე, ვით კანდელი,
 ისხმება ახალი ყოფნის ქანდაკება.
 შევცვალოთ ლექსების
 ძველი აღნაგობა,
 ჩვენ სიტყვა დავდალოთ
 ეპოქის ყალიბით.
 მშრომელთა გმირობა და ამხანაგობა
 ლექსში ახმაურდეს
 ახალ ბრწყინვალეობით.
 მწყობრი სტრიქონები
 და ანტოლოგია —
 ეს არის სიმშვიდე,
 ეს არის წარსული.

ხავსიან ფორმების ჩვენ ირგვლივ ჯოგია-
იყოს ძველ ხავსიდან
ქვეყანა გაძარცული.
ახლა საბჭოებში
იზრდება კაბუკი —
მას ძველი სამყარო
არ მოეწონება,
მაგრამ ბლომად არის მტერი დასაბუგი.
შორიდან გაისმის
მუქარა, გინება.
ავმართოთ ლექსები ისე, ვით თოფები,
იყოს პოეზია
ციხე და ჯებირი.
ფეთქდეს ჩვენი სიტყვა
მკვეთრი აღშფოთებით,
იყოს უშიშარი,
ლადი და მზეპირი.
თრთოლვა ფოლადისა და ძლიერ ბეტონისა,
ყოველი ჩაქუჩის
დარტყმა უღმობელი,
არის პოეტისთვის მომცემი ტონის,
ლექსთა კედვისათვის მხმობელი.
ჩვენ დიდი ეპოქის
სიმი დავიჭირეთ,
გულმა მშენებლობის
რიტმი გაიგონა.
ახლა ჩვენს ძიებას
ყველა დაიჯერებთ,
ვიღკრებით დღევანდელ მუსიკის
ფრთაშესხმულ სტრიქონად.
ჩვენ რევოლუციის
დავრჩებით მგოსნები,
სწორედ ისე, როგორც
თანამედროვენი;

დავრჩებით მთელი ხმით
და მთელი ოცნებით,
ვით „გმირულ სიმფონიის“
ავტორი — ბეთხოვენი.

1930

ნეკრასოვს

დიდო პოეტო, მონობის დროში
გამოაცხადე შენ ხალხი გმირად.
აყავი ბრძოლის დიდი მედროშე,
თავისუფლების გახდი საყვირად.

ო, შენი მუზა იყო ქალწული,
ჯალათმა ცემით რომ გააწამა.
შენ უარყავი ბნელი წარსული
და მებატონე დასწყევლე მამა.

შენ ჩერნიშევსკის, დიდ აზრის ლოტბარის,
როცა შებოქეს ის ბორკილებით,
უძღვნიდი მაღალ მგზნებარე ხოტბას
და მიმართავდი მის მტრებს მხილებით.

დეკაბრისტებს და მათ გმირულ ცოლებს
შენ ხელთუქმნელი დაუდგი ძეგლი,
შენ თავგანწირულს ეტრფოდი ბრძოლებს,
არ გაშინებდა გვირგვინი ეკლის.

ბევრი ეწამე სიჭაბუკეში,
შემდეგაც გულით ატარე თალხი,
და იყო შენი ერთი ნუგეში
ქალღონით სავსე მამაცი ხალხი.

მუდამ სუნთქავდი შენ ხალხის ბედით,
შენ გწამდა ძალა მისი მრავალი,

მუდამ ცოცხლობდი ერთი იმედით,
რომ ხალხს მოელის სხვა მომავალი.

დიდო პოეტო, ოცნება შენი
დღეს სინამდვილე არის უჭკნობი:
ხალხი გადიდებს შენ აღმაფრენით,
ამბობს შენს ლექსებს მადლიერ გძნობით.

იანვარი, 1938.

შეხვედრის

კვლავ გვეჯიბრება ჩვენ ბასკონია.
დღეს გველოდება სხვა ბურთაობა
და ოცნებისთვის მოსაგონია
ანტიურ ქვეყნის სანახაობა.

სჩანს სტადიონი მზით ანთებული,
მოთამაშეთა მინდორი მწვანე,
ურიცხვ მშრომელთა სავსე კრებული,
აზვირთებული, ვით ოკეანე.

ბრწყინავს ვარდებით შეხვედრის წამი...
უეცრად ბურთი ავარდა ცაში.
ამფითეატრის თეთრი კამკამი,
ოლიმპიური დიდი თამაში!

მედგრად იბრძვიან ფეხბურთელები,
სწყურიათ ლელო, არ გრძნობენ დაღლას,
იგერიებენ სწრაფ ქართველები
მძაფრად მოვარდნილ ბასკების ტალღას.

ბურთს გაისვრიან თავით და ფეხით,
რომ იგი სტყორცნონ მიზანს შორეულს.
ესხმიან ურთ-ერთს, ისევ ვით მეხი,
გვანან გრიგალს და ზვავს ცეცხლმორეულს.

აი, გაჩაღდა კარებთან ბრძოლა,
დგას დოროხოვი მაღალი ყელით.
ბურთმა იმისკენ გამოიქროლა,
სწვდა ბურთს მეკარე ორივე ხელით.

მძიმე ორბივით ბურთი დაფრინავს,
სჩანს სვეტიანი კარები ბადით,
ბურთი სულ ახლოს მიზანთან ბრწყინავს,
მას დაეძგერა. ბლასკო სიმარლით.

ჩვენებმა ბასკებს ბურთი მოსტაცეს,
ლეოპარდივით იბრძვის ლანგარა.
და პაიჭაძე — მძლავრი ოსტატი
ამართულია ფოლადის ფარად.

ორივე გუნდი თავის შეტევით
იწვევს დაძაბულ გრძნობათა ლხენას.
არ ჩადიოდეს ეს მზე ნეტავი,
ბინდი არ სწყვეტდეს სხეულთა დენას!

ტაშს ვუკრავთ ბასკებს შეუწელებლად:
ჩვენს წინ იხსნება ძვირფასი მხარე.
სადაც ებრძვიან ესპანელები
ფრანკოს ფაშისტურ და ველურ ჯარებს.

გაზაფხული ემზადება არჩევნებისთვის

ეს გაზაფხული ემზადება არჩევნებისთვის და, როგორც მზატვარს, მას გამოჰყავს ნაზი ფერები, არჩევს ნიადაგს ყურძნის ვაზის რბილ მტევნებისთვის, ამღერებს ფრინველთ და ვარსკვლავებს მეტ ძლიერებით, თითქოს არ ჰყოფნის დღე და ღამე თავის გზნებისთვის, რომ გამოჰკვეთოს მთელი სახე ბედნიერების.

ის რაზმავს ტყეებს, უდაბნოებს, ვენახებს, ყანას, ყოველ ჩაის ბუჩქს ის ამზადებს ხმის მისაცემად, ის ყოველ ფოთოლს ეუბნება დედობრივ ნანას, იგი აჩქარებს მთელ ბუნების დავაჟიკაციას, ის დასტრიალებს სიყვარულით ახალ ქვეყანას, აფრქვევს ყვავილებს, სილაყვარდეს და ალტაცებას.

ის ამკობს ბაღებს, ზურმუხტის და ლალის მსურველი, ვით ბრძოლის ლაშქარს, ის შეღებავს ცეცხლით განთიადს, იგი მუშაობს თავის ფუნჯით, როგორც სურნელით, იყო და არის მოტრფიალე განუკურნელი. ეს გაზაფხული თავიდანვე დარდიმანდია.

ყოველ ზეს, ბაღნარს ის ამხნევეებს და აძლევს ძალას, კოლმეურნეებს ის უმღერის, როგორც აშული. ის ყველგან არის: არ ივიწყებს სოფელს და ქალაქს, იგი აანთებს მშრომელ ქალთა თვალებს სხვა შუქით, თითქოს ამზადებს საქორწილოდ მთების იალაღს. მოჰქრის მაყრებით, სიმღერებით, ნამგალ-ჩაქუჩით.

აი, დადგება არჩევნების დილა ალური
და გაზაფხული მზად იქნება თავის ამალით.
მივა ყუთებთან, ვით მდინარე ნიაღვარული,
თავის ხმას მისცემს ხალხის შვილებს ლალი, ფრთამალი,
დიდებას ეტყვის ჩვენთან ერთად მამულს სალამით,
გაბრწყინებული მზის სხივებით და მხიარული.

2 მაისი, 1938.

სტენდალი

მეტეორივით გაატარე სიცოცხლე გზაში
და ზარბაზნების ქუხილის ქვეშ ხშირად გეძინა.
ნახე მოსკოვი უძლეველი და ბერეზინა,
აუსტერლიცის ცა იხილე კვამლსა და წვაში.

კორსიკანელის ელვარებდა კომეტა მაშინ,
მეფეთა ტახტნი ქანაობდნენ, როგორც მესინა.
რევოლუციამ ცრუ კერპები დაგაღწინა
და ახალი დრო მედიდურად სჰეჰდა შენს ხმაში.

როგორც გრენობლი, შენ დასწყევლე ძველი ქვეყანა,
გიყვარდა ბრძოლა, ბაირონი, კარბონარები.
შესძელი გმირად გლეხის შვილი გამოგეყვანა.

და ენერგიას ადიდებდი შენ ნეტარებით.
ას წელმა განვლო. გახდი ჩვენი თანამედროვე
და გისმენთ, როგორც აზრისა და სიტყვის ბეთხოვენს.

ქვიშხეთი, ივლისი, 1938.

ბრისტან და იზოლდა

გერონტი ქიქოძეს

შენს ოქროს თმებით ელვარებდეს ლექსი, იზოლდა,
და წინამძღოლი ჩვენი ტრფობის იყოს ტრისტანი.
მთელი სიცოცხლე, განწირულნო, თქვენ გაგიბრძოლდათ,
ბშირათ იყავით დაცხრილული მრავალ ისარით.

ნეტა რა იყო დაფარული თქვენი მიზანი?
დიდ სიყვარულის ჯვაროსნები ხალხმა გიწოდათ.
თქვენმა სახმელმა ნაპირები აღარ იცოდა,
თითქოს გაიხსნენ თქვენს წინაშე ბქენი ცისანი.

ჩვენ ეხლა ვეტრფით აღტაცებით თქვენს ორეულებს:
ნესტანს, ტარიელს — გულდასერილთ, აღმორეულებს.
გვხიბლავს ესოდენ უტკბილესი ვისრამიანი.

ო, ვინ დაფანტა უთვალავი ვარდნი, იანი.
ეს არის ცეცხლი, მიჯნურობა და სიყვარული,
გრიგალის ხელით ცის სიღრმიდან გადმოღვარული.

31 ივლისი, 1938

ბასეირნება ტაშისკარში

ჩვენ არ გვხლებია ზანგი პატარა
და არ გვკერია ფინია ხელში,
ტყემ ბილიკები შემოგვატარა
და იყო მხოლოდ ალვის ხე ელჩი.

რა ლამაზია ტყეში საყდარი,
და საფლავები ხავსით მოცული,
ნაძვი — სიჩუმის ბაირახტარი,
და გრილი წყარო მთით ჩამოსული.

რა ლამაზია ურმის გზა ტყეში,
ფეხქვეშ ფოთლების რბილი ფენები,
მე არ მინახავს, ვფიცავ, ჩემს დღეში
ასეთი არე დასასვენები.

წაბლის ხეები, როგორც კარავი,
შემოგვესალმნენ დინჯი შრიალით.
აქ არის ჩვენი თავსაფარავი,
კმარა ამო, ცრუ ხეტიალი.

ივლისი, 1938.

წ ხ ა რ ო .

შენთან მოვდივარ სიყვარულით მე სამჯერ ღღეში,
მაგონებს ყრმობას შენი წყალი მუდამ ანკარა,
შენი ნაკადი არის წმინდა და უანგარო,
მე ვუსმენ წარსულს, მძლავრ სიმწვანით დატვირთულ ტყეში.

შენს წყალს გემრიელს ქედმოხრილი მე შევსვამ პეშვით.
აგერ პეპელამ მზის სხივები თითქოს დაღვარა,
მხიბლავს სიჩუმე, როგორც ლაშქარს ბრძოლის ნაღარა,
ფოთოლთ შრიალი მძირავს თავის მსუბუქ სიღრმეში.

მოდის საღამო. გაიქროლებს ტოტებში ჩიტი,
დინჯად ჩხრიალებ და არა ხარ შენ მოქანცული,
გიახლოვდება, ვით ირემი, ერთი ქალწული.

შენ იმას ხვდები ხელგაშლილი და ისევ მშვიდი:
წუთით გშორდები და ხელახლა შენთან ვბრუნდები.
რომ დაგამშვენო ვარდებით და იაგუნდებით.

პორჯომი, 30 აგვისტო. 1938

წითელარმიელი

წარსულს რისხვა და მძლე სიძულვილი.
უნდა გარდავექმნათ ჩვენ ისტორია!
მუშის და გლეხის ამაყ სურვილით
ბნელი წარსული დასატორია.
წინ მიდის მუშა — აღმშენებელი,
ჰქმნის ახალ დღეებს, ახალ ქალაქებს;
და მასთან გლეხი — მკვიდრი მხლებელი
მთელ დედამიწას გადააღაგებს.
გვხიბლავს მედგარი ჩვენ სითამამე,
რომელიც იცავს საბჭოთა კავშირს,
მან იცის ბევრი უძილო დამე
უსაზღვრო ცისქვეშ ან და კარავში.
წითელარმიელს ჩვენ მას ვეძახით.
თავის სიმაგრით ჰგავს იგი ფოლადს:
მტერს ხედება მუდამ ვაჟკაცურ სახით,
იცის, რა არის პირისპირ ბრძოლა.
სამოქალაქო ომის ხანძარში
მან გამარჯვება ჰპოვა მრავალი,
და შეგნებული მედგარი მარშით
მიდის, რომ შექმნას თვით მომავალი.
და ყველგან მოსჩანს მისი ფარაჯა,
ის არის მცველი ფხიზელ თვალებით:
აღმშენებლობის ძლიერ დარაჯად
სდგას აგზნებულ დიდ დავალებით.
მაგნიტოგორსკის და დნეპრომშენის
ის არის მცველი თავგანწირული;
მას რაინდობა შრომისა შეენის,

იგი პირმშოა ხალხის გმირული.
როს შემოგვიტევს ვერაგი მტერი,
ემას შეხვდება წითელი ჯარი —
თავისუფლების მაღალ სიმღერით,
და ქვემეხების მგრგვინავი ქარით.
აელვარდება მიწა მშობელი,
გაშლის საბრძოლო ფრთებს საბჭოეთი,
და გამარჯვების მახარობელი
ახალ სიმღერას იტყვის პოეტი.
უნდა ვემზადოთ ამ დღისთვის ყველა —
ჩაქუჩით, კალმით, თოფით, მახვილით,
სცნოს თვითუღმა თავი დამკერვლად,
იყოს ხუთწლედის გამომსახველი!

1933.

ნიკოლოზ ბარათაშვილს

შენთან შეხვედრა გულმა გაბედა,
ჩემო უფროსო ძმავ ნიკოლოზ!
მაგრამ მაქვს შიში, რომ უცაბედად
ბინდის გრიგალმა არ გაგიყოლოს.

შენ მოწყენაში ვერავე გჯობნის.
ხარ ჩენი ბედის დიდი მერამლე
და მონოლოგი ყოფნა არ ყოფნის
უფრო გეკუთვნის, ვიდრე პრინც ჰამლეტს.

შენ კოსმიური მოვლენა გახდი —
ცის უდაბნოში დაგყავს ღრუბლები,
და შენი რაშის ბრწყინვალე რახტით
ვარსკვლავთა ქედებს კვლავ ეუფლები.



მიჯნურთ პოეტს — დიდ ნიჰამის
დაემოყვრე, როგორც განჯელს.
უცხოეთში რას იზამდი,
მარტოობით დაიტანჯე.

სცან სიკვდილი სხვა მხარეში.
მშობელ მიწის სევდა გწვავდა.
უცხო ქვეყნის სამარეში
შენი სული კვლავ ბორგაედა.

შენ მთაწმინდას დაუბრუნდი,
იქ ბელადის ქანდაკს ხედავ,
იქ სულმნათთა არის გუნდი,
მათთან შოთაც იყოს ნეტავ!

დაეწიო გინდა შენებრ
უკვდავებას, ვით საყურეს:
შენ შავ მერანს მიაქენებ,
და მომავალს შორს გაჰყურებ.

ოდეს ცაზე მთვარე ბრწყინავს
სავსე ვერცხლით, სავსე ალით,
როს პოეტებს ფხიზლად გვძინავს.
შემოგვხედე მზრუნველ თვალით!

იყავ ჩვენი ბაგე, სჰენა,
მიეც ძალა ჩვენს სტრიქონებს,
იყავ ჩვენი აღმაფრენა, —
ეს ვედრება გაიგონე!

ოქტომბერი, 1938.

შევიჩინეკოს კორტრეტიც წინ

ადგახარ მთასავით მაღალი და ომახიანი.
ნუთუ შენც სფინქსად აიკვეცე, მხარგრძელო ტარას?
არა, ძილშიაც დასტრიალებ სამშობლო მხარეს,
ვით ქეშმარიტი პოეტი და ადამიანი.

ზღვის და უდაბნოს მარტოობა სცან შხამიანი,
ამირანივით მიჯაჭვული უცქერდი შარას,
სადაც ხედავდი მძლავრ კენტავრებს, არა ცხვრის ფარას,
და ჯანყის მტვერი ცას სწვდებოდა ქარიშხლიანი.

დასწყევლე მეფე, ბატონები შენ გაშმაგებით,
მათ დასასჯელად გამოჰკვეთე გაიღამაკები...
მაგრამ იყავი დატანჯული და განწირული.

რევოლუციამ უმაღლესი მოგცა ტრიბუნა,
მთელი დიდება, როგორც პოეტს, შენ დაგიბრუნა
და გამოსქედა ქანდაკება შენი გმირული.

2 დეკემბერი, 1938.

რუსთაველის დედა

მე ერთ ოცნებას გულში ვინახავ --
ეს არის ჩვენი სულმნათის დედა.
მისი სურათი მე არ მინახავს
და იმას მაინც მარადს ვხედავ.

მადლიან ძუძუს ბავშვს აწოვებდა,
და აწვეთებდა ყურში ტკბილ ნანას,
მოელ ნეტარებას მასში კპოვებდა,
უვლიდა. როგორც პატარა ყანას.

მას თინათინის თითები ჰქონდა,
ნატიფი სახე ქართველი ქალის.
ოქროს ღრუბლების ელვა მოსწონდა
და ბრწყინვალემა ვარსკვლავთ ამალის.

უყვარდა კითხვა ძველი წიგნების,
ვისოს, რაჭინის მას ბედი სწევდა.
კდემამოსილი. ნაზი. იქნების
ფეხმძიმობის დროს მაჯაზე სთხზავდა.

ვა ბნელ ღრუბლებით შემოირკალა,
ზომალდისავეით თრთოდა ვარძია.
ქალი გამოჩნდა, როგორც გრიგალი,
და გული ქარში დიდხანს არწია.

აას აივანზე უყვარდა ჯდომა,
როცა არ ჰქროდა ქარი მზარავი.
იყო ლამაზი დაისში კრთომა
მის ქარვისფერ ტანსაფარავის.

ასწავლა შოთას კითხვა და წერა,
ბავშვს შეაყვარა ძველი გმირები,
მას წაუყითხა — მე ღრმადა მჯერა
როსტომიანის მძლე შაირები.

ია. ალბათ, ადრე გარდაიცვალა,
რგი ვერ დასტკბა შვილის დიდებით.
ღარჩა საფლავი და დაიცვარა
ქარიმბლიანი პანაშვიდებით.

შოთას გამოჰყვა დედის თვალები,
შოთას რითმებში დედის ხმა კვნესდა.
და თითქოს დედის შორ დავალებით
მისი რაინდი ეძებდა ნესტანს.

ულეს შოთას ძეგლთან მე იმას ვხედავ
მშრომელი ქალის წმინდა იერით.
თითქოს გაცოცხლდა პოეტის დედა.
ქაღოლონიო სავსე და ბედნერი.

მთარგმნელი

მისი თარგმანი — ეს სარკეა, სადაც ირიბად
მოსჩანს დედანი, ისეთივე და სხვანაირი.
კვლავ რაინდები აიმართნენ ნამდვილ გმირებად
და ჰეგზამეტრი ამეტყველდა; როგორც შაირი.

თავისი თავი ეჩვენება ნამდვილ შექსპირად.
სხვისი ოცნება საკუთარი ხილვა ჰგონია.
ნუთუ მან მხოლოდ მოხდენილად გაიზეპირა
უცხო სიტყვები, მწუხარება და ჰარმონია.

არა, პოეტის დღეს გამხდარა ის ორეული,
მის შთაგონებით და გრიგალით ცეცხლმორეულ
სასტიკი ბედის არ ყოფილა იგი მდურავი,

თუმც ნშირად ებრძვის თავის მფლობელს, ვით მოურავი.
მაგრამ არის დრო, ის განიცდის სიცარიელეს
და ზორგავს, როგორც ანარეკლი ძველ სალიერის.

1928

ასკილი

ჩემს დას ვარვარას

„ყო ზამთარი. ვიყავი ავად.
დამ მომიტანა ასკილის კონა.
თუმც მესვეოდნენ ფიქრები შავად,
ირგვლივ ვიგრძენი მე სულ სხვა ჰავა.
და ჩემი თავი ტყეში მეგონა.

არ მოფრენილან ჩიტები სტვენით,
რომ დაეკორტნათ ნაზი ასკილი,
ოგი ჩემს ახლოს სთვლემდა დარცხვენით.
როგორც იმედი უკანასკნელი.

დამე გადიქცა ასკილი ვარდად,
ძილში ვიყნოსე მე სურნელება,
ისევ აყეფდა ბულბული მარდად
და ახლა სუნთქვა არ მეძნელება.

მე დილით ვხედავ: დის საჩუქარი
ბრწყინავს მარჯნების მეწამულ ხვავად,
ბედი არ მჩაგრავს თავის მუქარით
და აღარა ვარ სრულელებით ავად.

7 იანვარი, 1939.

ჩემ ქეთოს

ო. ჩემო ქეთო, ეს როგორ მოხდა,
რომ გაიზარდე შენ ასე დიდი?
გაბსოვს, ჯდებოდი ბუნარზე კოხტად.
როგორც ბელტრა. ჩუმი და მშვიდი.

ქე გეძახოდი შენ კაროლინას.
ჩადგან შილლერის საცოლეს ჰგავდი.
ეუბნებოდი ეუკლებს ნანიწას
და ფ.თლებივსგან თაიგულს ჰკრავდი.

აე შესს სასტეში განთიადს ვსედაე.
ქალწულის ნაზი უმანკობით.
მუდამ მაგონებ ჩემს ძვირფას დედას
შენი ღიმილით და სათნოობით.

უღეს აღარა სარ შენ ბუხრის ჩიტი,
შენ გაიფურჩქნე და ტკბლად მღერი.
შრაალებ, როგორც ყვავილი მშვიდი.
ლერსიანო და ვარდისფერი.

10 იანვარი, 1939.

წიგნიდან — „ზღვა“

ზღვის ტალღას ახსოვს წარსული კარგად.
მას ახსოვს რომი და ბიზანტია.
გამოჩნდა გემი სამხედრო ბარგით,
ლეგიონერთა სახე ზანტია.

თვითონ სარდალი სდგას გემის ბანზე.
ახეს იჩრდილებს, შორს იყურება.
ძოაქვს ნადავლი: ტყვეები, განძი
და მაღალ აფრებს მზე ესხურება.

პეერი ლეგენდა თვლემს მსრბოლავ ზღვაში
ზედ ჰქრიან ქარნი და ზეფირები.
რემბომ იხილა ტალღების სვლაში
ჩტიურ დრამის დიდი გმირები.

1939.

ცირკი ზღვის კირალ

სდგას ზღვის ნაპირას ცირკი მხეცებით.
ეხმაურება ვეფხვი ზღვის ტალღას.
შორით ვარსკვლავებს ვეალერსებით
და ესუნთქავთ ჰაერს უმანკოს, მალხაზს.

ლომი ყურს უგდებს უცნაურ სმენით
ზღვას, როგორც თავის მშობლიურ დედას.
ტალღები ჰქრიან გაქროლილ რბენით,
ცირკი ტალღებზე ხომალდებს ხედავს.

და თეთრი დათვი ღამით განიცდის
ზღვის სიახლოვეს, — როგორც გადიას.
უცქერის ზეცას ირგვლივ დანესტილს
და ოქროს მთვარეც დასაქადია.

აქ დიდებული ნებივრობს ბალი,
მაგრამ იგი ცირკს აღარ იზიდავს,
ნადირს სწამს მხოლოდ ზღვის იალაღი,
ამობორცვილი დაბალ მიწიდან.

როცა ორი ხმა ერთმანეთს ხვდება:
ხმა ტალღისა და ხმა ვეფხვის მკაცრი.
ჩემში იღვიძებს და აღარ ქრება
მათ ჰარმონიის შესახებ აზრი.

27 მარტი, 1939.

გოტანიკური ბალი

ყოველ გაზაფხულს და ყოველ მაისს
გოტანიკურ ბალს ვეწვიო მინდა.
მსურს მივესალმო იქ ყრმობის აისს,
ფოთოლთ კარავი ვიხილო წმინდა.
აქ ბილიკები მე მახსოვს ბევრი,
უფსკრულის თავზე ვარდების თარო,
გამოქვაბული, გვირაბი, ტევრი,
წყალვარდნილი და სპეტაკი წყარო.
თითქოს ჰაერში ჰკიდია ხიდი,
ზედ მოსჩანს მწვეანე, როგორც კაკადუ,
ირველივ ჰიკჰიკობს მრავალი ჩიტი,
ბალი ჰგავს სიზმარს, სხივით დახატულს.
მე მოგონებით კვლავ ვსუნთქავ ძველით,
პისი აღდგენა არ მეძნელება:
იქ შემოდგომა გამკრთალი ხელით
მკენარ ფოთლებს შორის ღერის სურნელებას;
იქ — გულმომხიბლავ ხეივნებ შორის
მიყვარდა ქალი და პოეზია,
ახლა კი მესმის ძახილი წნორის.
და თმას კალარა შემოესია.
ასე მგონია, ამ ბალში ვხედავ
ჩემს სიჭაბუკის აჩრდილს ცრემლიანს,
ახლა იქ შესვლას მე ველარ ვხედავ
უა ბილიკები არ მიმელიან.

პარილი, 1939.

ნიკო ცხველაძის *

გწამდა მარადის ჩვენი ქვეყნის აღორძინება,
თუმცა გვაზარობდა თვითმპყრობელის ხელი საზარი.
ერ შუგაშინა უსასტიკეს მტრების გინებამ
და გაღაწყვიტე. რომ აგეგო ცოდნის ტაძარი.

შენ ქართველ ხალხში აკრძებდი უშინდეს თანხას,
რომ ჩაგეყარა ოცნებისთვის მძლე საძირკველი.
ნუთუ წინასწარ მოგველინა დღეები ჯანყის
და საქართველოს მომავალი გაააკვირველი?

შენ თვითელ ქვას შეჰყურებდი მამის ალერსით.
შენ თვითონ გსურდა ამ შენობას ქვად დასდებოდი,
კედლებთან ერთად. ფრთაშესხმული და უაღესი.
ზურაუბტოვანი იერიის ზეცას სწვდებოდი.

ილიას ჰგავდი ნიადაგით, ძაღლით სავსე,
შენ ჩვენი ქვეყნის ბედ-იღბალი მართლა გჯეროდა,
ნეტა ხედავდე, მზე ვით ბრწყინავს სამშობლოს თავზე,
როგორ ამოდის ხე სიბრძნისა დარგულ ღეროდან.

უნივერსიტეტს როცა ვხედავ, ასე მგონია,
რომ შენს ბეჭებზე ამოსულან მისი კედლები:

* ნ. ცხველაძე — პედაგოგი და ნაციონალურ-განმათავისუფლებელი მოძრაობის ერთ-ერთი წარმომადგენელი. მისი თაოსნობით აშენებულ იქნა ქართული გიმნაზია, ახლანდელი სტალინის სახელობის თბილისის სახელმწიფო უნივერსიტეტი, რომელიც იმთავითვე გამოიზნული იყო საქართველოს უმაღლესი სასწავლებლებისათვის (ავტორის შენიშვნა).

მისი მშვენება, მთელი სიბრძნე და ჰარმონია
არის შექმნილი ახალ ქვეყნის ახალ მკედლებით.

წარსულს ჩაბარდა გზა მოსილი ნარით და ეკლით,
მადლობა ყველას — ამ ცხოვრების დამამშვენებელს
და შენც დაგიდგით ჩვენს ხსოვნაში გულწრფელი ძეგლი,
როგორც უმაღლეს სასწავლებლის პირველ მშენებელს.

მაისი, 1935

აბესალომ და ეთერი

ნაზ ბატონიშვილს შეუყვარდა გლეხის ასული,
ვისთვისაც იყო ფრთამაღალი ორბი-გადია.
კაცის კანკიდან ეთერ ქალი დანაბადია.
ახლა ზის ტახტზე, მზის სხივებით შემოგარსული.

ბრაზობს მურმანი, შურიანი და ფერწასული.
ბედნიერება აბესალომს ვერ აპატია,
ღალატის ნისლში არა ერთი ღამე ათია,
და განუმზადა შეყვარებულთ მან აღსასრული.

დავრდომილ მეფეს უკვდავების სწყურია წყალი.
იგი მოიხმობს ვეზირის ცოლს, კიდევ ცოცხალი
რა ნახა მეფე, დაჩრდილული შავი ნაღველით.

ქალმა გულმკერდი გაიგმირა ოქროს მახვილით.
ერთად დამარხეს ეთერი და აბესალომი
და იმათ საფლავს სიხარულის ამკობს ალამი.

24 ივლისი, 1939.

ლექსის დაბეჭდვამდე

ახალ ლექსს ვამბობ ჩემთვის ათასჯერ,
რომ შიგ ჩავბერო სული მაღალი.
ეს დიდი შრომა არა ჰგავს სასჯელს
და არც შვებაა იგი ახალი.

თვითეულ სტრიქონს, ვით დამგეშავი,
ვწრთენი, ვამახვილებ მრავალნაირად.
გამოთქმა მძიმე, სიტყვა ბეჩავი
ვერ ამღერდება ნამდვილ შაირად.

ლექსს ხშირი კითხვით ვეჯადოსნები,
რომ იმას მივცე ჯანი, მხნეობა,
დე, იყოს სავსე ჩემი ოცნებით,
დასჩემდეს მეტი ენამზეობა.

გახსოვდეს, ლექსო, ხარ ჩემი ხმალი,
შენ ხალხის მტრები არსად დაინდო.
თან ელვასავით იყავი მალი
და ჰქმენ საქმენი შენ სარაინდო.

მაშ გასწი, ლექსო, იბრძოლე მარჯვედ,
მე აწი ველარ მოგეშველები,
ან უნდა მოკვდე ან უნდა დარჩე
წმინდა სახელით და სურნელებით.

1939.

რუსთაველის პროსაქტის ხეივნის ქვეშ

დიდხანს ვიყავი მე დავრდომილი
და უკვდავების მწყუროდა წყალი,
ვით აბესალონ მეფეს, რომელიც
ყო სნეული და მკვდარ-ცოცხალი.

მე ახლა მოვრჩი და მიხარია
ამ ხეივნის ქვეშ გასეირნება,
კვლავ შემოდგომის კარგი დარია —
ჩემი გათბობა შუქმა ინება.

თითქოს აკვანი არის შეკრული
მაღალ ტოტების გრილ არტახებით
თითქოს ნანინა მატკობს მეგრული
და მიმაქროლებს იალაღებით.

როგორც დედ-მამის ნაწი მკლავები,
გულში მიხუტებს ეს ხეივანი.
ახლა არავის არ ვედავები,
ვამიჯანსაღდა გული მტკივანი.

დედაქალაქი, შემოდგომა, 1939.

ზეციური სონეტი

იგი ავდარში, ვით უფსკრული, სჩანს დამხობილი.
იწევს სულ მალლა, აზიდული თეთრ ვარსკვლავებით.
ცა უწმინდესი სუნთქავს ნისლით და უკვდავებით,
მისთვის არ კმარა ათას ერთი საგალობელი.

მე მახსოვს იგი — გრიგალის დროს ბრმა, უღმობელი,
აბღავლებული, მოვარდნილი ცეცხლით, ზვავეებით,
და მიყვარს იგი მთვარის გზნებით და იგავეებით,
როცა ნიავე უნაზესი არის დობილი.

ამ ქვეყანაზე ორ დიდებას ყოველთვის ვხედავ,
ეს არის ზეცა და კიდევ ზღვა — მსგავსება სარკის:
ამათრთოლებენ ორივენი, ისე ვით ნარგიზს.

ყველაზე მეტად მაჯადოებს გამოთქმა — ნეტავ!
ნეტავ ლურჯი ზღვა აიმართოს მწველ პარადიზად,
ნეტავ გვხიბლავდეს ცის ლაყვარდი სამარადისოდ.

24 სექტემბერი, 1930.

ტარას უმვჩინკო

ქეფის პეტერბურგს — ყმების ხელით აგებულ გოდოლს,
ვით მხეცის ბუნაგს, შენ უცქერდი მეტ სიძულვილით.
შენ იგონებდი ლატაკ სოფელს, ტირიფის ფოთოლს
და ისევ გწვავდა დაუდეგარ ბრძოლის წყურვილი.

ქედს არ იხრიდი ბარბაროსი მეფის წინაშე
და ამზადებდი მშრომელების ლაშქრობას მტერზე.
სკვრეტდი მომავალს განთიადის ალურ მინაში,
წარსულს კი — მთვარიით გაფითრებულ მდინარის ფსკერზე.

ციხეს, ბორკილებს და დაღუპვას ვერ გადაურჩი.
შენი სიტყვა კი ცოცხლობს, ცეცხლზე უმხურვალესი,
ჰპოვე სიამე დარბაისელ დნეპრის ხმაურში,
რომელიც გლოვობს შენს აღსასრულს დედის ალერსით.

საესეა მთელი უკრაინა შენი სახელით,
ხალხის უსაზღვრო სიყვარული შენი ხვედრია.
ერგო ისეთი შენს სიმღერებს გამოძახილი,
როგორიც თვითონ ოკეანეს არ შეხვედრია.

უშენოდ მინდვრად არ იშლება მცირე ყვავილიც,
ყველგან სდარაჯობ უხილავი დევ-გმირი მამულს.
შენი მზით ცოცხლობს და მწიფდება პურის თაველი,
ბალებში უსმენ ჩვენს ბედნიერ ბავშვთა ყრიამულს.

კოცხლად გმარხავდა, ვით თავის მტერს, თვითმპყრობელობა.
დიდ ოქტომბერმა შენი სიტყვა გამოიტანა

დღის სინათლეზე და არ ცხრება ხალხის მსვლელობა-
შენს ძეგლისაკენ, ჯანყისა და ლექსის ტიტანო!

დიდო პოეტო, თვითეული ერი გაფასებს,
შეგვეყვარებიხარ ისე, როგორც მკვიდრი ილია!
გვაქვს შენი სახე აღბეჭდილი გულის დაფაზე,
დღეს ყველასათვის შენი ლექსის ბგერა ტკბილია.

1937.

დანიელ ზონჰაჰე

სურამის ციხის საოცარი ხარ მშენებელი,
შენმა გენიამ ეს სიმაგრე კვლავ გამოსკედა.
ასე პუშკინი დაეუფლა ბრინჯაოს მხედარს
და ფალკონეტის მთლად ივიწყებს მაყურებელი.

ჩაეც პირველად შენ მახვილი უდარებელი
ძველ ბატონყმობის დაულალავ ცოფიან ბნედას.
ო, შენ გვიჩვენე დაღუპული კალოზე დედა,
კევრზე ბატონი — სულისა და ხორცის მყვლეფელი.

შენ არ ბაძავდი თვალგანაბულ ბესიკის ენას,
ადრე დაიწვი, არ იყავი შენ იღბლიანი,
უთუოდ გჯობდა თავის ბედით ორბელიანი.

ზურაბის მოთქმით აღუმებდი ბულბულთა სტვენას.
მტრები მზად იყვნენ გადაეგდეთ შენ მდინარეში.
დღეს კი მოისპო სამუდამოთ მათი თარეში.

ოქტომბერი, 1939.

ბ ა ქ ო

ქალაქი უდაბნოში

ირგელივ უდაბნო,
ყვითელი ქვიშა.
ამ უდაბნოში ბუმბერაზი
ქალაქი იშვა,
შემორკალული
მშრალ ტრამალებით,
დამწვარი მიწის და
ქარის ალებით.

ქალაქი ცოცხლობს
და ქუჩებით სწრაფ ილუნება;
არავითარი არ არსებობს
ირგელივ ბუნება,
ათთქოს სამყარო
ცეცხლის წვიმაა —
აქ ერთადერთი
პეიზაჟია —
ნავთის კოშკები,
ამართული ქალაქის ცაზე —
გაქენებული ტყის სილამაზე.
და ისმის ნავთის
აქ სურნელება.

შავ შადრევნების
საშინელება.
ამოაქვთ ნავთი
მიწის ფსკერიდან.

ადამიანი ოკეანეს
არ დაერიდა.
და მას მოსტაცა
დიდი ალაგი,
ნავთის წყალობით აღმოცენდა
მთელი ქალაქი,
არის ილიჩის ნავთსადგურად
ის წოდებული.
აქაც კოშკების გაიშალა
დიდი კრებული.

ცეცხლს თაყვანს სცემდნენ
აქ წინაპრები —
დღეს ინდუსტრია აიძარჯა
თავის აფრებით.
და ოქროს ვერძის
თუ ოდესმე იყო თქმულება --
ეს არის ნავთი
თვითონ მისი დიდებულება.

ეს არის ოქრო — შავი ოქრო —
ამაყი ნავთი:
მოვიდა მუშა, ვით არგონაექტი:
მან დაამყარა უდაბნოში
თავისი ძალა,
ქალაქის თავზე ბრძოლის დროშა
ააფრიალა.
დღეს განდევნილი
არის ნობელი.

თვითონ მუშაა
ერთი მფლობელი.
ყველგან ქარხნები, ტრამვაები,
ცადამწვდენები.
ყველგან ელექტრო და მშრომელნი

ახალ მშვენებით,
ეს გამარჯვება ნაყილია
ოფლით და სისხლით.

მონობისაგან ჩვენ უმსხვერპლოდ
თავს ვერ დავიხსნით.
ბრძოლაში ბევრი სამუდამოდ
ხომ დაიფერფლა,
და შეეწირა ხალხს
წმინდა მსხვერპლად.
ოცდა ექვსი კომუნარი:
იქ, სადაც მზეა
მეტად მცხუნარე,
მათი სიკვდილი საშინელი

ნახა უდაბნომ,
გმირებს ძეგლები გვირგვინებით
რომ დავუდაფნოთ.
შაუმიანი,
ჯაფარიძე,
ფიოლეტოვი!
მათი გმირობა მაგალითი
იყოს ნეტავი!
ნავთის კოშკები აიმართენ,
როგორც გემები.
აი უდაბნოს ხომალდები —
მკლე აქლემები,
მაგრამ გაასწრებს მათ უეცრად
ავტომობილი —
და წინ მიქროლავს საუკუნე
ძველის მგმობელი.

მტვერი ნებივრობს
მუდამ, დღითი-დღე,
სხლებს ეხება

ცხელი ზმორებით.
წავთის კოშკები,
როგორც ნაძვის ტყე:
სჩანან ზღვის ფსკერზე
განმეორებით.

საიდუმლოა
მიწის ქვეშ ბევრი,
მაგრამ ძნელია
გარღვევა მტევრის.
და გაბედულად ჩვენ ვაღწევთ მიზანს,
გვემორჩილება დედამიწა,
როგორც გულთმისანს.

ღამით ქალაქი
არის ელვარე,
მისი ხმაური
მუდამ მღელვარე,
ბაქო ვარსკვლავებს
ემაყება —
მას უნდა ბლომად
შუქის გაღება.

უდაბნოსაკენ იშლება გზები,
ღამე მორევში
კვლავ იძირება.
როცა თენდება,
ღამის კოშკები
ყველაზე ადრე
სჩანან გზირებად,
სდგას წავთის კოშკი,
როგორც კანდელი
და იხედება კასპიის ზღვაში.
ტანში დამივლის
მე ქრუანტელი.

ო, ეს ქალაქი,
ეს პეიზაჟი!
შენ ხარ ვერჰარნის
ქალაქი ჩქარი,
რომელიც არის მოვარდნილი
როგორც ხანძარი.

იბრძოდა მუშა.
გაპირვების სუსხით დამბალი.
მაგრამ დღეს წელში გაიმართა
მუშა-ამბალი;
როგორც პრომეთე, ის იტაცებს
ცეცხლს უფსკრულიდან,
ეს არის ნავთი
მოწყვეტილი მიწის გულიდან.

ნავთი ამოდის უფსკრულიდან
ტახის სიმძიმით;
შემდეგ თანდათან იწმინდება
მწვანე ციმციმით.
მას დიდი გზა აქვს,
ცისტერნები მას მოელიან.
ვინ სთქვა, რომ მიწას
საუნჯენი გამოელია?

უნდა ავხადოთ ჩვენ ნილაბი
ქვეყნიერებას,
და დავამყაროთ მსოფლიოში
ბედნიერება.

უნდა მოედვას
მთელს სამყაროს დიდი ხანძარი.
ძველი ქვეყანა დანგრევის წინ
ბრაზობს ზანზარით.
ნავთის კოშკები აიმართენ
ქალაქის ცაზე —

გაქენებული ტყის სილამაზე!
ქალაქის ირგვლივ მათი ცეკვა
მუდამ ხარბია!
ერთად ჩნდებიან,
ერთად გარბიან.

მაგრამ ეს არის გამოფენა
და ზედაპირი:
მიწის ქვეშაა სინამდვილის
დიდი ზღაპარი.
სურახანა და ბალახანა!
აღმშენებლობა!
და ამ წიაღში ალტაცებით
გული ეფლობა.

ყველგან ქარხნების
რიტმიული, ფხიზელი ბგერა,
პრისხანედ ისმის ამ რიტმებში
ნავთის სიმღერა.
და ოქროს ვერძის
თუ ოდესმე იყო თქმულება,
ეს არის ნავთი —
თვითონ მისი დიდებულება.

ეს არის ოქრო — შავი ოქრო —
ამაყი ნავთი.
მხოლოდ მუშაა ამ დიდების
დღეს არგონავტი.
ეს იაზონი მთელ ქვეყანას
შეატრიალებს.
მთელ მსოფლიოში კომუნიზმის
დროშა იალებს.
აღმოსავლური სიზანტეა
უარყოფილი —
მოძრაობაში ამერიკის

მოსჩანს პროფილი.
სისხლით და ოფლით აგებული
არის მაგარი,
და ოცდა ექვსი კომუნარის ნაამაგარი
ჩვენს წინ იშლება
განახლებულ ყოფნის თაღებად.
მტერი სიკვდილით
ამ ბრძოლაში დაიდაღება.
ნავთის კოშკები ქალაქის ცაზე —
ვაჭენებული ტყის სილამაზე!

1928.

ილია აგლაძეს

შენ დიდ ილიას ხარ მოწათე, ხარ მისი ნერგი.
და მწერლებიდან ვინ არ იცნობს მწერალ აგლაძეს!
შენ ასლაც შრომობ და არ ფიქრობ წუთით დაღლაზე.
მშობელ ერისთვის მზრუნველობა თავიდან გერგო.

შენი ჭაღარა კვლავ ბიბოქრობს, ღელავს, ვით აერგო.
გიყვარს ოცნება სიჰაბუკის მსრბოლავ ტალღაზე.
როცა გხიბლავდნენ ვარსკვლავები ცის სიმაღლეზე,
როცა სთარგმნიდი „ვიქტორიას“ ჩვეული ხერხით.

ქართული სიტყვის ხარ მებაღე. გახსოვს წარსული.
სრულებით არ ხარ ჟამისაგან შენ გაძარცული,
ჩვენს ბუმბერაზებს შენ ხედებოდი ღშირად, მაშ, ასე:

ტკბილად გვიამბე ილიაზე და მკვიდრ ვაჟაზე,
და მოგვაგონე კიდევ ერთსელ ხმა აკაკისა,
ვინც აყვავილდა ჩვენს ხსოვნაში სპეტაკ ნარგიზად.

19 ნოემბერი, 1940.

სონეტის ქალაქი

რომს სახელგანთქმულს მე ვეძახი სონეტის ქალაქს,
სადაც პეტრარკამ ტკბილ ჰანგებში ჰპოვა ლაურა,
მიქელ-ანჯელო მოქანდაკე გაეხმაურა
მგზნებარე ლექსით სილამაზის უძლეველ ძალას.

აქ ყოველი ქვა სონეტების იწვევს ამაღლას
და რომი რითმებს მოაგელვებს, ვით ბედაურებს,
ტერცინებს აწვდის ქალბატონებს — ვით სამკაულებს,
სუნთქავს წარსულით და ღრუბლებში სახეს ემაღლავს.

რომი კვლავ ცოცხლობს, კვლავ გაისმის მისი საყვირი,
სონეტის ქალაქს მე მიემართავ დიდ ძვრათა (ირონი:
„იბრძოლე მუდამ ხალხისა და სპარტაკის დროშით.

სონეტის ღირსად აღიარე შენ მხოლოდ გმირი,
ათასწლოვანი შენი ლექსი ჰქექდეს მკვეთავი,
როგორც გრაკხების ტრიბუნიდან ხმა გამბედავი!“

იანვარი, 1948.

ასტმა

ასე მგონია, სასტიკი ასტმა
მედგრად იმიტომ გადავიტანე,
რომ რითმის ძებნა ფიქრმა არ დასთმო,
რომ გამოვქედე ლექსთა ლითონი.

თვით აგონიის დროსაც და შემდეგ
ვარ პოეზიის მთრთოლვარე მონა.
მე ცოცხალი ვარ და ვაცი დღემდე
სიამისა და ტკივილის წონა.

დღისით და ღამით ხშირი წვალება,
ხუთვა სულისა და გულის მანკი —
ეს არის მხოლოდ საშუალება,
რომ ამეტყველდეს მგზნებარე ჩანგი.

ჩემი არსება შემომედავა
და მაინც ბედის ვარსკვლავი მჯერა,
და გულის სენი მსურს გამბედავად
გადავაქციო ერთ დიდ სიმღერად.

თბილისი, 1940.

აკაკი ქუთაისში

ბაგრატის ციხის ნანგრევები შეენოდა ქალაქს,
მაგრამ აკაკი ამშვენებდა მას უფრო მეტად.
იგი თეთრ ხიდზე გამოვლილი გენახათ ნეტა,
როცა უცქერდა გარინდებით მთების იალაღს.

უკვე ქალარა — ის აფრქვევდა სიმშვიდეს, ძალას,
ის ქვეყნის წარსულს მყობადისა სთვლიდა იმედად.
დასაკარგავად თვისი ერი ვერ გაიმეტა:
მუდამ ეძებდა ტყვე ნესტანის სამყოფელ ალაგს.

ვითა ღრუბელი შუადღისა, ვიდოდა ნაზი.
წიგნთგამყიდველთან ხშირად იჯდა, როგორც მყინვარი.
და მასთან ქადრაკს თამაშობდა უტყვი, ბრწყინვალე.

მოწოდებული სახეების დიდ ოპიზარად
წინასწარ გრძნობდა, რომ ახლოა ფოლადის კაცი
და ვით მორბედი, ჯმლეროდა გმირთა-გმირს მარად.

17 მარტი, 1940.

არჩევნებისკენ

დიდ მიღწევების მრავალ მტევნებით
დამშვენდა ჩვენი ცხოვრების ბალი.
ამოდის, ბრწყინავს მზე არჩევნების,
ისმის მშრომელთა სიმღერა ლაღი.

დიდი კააშირი ერთხმად გუგუნებს,
და ჩვენი ხმაობის მძლე სიმფონია,
რომელიც ქარგავს ამ საუკუნეს,
მთელ მსოფლიოში გასაგონია.

არ შეჩერდება ეს ხმა ძლიერი,
გადასჭრის საზღვრებს თავისი ფრთებით,
იგა, უსაზღვრო და ბედნიერი,
შორს მებრძოლთათვის იალებს შვებით.

ცა თეთრ ღრუბლებით გადაისერა,
როგორც ვარდების მრავალ კონებით.
ეს არჩევნები არის სიმღერა
გამარჯვებული მილიონების.

დეკემბერი, 1937.

ოგიუსტ როდენი

დიდი კლდის მსგავსად ამართული არის როდენი,
სხვისი მძერწავი, თვით გამზდარა ის ქანდაკება.
ბედის წინაშე გაბედულად იგი დადგება —
მოპავლისაქენ გატყორცნილი დღე რაოდენი.

მალალ შემოქმედს, ვინც დამწვარი იყო ლოდინით,
ეხალისება ვარსკვლავთ შორის დაბანაკება.
მას შრომის კოშკის ენატრება ახლაც აგება,
რომ გადალახოს სამყაროს სიბოროტენი.

იგი ებრძოდა მარმარილოს დაულალავად,
კიდევაც ერგო გამარჯვება მტკიცე ფალავანს,
მისი გმირები გაღვიძებულს გვანან პრომეთეს.

და მოზღვავებულ შუალამის ზარს მეთორმეტეს
ქანდაკებათა მოახდინა მან ამბოხება
და მის ნათელით ეს ქვეყანა გაიპოხება.

15-20 ივლისი, 1940.

უზანგი ჩხეიძე

იგი პრინც ჰაძლეტს ასრულებდა კეთილშობილად.
მამის აჩრდილთან არ უჭირდა მას ლაპარაკი.
მაგრამ ამ როლის მოთამაშე განა ყოფილა,
მოწყენილობის რომ არ გახდეს იგი ზეარაკი?

მსოფლიო სევდა აღიარა თავის დობილად,
ყოფნა არ ყოფნის მან წარმოსთქვა ძველი არაკი.
სწრაფ გაიღვა გაგიყებულ ჩენჩის პროფილით
და კულისების მობინადრე გახდა მარადი.

ნუთუ უზანგი არ გამოვა კიდევ სცენაზე,
ნუთუ თავის ხმას ორფეოსი არ გაგვაგონებს?
თვითეულ ქართველს ეს მღელვარე ფიქრი გვალონებს.

თავის ოცნების საიდუმლო გადარბენაზე
უზანგი არის დიდ გმირობის გამოამსახველი
და ჩვენთან მოდის სააკაძის დიდი სახელით

აჭრაძე, 25 ივლისი, 1940.

ბავშვობა და ნისლები

არ დამიბრუნებს ჩემს უდარდელ ყრმობას არავინ.
ეს ნისლები კი ბავშვობაზე უფრო ტკბილია,
აი გაჩერდა წყაროს თავზე ღრუბელთ კარავი
და აივანი ყვავილებით შემკობილია.

ჩემი ბავშვობა შორეული არის წარსული,
მაგრამ ეს წყარო ძველებურად მაინც ჩხრიალებს!
დიახ, არა ვარ ჯერჯერობით მე გაძარცული,
სანამ ჩემს ახლოს ეს წაბლის ხე დინჯად შრიალებს.

ყველაზე მეტად მოხიბლული მე ვარ ნისლებით.
მადონასავით მევლინება აქ ჩემი დედა.
ვუცქერ ტაშისკარს, აღტაცებულ ლექსით ვიცლები,
წარსულთან ერთად მომავალსაც დაისში ვხედავ.

ქვიშხეთის ნისლებს ყვავილების მოაქვთ სინაზე
და კიდევ რაღაც დიდ სიხარულს ჩვენთვის მალავენ.
ალარ ვოცნებობთ აღმასებით შეკრულ ბინაზე,
სწრაფი ქარები ნაზ ჩურჩულით ჩვენ დაგვღალავენ.

მე არ მაშინებს ეს ჭაღარა, თუ მას და ნისლებს
ერთი ფერი აქვთ და ერთი აქვთ შნო და იერი.
ავადმყოფ გულის დაღლილობა მე კიდევ მიძლებს,
როგორც საათის წინ და უკან სვლა წამიერი.

ჩემი ბავშვობა, ატმისფერი, უფსკრულს ჩაბარდა,
დილის ნისლები მომყვებიან, როგორც შვილები.
ქარმა ჩემს თავზე არა ერთხელ გაინავარდა,
მჩატე ნიავი მომეხვია თავის ხელებით.

სანამ ქვიშხეთის მამხნევებენ მე გორაკები,
ვერ შემაშინებს ვერც ტკივილი, ვერც ხნოვანება
ასე მგონია, მკაცრ ქარჩხალს დავეტაკები,
ჩემს სმენას ოქროს მალალური ეხმოვანება.

მე ხელმეორედ ბავშვობის გზით არვინ მატარებს,
მაგრამ ნისლები სდარაჯობენ ჩემს დაღლილობას.
ნისლთა მუსიკა ჩემს სიუცოტხლეს კვლავ ანეტარებს
და მე ჭადარას არ განვიცდი, როგორც ჭრილობას.

სურამი, იელისი, 1940

ერთი სტრიქონი

მე მინდა ვიყო შემომქმედი ისეთ სტრიქონის,
რომ გამიტაცოს ცის სიღრმეში ელვის სისწრაფით.
ლამაზი სიტყვა ვარსკვლავებმა გამოიგონეს
და პოეზიამ აითვისა თავის მიზრაფით.

და ერთხელ ლექსი მოაქროლებს ისეთ მუდარას.
რომ დაიკვნესებს ოკეანე მთელი სხეულით,
გადიძრობს თავზე შორეული ტალღა სუდარას
და ჩუმად მეტყვის საიდუმლოს ცრემლმორეული

ტოროლასავით მინდა შეეხვდე ისეთ განთიადს.
რომ აღტაცებით ვთქვა ლილეო მე გასახარი.
თითქო ღრუბელი ცის მაღალი ბრილიანტია.
მიცდის ტირიფი ისე. როგორც სევდის მაყარა.

კლდე, გადმომდგარი სიმაღლიდან, სფინქსია მძინე.
საუკუნეთა ნაბიჯებით გადანალახი,
თვითთელი ქვის სახეობა ჩვენ გვაძლევს იმედს.
რომ დედამიწა არ ყოფილა ნხოლოდ ტალახი.

შორს ვიხედები, მევლინება მთა მილურსული.
„ვეფხისტყაოსნის“ შესავალი არის ვარძია,
სადაც აღმოჩნდა არა ერთი დიდი ჟღერსკრული,
სადაც წარსული საოცნებო ქარმა მარწია.

ვეძებ კარგ სტრიქონს მარგალიტის მაძიებელი,
და იმედი მაქვს, რომ სტრიქონი ასეთი ვნახო.
ბესიკის ჩრდილი იყოს მუდამ ჩემი მხლებელი.
რომ უკვდავი თქმის მე გავკვეთო ახალი ახო.

წვიმიანი დღე სურამში

თითქოს წაიქცა პატარა სურა
და წვიმა ფარავს მზის ნეტარებას.
ჩვენ ყველა ვუცდით გამოდარებას,
ყურს არ ვათხოვებთ ცრემლიან ზურაბს.

მუდამ სოველი ეონავს კედელი...
არის ქვებ-შუა ის ჩაქედილი.
კრთის ციხის თავზე ნისლის ემბაზი
ბნელი წარსულის მოგონებაზე.

მიდის ქონქაძე ცილინდრით თავზე,
უცქერის ცაში ამართულ ლოდებს,
უცქერს ქონგურებს აჩრდილის მსგავსი.
ბრძოლისთვის ციხეს ხელს გაეწოდებს.

სურამში სხვაა წვიმის ხმაური,
ეს თითქოს არის ზურაბის ცრემლი.
მაგრამ გამოვა დღე — ბედაური,
მზე ჩაქუჩია და მიწა — გრდემლი.

11 აგვისტო, 1940.

ქაკლის ხეხ

მე ხეებს შორის შენ გადიდებ, ო, უჩვეულო,
ეგ შენი ჩრდილი და სურნელი შეუდარები
ყოველთვის მათრობს გამოუთქმელ დიდ ნეტარებით,
რჩეულთა შორის მზის ნადიმზე გამორჩეული.

დედამიწაზე მარგალიტის ცად დაფრქვეულო,
გიყვარს ზაფხული, გამკვირვალე მისი დარები,
ყველაზე მეტად შენ სოფელი გიყვარს ღარიბი,
ცხელ ქვეყნებიდან ჩვენს მზარეში ძმად მოწვეულო.

შენ მძლავრ ფესვებთან წყაროების ტკბილია ცემა.
შენი ნაყოფის რარიჯ მიყვარს ფერი და გემო.
თვითონ მზეს ხიბლავს შენი მწვანის ტკბილი სურნელი.

ტყის მეფეს ჰგავხარ და სნებათა ხარ გაქურნელი,
შენი ფოთოლი მირჩვენია ალვის ხის ფოთოლს
და შენი ტანი — მინარეთის სალოცავ გოდოლს.

სურამი, 16 ოგვისტო, 1940

მიხეილ ლერმონტოვს

დეკაბრისტების შენ განაგრძე გზა ბნელ ღამეში —
ლექსი პუშკინზე ქე'შმარიტი იყო გასროლა,
ახალგაზრდობამ აგირჩია შენ წინამძღოლად,
გბაძავდა იგი თავის ამაყ სითამამეში.

თითქოს გაყვარდა შენ უფსკრულის თავზე თამაში
და მეფეებთან მზად იყავი მუღამ საბრძოლად.
შენ მაშუყის ქვეშ მოყიდულმა ტყვიამ ჩაგქოლა
და განისვენე მალალ მთების ცივ აკლდამაში.

შენს სიმღერებში დღესაც გრგვინავს ძალა ხალხისა
და ხშირად გვატყობს ჰარმონია მსრბოლავ ტალღისა.
ერთი წუთითაც ბილწ ჯალათებს არ დაემონე.

ვით მებაზობხე, დღესაც გვიყვარს შენი დემონი,
შენს რკინის ლექსებს ჩვენ ვკითხულობთ, როგორც
თქმულებას,
და შენს გმირებში ამირანი ჩვენ გვიგულება.

სურამი, აგვისტო, 1943

სურამის ციხე

დღისით და ღამით ემუქრება სურამის ციხე
პეტრს, გადაკარგულს წარსულ დროთა ცივ სამარეში,
თითქოს მოისმის ცხენოსნების ირგვლივ თარეში,
იქ. სადაც არის ამართული ზეცისკენ ლიხი.

ახლაც არსებობს კედელთ შორის ზურაბის ჩიხი,
სადაც იგი დგას — საკუთარი ქვეყნის დარაჯი.
ის ალბათ უსმენს ნორჩ ვარსკვლავებს ცის კამარაში.
როცა მის სმენას ქარიშხალი არ ატკობს რინით.

ქონგურების ქვეშ სჩანს ჰამლეტი შავ წიგნით ხელში
ზურაბის აჩრდილს ის ციხის წინ ესაუბრება,
აქვს თავიდანვე დანიის პრინცს ამის უფლება:

ქველა ჩაგრულთა, იდუმალთა ის არის ელჩი.
ზურაბს ჰამლეტი კვლავ უკითხავს თავის მონოლოგს,
ხელებს მოხვევს და გაიტაცებს ღრუბლებში ბოლოს.

სურამი, 12 სექტემბერი, 1940

შექსპირი

მოკრძალებული მე ვადიდებ შექსპირს პირველად.
მუდამ მბრძანებლობს მისი ლექსი, როგორც სარდალი.
ვით უძლიერეს მოქანდაკეს, არ ჰყავს ბადალი:
მან გამოჰკვეთა მეფე ლირი გასაკვირველად.

მოწოდებული ტრაგედიის მაღალ მწიროველად,
გრგვინავს, გამოჰყავს ტყვეობიდან თვით სამართალი.
ჰქრის ფანტასტიკა მის მაკბეტში, როგორც აფთარი.
წოსჩანს საფლავი მთელ სიცოცხლის მკვიდრ საძირკველად.

პამლეტის მამის ჩვენც გვდაგავდა ყრუ მოჩვენება.
ყოველი ტალღა ოფელიას გვაგონებს დღემდე.
მაგრამ ვარჩიეთ არდენის ტყის მზე და მშვენება.

ვესწრაფვით შექსპირს — ხალხინობელს მრავალთა შემდეგ,
ის ჩვენთვის იყო საუნჯეთა უტყუო განჯინა,
როს მაჩაბელმა ის ხალხისთვის აღმოაჩინა.

12-20 სექტემბერი, 1940.

ნავოის თარგმნის ღროს

მე თმას ვივარცხნი, და თმები მცვივა,
ვით ნოემბრის ხეს სცვივა ფოთოლი.
ირგვლივ ქარი ჰქრის, მე მცვივა, მცვივა,
მეტად შავია ღრუბელთ გოდოლი.

თეთრი ღერები ჩემი თმებისა
ოქროსფერ ფოთლებს საოცრად გვანან.
ჩემი სიცოცხლე გადაეფისა
ამ შემოდგომას — გამხმარს და ტანადს.

მე თმა ჩამომდის აურაცხელი,
მათ შორის არის იანვრის ბარჯა.
მზად ვარ გავტეხო ეს სავარცხელი
მზად ვარ გავტეხო ეს ავი სარკე.

და მე მივმართავ სიცოცხლეს: განა
მე აღარა ვარ კვლავ ეშხიანი?
არც ისე ბევრი გყავს ჩემისთანა
ხელგამართული ადამიანი.

ვთარგმნი ნავოის ქართულ შაირით,
ვეტრფი ოცნებით შიირინს და ფარხადს
და ცისარტყელა ფერადნაირი
წარმომიდგება შარბათის არხად.

სექტემბერი, 1940.

ფიქრი ლექსებზე

ჩემი ლექსები, გაბნეული, დაუბეჭდავი,
ვის ვუანდერძო, რომ მიხედოს მას უანგაროდ.
ო, მოცაქული ერთადერთი მყავდეს ნეტავი —
ჩემი ლექსების მოამაგე, გულით ანკარა.

ჩემი ლექსები ცხენებივით გაქრილან ველად...
ვინმემ ხომ უნდა დაიურვოს — სახლში მოდენოს,
ვინღა გამოვა, თვალმაღალი, ძმად და დამცველად,
რომ წამოიყვანს შინისაკენ ჯოგს ამოდენას.

მე კი ვეწევი ყოველდღიურს სიტყვასთან ბრძოლას,
დავეძებ რითმებს და სახეებს იმეღიანი,
რომ ჩემი ლექსი მკითხველამდე მივიდეს ბოლოს,
როგორც ჩამქრალი ვარსკვლავისა სხივი გვიანი.

სურამი, სექტემბერი, 1940.

ზოთას

ძვირფას ბექდების სურნელება, ალბათ, გსძენია,
ჩრას თამარის წინ მოიყარე ლოცვით მუხლები.
ვეფხისტყაოსნის შესთავაზე მას ხელუხლები
და გვირგვინოსან წამწამების ცქერა — შენია.

ნარდი ოცნება გრძელ რიდესაც გადასწვდენია,
რათა გეხილა სილამაზის ტალღა უკლები.
შორეულ დროსთან და მყობადთან შენაუღლები
...თიათასჯერ გზას გვინათებს შენი გენია.

ძველ გადამწერლებს გვაგონებენ, სულმნათო, ახლა
შენი მთარგმნელნი და მათ შორის ერთი ქაბუკი,
ასე უდროოდ სიკედელისგან გადანაბუგი.

პეტრენკო შენით აგზნებული, სრბოლავდა მაღლა,
ავთანდილის და ორფეოსის მსგავსად მღეროდა,
შენს ბრწყინვალებას და შენს ძალას ვით შეჰფეროდა.

1940.

საზა წულუკიძე

შევარდენს ჰგავდი, დახვეწილი, მკრთალი პროფილით
გარდასული დრო ვერ გზიბლავდა თავის ქამანჩით.

ღაპგმე წინაპართ ნაღიშებო. ცეკვა-თამაში
და ხალხს შესწირე შენი მოკლე წუთისოფელი.

მუშის ლაშქრობა გააჩაღე, მტეჯითა მპყრობელი.

მოუწოდებდი ჯანყისაკენ გლეხს ქალამანში.

გძულდა სიცოცხლე, ჩაქედილი ყველგან სამანში.

იობასთან ერთად დიდი ხანძრის იყავ მსმობელი.

ბეღებსაც ახსოვს შენი სახე, ი, რა იცოდი,

სე უდროოდ ახალგაზრდა რომ დაიწვოდი.

შენს დაუვიწყარ, ქარიშხლიან გასვენებაზე

მრავალი სიტყვა გაისმოდა მრავალ ენაზე.

ქექდა და ქუხდა გამარჯვება მეტრძოლთა ხმაში.

და შენი კუბოც გადაიქცა ტრიბუნად მაშინ.

1946.

წარწერა ანთოლოგიის წიგნზე

ანთოლოგია თავიდანვე რად მხიბლავს ასე?
იქნებ იმიტომ, რომ მაგონებს ის სასაფლაოს,
სადაც ვკითხულობ წარწერების გულსაკლავ ქაოსს,
თარიღებით და მწველ ცრემლებით თვითეულ ქვაზე.

ამა წიგნისა დაუვიწყარ მშვენიერ ხმაზე,
ვით ორფეოსი, ევრედიკას, — თავის ყოლაოზს, —
მიეყვები ხსოვნის გაფითრებულ ნაზ საქანაოს,
ელიზიუმის რომ აღმოვჩნდე ბინდიან ცაზე.

ანთოლოგია პანოპტიკუმს სჯობია მაინც:
თითქოს ჯავშნიან მეომართა ჰქრის ასპარეზი,
ჩვენ მასში ვხედავთ ოლიმპიურ სრბოლათა რაინდს,

რომ იტაცებდა გამარჯვებას თავის მხარეზე.
ანთოლოგია უკვდავების არის თავდები
ოქროს ვერძის და ოქროს სიტყვის არგონავტებით.

1940.

ლადო კეცხოველი

შენ არ გზიზღავდა საოცნებო ღრუბლების ქულა,
გაყვარდა მხოლოდ რომანტიულ პოეტის რაში.
ხალხის იარებს განიცდიდი საკუთარ წყლულად,
გაფიცვის რუქას შენ ხაზავდი ქარხნების სვლაში.

მტერზე მეტეხშიც იერიში მიგქონდა გულადს.
ვაჟკაცის თვალი გაუსწორე შენ თოფის ლულას,
ვაჟკაცის თვალი გაუსწორე შენ თოფის ლულას.
თითქოს იწვევდი ბოროტებას სასტიკ ბრძოლაში.

გავარდა თოფი. დაიდვარა სისხლი სპეტაკი.
უკანასკნელად ციხის კედელს შენ დაეტაკე,
ავალდაკვალ მოგყვენ საბრძოლველად ქაბუჯნი შემდეგ.

თავგანწირულო შევარდენო, გვახსოვხარ დღემდე,
ჩვენი ქვეყანა, ვით ღირსეულ გმირს, მოგიგონებს,
და შენ გიძღვნიან პოეტები ლექსთა სტრიქონებს.

ოქტომბერი, 1937.

1941 წლის 1 იანვარი


მახაბლის ლექსით ვესალმებით ახალწელიწადს
ისმოდეს ლექსი მოელვარე და შექსპირული.
თუმცა არავის ვემუქრებით ჩვენ დასაღეწად.
დიდ ძალას იტევს ეს ქვეყანა ჩვენი გმირული.

სხვას არაფერს გთხოვ, ჯერ უცნობი ახლო წელი.
მომეცი ჯანი, მასთან ერთად სიტყვა ფრთოსანი.
რომ მე ბოლომდე გავიტანო შაირის ლელო.
რომ სიკვდილამდე ქემმარიტი ვიყო მგოსანი.

ახალი წელი მტკვრის ნაპირებს მოჰყვება ჩუმად.
იგი სტამბებში ამოძრავებს მბეჭდავ მანქანებს.
თორმეტ საათზე მოვარდება იგი სამუშაოდ
და მთელ სამყაროს, ვით პლანეტას, წინ გააქანებს

მე ველოდები ახალ წუთებს, ვით მეტეორებს,
მუდამ თან მახლავს განუყრელად ფარული რწმენა.
რომ შთაგონება თვის სასწაულს გაიმეორებს
და მიეცემა უტყვ საგნებსაც უკვდავი ენა.

ახალწელიწადს, ვით ნაძვის ხეს, მე ველოდები,
და თოვლის პაპა ჯერ არ ნახულს მომიტანს ნობათს,
ირგვლივ ჩრდილები შეიმოსნენ მრავალ წოდებით,
სრული იმედით მე ვუცქერი ცასა და მყობადს!



ქველი
ზიგნიღუნ

1916 - 1920

Interueer — პირველი

ხარტონ ვარდოშვილს

ავანთებ სანთელს ვრუბელის წინ მოთენთილ ხელით,
გადავშლი ბოდლერს, გადავიკითხავ მის „მარტოობას“.
მეტყვიან ლანდნი, უცხო ლანდნი: „ისევ მოგელით,
შემოგვიერთდი, ახლობელო, გიცხადებთ ძმობას.

ჩვენ შეგვიყვარდა შენი სახე, ჩვენსავით მკრთალი,
შენი ოცნება უიმედო, გრძნობა სნეული,
ნუ შეგაშინებს ღამისფერი ჩვენი შრიალი,
ჩვენი ალერსი, ჩვენი კრთომა, ხმა შორეული.

დღეს გესალმება წყვილიადიდან შენ ჩვენი გუნდი.
გემუდარებით, რომ იწამო ჩვენი ზღაპარი.
ჩააქრე ცეცხლი, სამშობლოში ისევ დაბრუნდი,
გესმის, როგორ ჰქრის სასიკვდილო მარადი ქარი.

გაბედე მხოლოდ, უარყავი ეს ყოფნა ძნელი,
სინათლე მზისა და დღეების განმეორება,
და შენ მიხედები, თუ რა არის მთვარის სურნელი
და შენ გაიგებ, თუ რა არის ლანდის ცხოვრება!“

ავახელ თვალებს და გაჰქრება ლანდთა ღრუბელი.
ჩემს წინ ბოდლერი გადაშლილი, ვით სახარება,
გიჟურ თვალებით შემომხედავს ჩემი ვრუბელი,
სინამდვილეში დაბრუნება დამეზარება.

ოცნება წვიმაში

მისი ფეხის ხმა მაგონდება მე წვიმის ხმაზე,
მის კაბის შრიალს მე მაგონებს ფოთოლთ შრიალი.
შენ, სულო ჩემო, დაღლილო და მოხეტიალე,
ჩუმად გიმღერის დამკოდველი მისი სინაზე!

კნახე თეატრში, წამწამების გამოფენაზე.
ის წუთი მახსოვს... მეოცნებე გულით ვიალე...
გავიდა ჟამი, დამავიწყდა ჩემი ტრფიალი,
და ისევ აღსდგა ამ წვიმაში ის სილამაზე.

უვავილთ სურნელში მე ვიცანი ის სურნელება,
რომლითაც სატრფომ გააგიჟა ჩემი ოცნება,
საყვარელ სახედ მეჩვენება მე ეს ჰაერი ---

გაუთრებული, სევდიანი და სხვანაირი.
მის სილამაზეს მე მიგალობს დღეს წვიმის წვეთი,
და ამ წვიმაში მელანდება თვით უკუნეთი.

1916

სალამოს მასკები

აღამო, როგორც ოფელია, ჩაიძირება
ლამის მორევში და ნელინელ დამტოვებს მარტო.
ჩემი ოცნება ისევ ღამეს შეეწირება
და საღამოზე, ვით ჰამლეტმა, უნდა ვიღარდო.

ჩემს ოცნებაში ასვენია ბევრი საღამო
და ჩემი სული დაუტვირთავთ თავის ნისლებით.
როგორც დაკოდილ ნიაშორთა გუნდი საამო,
კრთიან და აღარ მამინებენ გამოფხიზლებით.

საღამოებო! დამატყვევა თქვენმა სიმკრთალებმ,
სპეტაკ ნიაშმა მომიტანა აჩრდილთ ჭორები:
დღესასწაული ორეულთა იქნება მალე
და ოფელიას თქვენს უფსკრულში ვეამბორები.

შუადღის ფერყლზე ანარგისდა საღამო ნორჩი,
მარმარილოებს დაუკოცნა თვალები ბაღში,
შემდეგ დაღლილი, დამსხვრეული, სუსტი, მორჩილი
შემოდის ჩემთან და ჯადოსნობს მადალ ოთახში.

ღურჯი საღამო აქანდაკდა ნაზ საღრჩობელად...
დავეკიდები და თანდათან გამგუდავს ღამე.
ეღაე ოფელიას დავისახავ სათუთ ღობილად:
უარს ნუ მეტყვი, საყვარელო, ჩემთან ეწამე.

ხელის ორეული

მე შევიყვარე ხელთათმანი, ქარში ნახული.
მე უცხო ქალწულს ვეოცნებე, ვეტურფე ხშირად.
და მისი სული წვრილ თითებში გამოსახული,
და მისი ცქერა მელანდება სულ სხვანაირად.

ჩავდე ვაზაში ხელთათმანი, როგორც ნარგისი,
და დაღლილ თითებს დღე და ღამე მე ვუკვირდები,
ჩემთვის სხვა ხელი ამაოა და უვარგისი,
მე ერთგულებას სამარადოს თითებს ვპირდები.

და სურნელოვან თეთრ სარკეში მომელანდება
უცხო ქალწული, უნახავი, ნაცნობი მაინც.
როცა საღამო უიმედოდ, ზანტად მწვანდება,
ასე მგონია, იგი მეტრფის მე, როგორც რაინდს.

როცა მე სევდის მესტუმრება მწვანე ქორები,
როცა მრისხანედ მე უარვყოფ შვენებას წარსულს,
ხელოვნურ თითებს ისევ ნაზად ვეამბორები
და მათზე თვალებს დავასვენებ, თვალებს გაძარცულს.

მოდის ღამეში თეთრი ქალი ავადმყოფ ხელით,
და მევედრება, რომ ჩავაცვა მას ხელთათმანი...
ღამის მელანში გათენებას ერთად მოველით.
სტკივა თითები და ლანდურად ერხევა ტანი.

როიალთან

მომეღანდება თეთრ სარკეში მე როიალი
და კლავიშებზე ხელთათმანი, თეთრი, ნაცვამი.
უხილავ ხმების — წამწამების ნაზი შრიალი,
იმ ზმანებაში უჩვეულო სპეტაკი წამი.

ნუთუ არ მოვა ოფელია თეთრ როიალთან,
იმ კლავიშებზე ხელთათმანი ნუთუ დარჩება?
ის ლურჯი კალთა
ვარსკვლავებით დაიფარჩება.

ბევრი ჰამლეტი უდარაჯებს ხელთათმანს ღამით
და მხოლოდ ჩემთვის გამოივლის თეთრი ასული.
მჯერა: ჩაიცვამს მკნარ ხელთათმანს მეტ სითამამით
და შემომხედავს მშვენიერი და ფერწასული.

ღამის ფოთლები

ეს უცხო ღამე, ვით შავი ძაღლი,
დაეძებს, ყნოსავს უხილავ ვარდებს.
სანამ ვარსკვლავობს ზეცის სიმაღლე.
ქვევილებს შორის ის ინავარდებს.

ადუმალ ცაზე მთვარე უძრავი --
ბნელი ღრუბლების კრთომით ნალესი.
როგორც ფეშხუმზე ნაკვეთი თავი
ნათლისმცემელის იოანესი.

ვარ მარტოობის ჯვარზე გაკრული.
მხოლოდ ღამეა ჩემი ტაძარი.
და შავ წყვილადში, ყველასგან კრული.
ვივდივარ, როგორც ელეაზარი!

1916

AGONIE

„ა, რა ხშირია ანტრაქტები და რა ხანგრძლივი!
ვერ მოვესწრები ფარდის ახსნას, ასე მგონია.
უბაიროლო მარტოობას მე აღარ ვჩივი.
მაგრამ თავდება მოლოდინის ყრუ აგონია.

დაცტოვებ პარტერს და გადავალ სცენაზე. - - კმარა!
მე თვით სიკვდილთან ვითამაშებ ამ მოქმედებას.
მე საიქიოს კულისებში გადავალ ჩქარა.
ჩინიან ფარდას სასურველი ცეცხლი ედებ..

ქალის სიმღერა

ბნელ შუალამით დატვირთული წუთი გვიანი.
დავეძებ რითმას ჩემს ხსოვნაში თვით სიკვდილისთვის.
მესმის სიმღერა და ვკანკალებ — არ ვიცი რისთვის.
მესმის სიმღერა უვარსკვლავო და წვიმიანი.

ეს არის ქალღი, ეს არ არის ადამიანი.
ჩემ სულს და ღამეს მიუნდვიათ ქვითინი მისთვის.
შეირბა წუთი დანიშნული ფერმკრთალ ძილისთვის...
უცხო სიმღერის დამეწვეთა ხმა შხამიანი.

ქალღი იტანჯვის მარტოობით და შავი ღამით,
მას ჩემი გული ესალმება მწარე საღამით.
ქალღი აღუმებს თავის კვნესას და ისევ იწყებს...

ო, ამ სიმღერას ჩემი სმენა ვერ დაივიწყებს.
ღამის წყვედიადში ვიღუპებით, ვჭრებით ჩვენ ორი
და უკვდავ ყორნის მაგონდება მე „Nevermore“-ი.

თეატრში

როგორც პეპელა მომაკვდავი, დაეშვა ფარდა...
ბნელი ლოყები და პარტერი ისევ გაბრწყინდა.
საამო ხმობა ჩემს გარშემო კვლავ გაიზარდა.
მე იმას ვხედავ და ნეტარობს სურვილი წმინდა.

და ვით ნერონი, რომს ანთებულს ამაყად სცქერდა,
ისე მიცქერის — მედიდური, ბოროტი, ნაზი!
მასთან შეხვედრით ჩემი გრძნობა გაალისფერდა,
სპილოს ძვლის კოშკად გადაიქცა თეთრი დარბაზი.

ტკბილად მაწამებს სირინოზი თვალები მისი.
მარაო კრელი, მოქარგული წვიმისფერ ხელით
ქვავილობს, როგორც გაზაფხულის ნორჩი დაისი.

და ისევ სცენა... დაიჩრდილა სატრფო სიბნელით...
ჩუმად კანკალებს მკრთალ სახეზე ქალწული ღიმი,
და ახლა არის შავფრთიანი ის სერაბიმი.

შემოდგომის ჭანდაკება

ის იდგა ბალში, იდგა მარტო, მივიწყებული.
მას შადრევანი ტანწერწეტა არ უგალობდა.
მხოლოდ დღე და ღამ მოცეკვავე ფოთოლთ კრებული,
კით ოქროს თოვლი, მარმარილოს ტანზე ალობდა.

თეთრი თვალებით ის უცქერდა ცაში ვარსკვლავებს.
სტიროდა ნაზად, შემოსილი ღამის ტრაურით.
უხილავ სატრფოს უიმედოდ აწვდიდა მკლავებს,
და ვერ ჰხიბლავდა აცრემლებულ ქათინაურით.

ქარს თითქოს სურდა ფოთლებიდან კოშკის აგება...
ათრთოლდა ისევ შემოდგომის ყრუ ჭანდაკება:
მოდით წვიმებო! ცივ ამბორით მომეალერსეთ.

თაყვანისმცემელს ჩემისთანას ვერ ნაზავთ ვერსად!
როდი ზამთარო, დამაყარე მკრთალი იები,
და შენს თეთრ სიკვდილს მაზიარე შენაციები!

სანტიმენტალური ტრიოლები

ვარ მოწყენილი, ვით ზამთარში ნაზი ბელურა.
ვით შემოდგომის ღამეებში თეთრი ვერსალი.
შენს სილამაზეს ჩემი ტრფობა ესაფეხურა.
ვარ მოწყენილი, ვით ზამთარში ნაზი ბელურა.
მე განშორების ცივი თოვლი დიდხანს მეხურა.
ეტიროლი ხარბად — მარტოობით ნაალერსალი.
ვარ მოწყენილი, ვით ზამთარში ნაზი ბელურა,
ვით შემოდგომის ღამეებში თეთრი ვერსალი.

ქალწულს მტრადისფერი

ცა დაიცვარა ვარსკვლავებით. ჩვენება შორი
მიახლოვდება და ატოკებს გულს ტრფობას ქარი.
ღელავს გარშემო უღმობელად ქალაქი ჩქარი,
მაგრამ ვოცნებობთ ამ ქაოსში მხოლოდ ჩვენ ორი.

ხარ იდუმალი და კეკლუცი, ვით ნიამორი.
შენი სინაზის დამათოვე თოვლი ნარნარი.
იყავ სპეტაკი, როგორც გედი, იყავი წყნარი
და ჩემ ოცნების შეიწირე წმინდა ამბორი!

მე ვემონები შენს ფეხის ხმას და შენს წამწამებს,
შენს უცნობ სახელს ვემონები სამარადისოდ!
გთხოვ: გაუღიმე ერთი წუთით ჩემს ტანჯულ წამებს,

და გაიშალე ჩემს ფიქრებში სპეტაკ ნარჯიზად.
უცხო ღიმილით მომეველინე, ვით ჯიოჯონდა,
მწარე ლოდინით მოდარაჯე გული დაღონდა!

მე — სარკეში

ვინ არის სარკის უფსკრულიდან რომ მევლინება,
ვისი თვალები ემუქრება ჩემს ფერმკრთალ თვალებს.
ნუთუ მიცქერის საკუთარი ჩემი ჩვენება.
ნუთუ ჩემს გულში მისტიური შიში იალეებს?

მისი ღიმილი ჩემში ბნელად გაიშრიალებს.
უშიშარი დღის დაიკარგა ცხადი ხსენება.
თეთრი ოცნება გადარჩენის თოვლივით დნება,
დამწვარ სხეულის ჩემს გარშემო სუნი ტრიალებს.

ასე სასტიკად რად მიცქერი, მწუხარე ლანდო,
ჩემი წამება უღმობელი შენ ვინ მოგანდო?
ვინ გაგიმთავრა აგზნებული ტანჯული სახე,

სარკის მორევში ათრთოლებით რომ დავინახე?
გადიდდა სარკე — ზეირთეზიან ზღვად გარდაქმნილი
და მის ტალღებში იძირება ჩემი აჩრდილი.

პირველი თოვლი

პირველი თოვლი მე მაგონებს პირველ სიყვარულს
და პირველ ღამეს,
როცა მე ხარბად დავეწაფე მშვენებას ქალურს,
ახალ სიამეს.

ციდან დაჰკიდა რეჟისორმა ფარდა უსწორო,
ფარდა მთოველი
და ამ ქვეყანას დაგვაშორა მხოლოდ ჩვენ ორი.
სდუმდა ყოველი.

განმარტოებით ხმაურობდა სადღაც სარაჯი,
შრიალი ქსელთა.

და იდგა თოვლი — საპატიო თეთრი დარაჯი
ჩვენს სარეცელთან.

მაგრამ შეირხა თოვლიანი ფარდა მრავალი —
ცა იმედების.

მოვიდა ქარი და გაიმართა სხვა კარნავალი
თეთრი გედების.

სარეცელიდან დავინახეთ მთელი თეატრი,
ჩვენთან მოსული.

ყველა გმირები გვილოცავდნენ და ბეატრიჩე
ბროლით მოცული;

იყო ნირვანა და გრიგალის ხმა დაკორძილი
წვით და წვალეებით.

პირველმა თოვლმა გადინადა ჩვენი ქორწილი
მეტ ბრწყინვალეებით.

ო, რა რიგ არის სანეტარო თოვლი პირველი,
პირველი თოვლი!
ნათელ ბავშვობის სიყვარულის გასაკვირველი
პირველი თოვლი!
პირველი თოვლი მე მაგონებს პირველ სიყვარულს
და პირველ ღამეს,
როცა მე ხარბად დავეწაფე მშვიდობას ქალურს,
ახალ სიამეს.

ოფელიას დღესასწაული

ვერიკო ანჯაფარიძეს

მხოლოდ ერთი დღე წელიწადში ვიუქმო მინდა —
ოფელიას დღე — საოცნებო როგორც მირაჟი.
შემოდგომაზე გაფითრდება ჰაერი წმინდა.
მზეთუნახავი გამოჩნდება ცის დაირაში.

წვიმის ასული — სევდიანი და უწყინარი
ავდარის წვეთებს ჩამოჰყვება, ვით ანგელოსი,
ამას შიილებს ალტაცებოთ ლურჯი მდინარე.
დაიცრემლება ჟანგიანი სახე მღელოსი.

ეს დღე იუქმეთ ჩემთან ერთად, — თქვენ პოეტებო!
პრინცის საცოლოს გაგიყებულს ეციოთ თაყვანი.
განმეორებულ იორდანეს ბრბო მოედება:
იქნება ქალი ტალღებიდან ამოსაყვანი.

ნაფტალინის დედოფალი

გარდერობიდან იგი გამოდის.
როგორც მარაოს, აისერის ხელებს.
მას უყვარს უჯრა ჩემი კამოდის
და შიგ დაეძებს ზამთრის ჩურჩხელებს.
ის ჩემს ბინაში დადის უაზროდ,
თავის ყოფნაში მან დამაჯერა.
მაგრამ დამალვა კიდევ მოასწრო,
როს დავაპირე მისი დაქერა.
ჩემი ოთახის მას ბინდი უყვარს.
სხვაგან ჩემსავით არ მოელიან...
უკანასკნელად მე აღარ ვწუხვარ,
რომ ჩემი ბინა ასე ბნელია!
მკვდარ დედოფლების კაბებს ატარებს.
უხდება მთვარის პირსაბურავი.
მაგრამ მადონას ნუ შეადარებს
მას ათრთოლებულ რწმენით ნურავინ.
ის ცბიერია, თუ ჩავიკეტე,
მაინც მეწვევა მაღალ სურნელით.
ის ჩემს ყელსახვევს ხშირად იკეთებს
და არის ქურდი განუკურნელი.
ის მევედრება, როგორც მთხოველი.
„ო, ნაფტალინის მეუფე გახდი,
„და ყალბი თოვლით მოოქროვილი
„გაიზიარე შენ ჩემი ტახტი“.

შემოდგომა

მე მინდა გითხრა, ო, შემოდგომა,
რომ მიყვარს შენი ყვითელი სახე,
რომ ნაზ ფოთლების ცვენა და კრთომა
ყველაზე ადრე მე დავინახე.
შენ ძველი ციხის ჰგავხარ ნანგრევებს,
შენს ხეივნებში ვოცნებობ ხშირად.
მხოლოდ მე მაძლევ იდუმალ რჩევებს,
როცა იფრქვევა ღამე ნაზშირად.
ამეფებ სულში მკრთალ მოგონებას
და სინანულის ცრემლი მატირებს.
მე დაუკარგავს ვგლოვობ ქონებას,
ვექვითინები სევდის შათირებს.
მეც განვიცადე ავი კანკალი
დასნეულებულ დამპალ მთვარიდან.
ჩემთან არ გინდა შენ მაქანკალი —
ფიქრებმა თვალი ვერ აგარიდონ.
გული ფართხალობს, როგორც ფოთოლი,
ზაფხულის დილა არ გათენდება
და ქარვისფერი შენი გოდოლი,
არ ვიცი რატომ, ვისთვის შენდება.
აუცილებელ საშიშ მუქარად
მომელანდება ვიწრო საყელო.
მე შენს ბალებში დავდივარ მარად,
რომ შენი ფარჩა კვლავ ვასახელო.

მე ხმას ვაყოლებ შენს ღამურ კვნესას,
ისე, ვით ძალღი, მოცული ბრაზით.
და მუდამ გეტრფი, როგორც პრინცესას,
მეტი წვალებით, მეტი სინაზით.
შენი წვიმების ტკბილია წვეთი,
უცნაურ თვალებს ქვეყანას ავლებ.
შენ ხარ ყვითელი, ვით საგიჟეთი,
და მთვარეულებს ისევ ამრავლებ.

თეთრი საცოლო

საფირონებს ატარებს
ჩემი თეთრი საცოლო.
ალტაცებით მადარებს
ამაყ კონკვისტადორებს,
ტრფობა რომ დავაცალო.

ნაზი, როგორც მარაო,
ნაზი, როგორც პეპელა,
ხშირად ამბობს — არაო,
ნეტა მანეტარაო
თეთრად და უვნებელად.

ნორჩ ქალბატონს სწყურია
ჩემთან გასეირნება.
ვით მამიას გურია,
იგი უცნაურია —
დავდივართ ჯეირნებად.

ჰყავს კოლიბრი, ფინია,
თუთიყუში ხნიერი:
ფრინველს დაუჟინია,
რომ მე მიყვარს კინია —
ვილაცა მშვენიერი.

სატრფო არ ჩამიკონებს,
მაგრამ ცეცხლი მედება,
ჩემი ლექსის სტრიქონებს,

იგი ახლა იგონებს,
და მეც მეიმედება.

კანკალებენ ჩადრებად
შელამების ფერები;
მისთვის კოცნის კადრება,
და ჩვენც მოგვენატრება
თეთრი ჯვარისწერები.

ალი არსენიფილს

ნუთუ ჭაბუკი ვერასოდეს ველარ ვიქნებით,
ახალგაზრდობა მშვენიერი ნუთუ გათავდა?
იყო მოსკოვი, სტუდენტობა, ლუდი, წიგნები.
ჩვენ, ორ ანგელოზს, პოეზია მხრებზე გვათოვდა.

ქვირფასო ალი! შენ უთუოდ გემახსოვრება,
ზამთრის ქუჩებში ხეტიალი, ვიწრო ბინები.
ვებრძოდით ყინვას, მარტოობას, უცნობ ცხოვრებას,
მაგრამ ვიყავით შთაგონებით ნაგვირგვინები.

რა დამავიწყებს შენს პატარა ოთახს პრესნაზე,
იქ ტკბილი იყო უძილობა და ჩაი პურით,
როცა ჩვენ ერთად ვქანაობდით ლექსების ზღვაზე!

ნუთუ წარსული დავიწყებამ დაჰტარა მურით?
არა, ჩვენ გვანსოვს ყველაფერი! თოვლში კოცნები,
პუშკინის ძეგლი, ნეჟდანოვას ხმა ნაოცნები!



თარგმანები

ა. ს. კუშკინი

ჩააღაგვს

ტრფობა, დიდება, ნორჩი იმედი
ჩვენ გვიტაცებდა, როგორც ზმანება.
და სიკაბუკის ამაყი ბედი
გაჰქრა, ვით დილის ნისლოვანება.
ჯერ კიდევ ფეთქავს გულში სურველი.
საბედისწერო ღამის წყვდიადით,
როგორც სუდარით, ვართ დაბურვილი —
მაგრამ იქნება სხვა განთიადი.
ძველი იმედის ყრუ დაპირებით
შეხვედრის წუთებს ხარბად მოველით.
სანამ წმინდაა სული ცხოველი —
ძვირფას სამშობლოს შევეწირებით.
ო, მეგობარო! იგი იალებს
თავისუფლების მზე უნახველი,
ძველი რუსეთი გაახელს თვალებს —
თვითმპყრობელობის შავ ნანგრევებზე
აღიბეკდება ჩვენი სახელი.

1918.

არმოწი

ბევრი ვიყავით ჩვენ მძიმე ნავზე;
ზოგი სკიმავედა ფრთააშლილ აფრას,
და კიდევ ზოგი, ძალღონით სავსე,
წყალზე უსვამდა ნიჩაბს თანაბრად.
საქესთან იჯდა წამყვანი ჩვენი,
იგი მართავდა ნავს — გონიერი.
მე კი ვუმღერდი მცურავეებს რწმენით.
სწრაფ ამოვარდა ქარი ძლიერი,
ააბობოქრა ტალღა ხმიერი.
მცურავს, მესაქეს ერგო სიკვდილი,
მე — მომღერალი ღონემიხდილი --
ძღვამ გამომავდო ნაპირზე ობლად.
ამავ სიმღერებს კვლავ გავიძახი
და სოველ სამოსს, ანთებულ საბით,
მე ვაწრობ მზეზე ტინის მახლობლად.

1827

პოეტრიტი

მთელი აგზნებით და მღელვარებით
ქარიმხლიანი მდომი ბედისა,
ხანდახან მოსჩანს ის ელვარებით
თქვენ შორის, ქალწო ჩრდილოეთისა!

ის ჩვეულ წესებს არ გაეტოლა.
მეჩანება უცხო მხარეში,
ვით უკანონო კომეტის სარბოლა
მწყობრად განზომილ მნათობთა წრეში.

1828.

მშვენიერ ქალს

ვით ჰარმონია, ის არის ქმნილი,
ამ ქვეყნისა და ვნების გარეშე.
იგი ნებივრობს კდემამოსილი
თავის მშვენების სათუთ არეში.
ის იცქირება მედიდურ სრბოლით;
არ ჰყავს მეტოქე, არა ჰყავს ტოლი.
და ჩვენს კეკლუცთა მკრთალი შეკრება
მის ელვარების სხივებში ქრება.
სადაც არ უნდა მიიჩქაროდე,
თუნდ სიყვარულის ტკბილ პაემანზე,
როგორიც გულში არ უნდა გქონდეს
იღუმალი რამ ოცნება ნაზი,
მაგრამ შეხედები. ვით მზის ნათებას,
იმას, და უცბად შენ შეჩერდები,
რომ თაყვანი სცე ლოცვის ვედრებით
მშვენიერების წმინდა ხატებას.

1832.

სიმღერა გრძნეულ ოლეგზე

ახლა ოლეგი ემზადება ლაშქრობისათვის,
რომ გადუხადოს უგნურ ხაზარებს.
მათი სოფლები და ყანები თავდასხმისათვის
უნდა შესწიროს ხმლებს და ხანძარებს.
მჯდარი ტაიჭზე მობრძანდება თავადი ჯარით,
დამშვენებული ცარეგრადის მძიმე აბჯარით.

დაბურულ ტყიდან გამოვიდა მძლე ჯადოსანი;
მომავალ წლების იცის მხილება.
არის აღვსილი შთაგონებით კლაროსანი
და მხოლოდ პერუნს ემორჩილება.
მან მისნობაში გაატარა თავისი დღენი,
და მის წინაშე შეაჩერა თავადმა ცხენი.

— დიდო მისანო! შენ ღმერთების ქურუმი გქვიან.
სთქვი, რას მიქადის ბედი მფლობელი?
გასახარებლად მტრებისათვის — ადრე თუ გვიან
დამფარავს მიწა დაუნდობელი?
ნუ გეშინია, და მითხარი სიმართლე ნაღდი,
ცხენი საჩუქრად აირჩიე თავისი რახტით.

— ჩვენ ძლევამოსილ მეფეების არ ვართ მონები,
და საჩუქარი მათი არ გვიანდა,
სიტყვას ქეშმარიტს ვლაპარაკობთ ზეშთაგონებით,
და ჩვენთან არის განგება წმინდა.
დაფარულია მომავალი შავბნელი ღრუბლით,
მაგრამ შენს იღბალს მიკარნახებს შენივე შუბლი.

დაიმახსოვრე ჩემი სიტყვა მოუხრიდები:
მუდამ იმარჯვებ, ვით მეომარი,
შენი სახელი შემოსილი არის დიდებით,
ცარგრადის ბქეზე დაჰკიდე ფარი.
ზღვა და ხმელეთი დაიურვე შენ ბრწყინვალეობით,
მტერი გიცქერის სისხლიანი შურის თვალეობით.

თავის ტალღებით არ გლალატობს ზღვა კადნიერი,
როცა იმსხვერვეა ზეცა მეხებად;
მკვეთრი შურდული და ხანჯალი მუდამ ცბიერი
შენ არასოდეს არ შეგეხება.
შენ, ჯავშნიანი, იარებით არ ითანგები,
თითქოს გინახავს უხილავი ძალა განგებით.

ვერ შეაჩერებს შენს გაფრენილ მერანს ვერავინ;
თუ დააკავენს შენი ბრძანება,
ვერ შეაჩერებს მას ისარი მკერდგამსერავი,
და ბრძოლის ველზე მიექანება.
მისთვის ერთია ნიავი და ბრძოლის ხმაური.
მაგრამ დაგლუჰავს სამუდამოდ ეს ბედაური.

ოლეგის სახე დაიჩრდილა თითქოს სიბნელით,
რა გამოიყვანს გულს ამ გლოვიდან?
დადუმებული ის დაეყრდნო უნაგირს ხელით —
ცხენიდან დაბლა ის გადმოვიდა.
უკანასკნელად ეთხოვება თავის ამხანაგს,
მისი მერანი ველარ ნახავს სამხედრო ბანაკს!

— ჩემო ფეხმარლო მეგობარო, მებრძოლო ჩემებრ,
დღეს განშორების დაგვიდგა უამი,
შენს ოქროს უზანგს ვერასოდეს ველარ ვიგემებ,
ო, დაისვენე ახლა სიამით!
აწ კი მშვიდობით და გახსოვდეს პატრონი შენი,
თქვენ, კბატუკებო, წაიყვანეთ ერთგული ცხენი.

იგი ხალიჩით დაამშვენეთ და ბეწვეულით,
ის აბალახეთ მინდვრებში მარად.
დაბანეთ ხშირად, მიაწოდეთ ქერი რჩეული
და წყაროს წყალი ასვით ანკარა.
სწრაფ ჭაბუკებმა წაიყვანეს ცხენი ვერანი,
და სხვა მიჰგვარეს იმ წუთშივე თავადს მერანი.

ნადიმობს რაზმით ფალავანი და მოწინავე,
ხმაურობს ქიქა — ხალისით სავსე.
დილის თოვლივით მათი თმები ახლა ბრწყინავენ
იქ, სახელივან გორაკის თავზე.
ისინი წარსულს იგონებენ დღეს ათროლებით
და ამაყობენ გარდახდილი ბევლი ბრძოლებით.

— სად არის ჩემი ამხანაგი, — ამბობს თავადი, —
სად არის ცხენი — ცეცხლის მფრქვეველი?
ხომ არ დადუმდა ფრთაშესხმული მისი ნავარდი.
დიდ სივრცეებზე დაუტყველი?
ისმის პასუხი: — ერთ მაღლობზე ახლა ის არი,
და მარად ძილით განისვენებს გაუღვიძარი.

უძლეველ ოლეგს სევდიანი შეიპყრობს გრძნობა,
და იგი ფიქრობს მწველ დანანებით:
„გიჟო ბებერო! არ გამართლდა შენი მისნობა,
გამოწვეული ყალბი ზმანებით.
ცხენი აქამდე იქნებოდა ჩემი თანმხლები“.
და თავადს უნდა ინახულოს მეგობრის ძვლები.

აი, ოლეგი გამობრძანდა დიდ სასახლიდან,
მასთან იგორი, სტუმართ კრებული.
იქ, სადაც ბორცი იხედება დნებარში მაღლიდან,
აწყვია ძვლები გაყვითლებული.
მათ წვიმა რეცხავს და ჩურჩულით ეკერის ბალახი,
მათ ფარავს ქვიშა და უცქერის ცის იალაღი.

მეგობრის ნაშთებს აკვირდება თავადი ნელა.
მან ცხენის ქალას დაადგა ფეხი.
„შენი პატრონი ჯერ სიკვდილმა ვერ მოინელა,
მაგრამ ახლოა ჩემი ქელეხი.
თავმოკვეთილი, არ გაჰყვები შენ შენსა მხედარს,
და ცხელი სისხლით არ გააძღებ შენ ჩემსა ცხედარს.

„აი სად არის დამარხული ისარი მკვლელი,
სიკვდილით ძვალი მემუქრებოდა!“
ცხენის თავიდან საზიზღარი საფლავის გველი
ამ დროს სისინით, გრეხით ძვრებოდა.
როგორც არშია მოეხვია ფეხებს მდუმარედ,
და დაიკივლა მოშხამულმა თავადმა მწარედ.

დადიან ირგვლივ სასმისები აქაფებული —
გლოვობენ თავადს ქელეხით, ლხინით.
სხედან გორაკზე იგორი და ოლგა კრებულთ;
ლხინობს ლაშქარი ადრინდელ ჟინით.
ისინი წარსულს იგონებენ დღეს ათრთოლებით,
და ამაყობენ გარდახდილი ძველი ბრძოლებით.

ბრინჯაოს მხედარი

პოემა

შესავალი

წყალთა ნაპირას ქანდაკის მსგავსი
ის * იდგა დიად ფიქრებით სავსე,
და ველს გასცქერდა. წყალთა გროვებით
რბოდა მდინარე; ზვირთების თავზე
მოსჩანდა ნავი განმარტოებით.
და ნაპირებზე ხავსის ნოხებით
აქა-იქ ჩანდნენ შავად ქოხები —
ჩუხონელთ ბუდე ველურ მხარეში.
და ტყე-ჭაობით განაპოხები —
ნისლში დაფარულ სსივთა გარეშე
მეფობდა ირგვლივ.

ფიქრობდა იგი:

„აქედან მედგრად შევუტევთ შვედელს“,
და ჰკანკალებდა მტერი სასტიკი
აქ ამოვიყვანთ ქალაქის კედელს.
თვითონ ბუნებამ აქ აღიარა,
რომ ევროპისკენ გაეჭრათ ფანჯარა;
ზღვის პირს დავეყრდნოთ მაგარი ფეხით,
ახალ ტალღების კვალით უტეხით,
ჩვენ გვესტუმრება ფლაგთა კრებული
და ვიზიემებთ გალადებული.
ას წელმა განვლო, ნორჩი ქალაქი,

* იგულისხმება პეტრე I.

ჩრდილო ქვეყნების უცხო მშვენება,
იქ, სადაც იყო ქაობთ ალაგი,
აზიდულია ამაყ ჩვენებად.
სადაც ფინელი მეთევზე წინათ,
მწირი ბუნების გერი საწყალი,
დაბალ ხავსიან ნაპირთა შინა
ისროდა ბადეს ტალღებში -- მკრთალი,
სადაც სუფევდა უღაბნო მწირი,
სჩანს ნაპირების სივრცეზე ხშირი
სასახლეების, კოშკების რიგი,
მწყობრ გიგანტების რკალი სასტიკი --
მოჭქრის ტალღებზე გემი მრავალი
ყოველი მხრიდან აქ მომავალი,
რომ ნავსადგურთან იგემონ წყალი.
შემოსილია გრანიტით ნევა
და წყლებს ხიდები ყველგან ემჩნევა,
ნევის კუნძული მწვანე ბაღებით
არაიან ყველგან განაჩაღები.
უმცროს სატახტოს წინაშე თავი
მოხუც მოსკოვმა დაჰხარა ზავით.
ვით ნორჩ დედოფლის წინაშე, მკრთალმა
გვირგვინოსანმა ქვრივ დედოფალმა.
პეტრეს ქმნილებაჲ! მე მიყვარს შენი
მედიდურობით სავსე იერი,
ნევა მეფური და მძლავრი დენით,
ნაპირთ გრანიტით პირმშვენიერა.
შენი გალავნის თუჯი ქსოვილი,
შენ მოდუნებულ ღამეთა სვლაში
სინათლე, არა მთვარით თოვილი,
როცა ვკითხულობ მე ჩემს ოთახში
და ვწერ ულამფოდ. როგორც ლანდები,
სჩანან ქუჩების ყრუ გიგანტები,
ირგვლივ სიჩუმე. ნათელი არი
საადმირალო დიდი ისარა.

ცისკარი ცისკარს სცვლის მოკამკამეს,
არ უშვებს წყვილიადს ოქროსფერ ცაზე,
ნახევარ საათს ის უთმობს ღამეს,
რომ კვლავ გამოჩნდეს ღრუბლების გზაზე.
მე მიყვარს შენი მკაცრი ზამთარი.
შენი ყინვები, ჰაერა, ჩრდილი,
ნევის ნაპირას მარხილნი ჩქარი,
და ქალწულთ სახე ვარდისფრად შლილა!
მიყვარს ხმაური ბრწყინავ ბალებით
და უცოლოთა ქეიფი მალი,
როცა დულს ქიქა აშხრიალებით
და იწვის პუნშის ცისფერი ალი.
მარსის მინდვრებზე ჰნიბლავს ოცნებას
სამხედრო ძალთა მსვლელობა მარადი,
ქვეითა ჯარის და ცხენოსნების
ერთფეროვანი შნო და ნაფარდი;
მწყობრად დარხეულ ლაშქართ წყებაში,
ნაპრაძოლ, დაფლეთილ დროშით ფრიალი,
სპილენძიანი ქუდთა კრიალი,
რომ დაცხრილულან ომების წვაში!
მიყვარს, სატახტო ქალაქო, შენი
ცხე-სიმაგრის გრგვინვა და ალი.
როს მედიის ოჯახს აღსაქსეს ლხენით
შესძენა საჩუქრად ვაჟს დედოფალი.
ან თავის მტრების დაძლევის გამო
რუსეთს ზეჟი აქვს გამარჯვებულს,
ან სტეხავს ნევა ყინულთა კრებულს,
და მიაქვს იგი ზღვისკენ აგზნებულს
მით, რომ მაისი მოდის სააჟო.

პეტრეს ქალაქო! რყავ დიდებით,
როგორც რუსეთი მძლავრი, რჩეული
და შენთან ერთად აწ დაშვადებით
დაცხრეს სტიქია უკვე ძლეული.

დე, დაივიწყონ მტრობა, გოდება
ფინურ ტალღებმა; გათავდეს დავა!
ამაო არის ურჩობა კვალად,
და პეტრეს ძილის აწ შეშფოთება!
ღრო იყო ავი და საგანგებო,
ბევრში მეტყველებს იმ დღეთა გრძნობა..
მინდა გიამბოთ, ამხანაგებო,
თქვენ სევდიანი ჩემი მოთხრობა.

ნაწილი პირველი

ნოემბრის სუსხით ზეცა ზრიალებს,
პირქუშ პეტროგრადს თავს დასტრიალებს.
ნევა, როგორც რომ კაცი სნეული,
თავის საწოლში, ბორგავს, მძვინვარებს,
და მისი ტალღა ბრაზმორეული
ისევ ასკდება გალაენის კარებს.
გვიანლა იყო. ღამე დგებოდა,
წვიმა ფანჯარას ეხეთქებოდა.
ღმუოდა ქარი სიბრაზით, წყენით.
ამ ღროს დაბრუნდა სახლში ევგენი.
მაშ, ჩვენ დავარქვათ გმირს ეს სახელი,
კარგია მისი გამოძახილი,
მას შეეჩვია ჩემი კალამი
და ეგებება ძველი სალამით.
ჩვენ არ გვჭირდება იმისი გვარი,
თუმც წარსულ ღროთა წარსულ არეში
ის იყო მძღავრი და მოთარეშე,
მტერს არაერთხელ დასცა თავზარი.
ის კარამზინის იცნო თხზულებამ,
ვით ჩვენი ქვეყნის დიდი თქმულება,
დღეს კი ეს გვარი, წინათ ქებული.
არის ყველასგან დავიწყებული.
აქვს კოლომნაში ევგენის ბანა.

ის სამსახურში ეწევა შრომას,
გაურბის იმას, რაც იყო წინათ,
არ გლოვობს მკედარსა ნათესაობას
და არც გარდასულ დროთა ყიეინას.
როცა ევგენი სახლში დაბრუნდა,
სწრაფად გაიძრო თავის მაზარა,
მას დაძინება ძლიერად უნდა,
მაგრამ სიმშვიდე რამ შეახარა?
რაზე ფიქრობდა იგი დავრდომით?
რომ ის ღარიბი იყო და შრომით
უნდა იპოვოს თავის ადგილი,
პატივისცემა, სახელი ტკბილი,
რომ ღმერთს შეეძლო მისთვის მიეცა
მეტი ფული და ჰკუა, რომ ზეცა
ზოგ ბედნიერებს სწყალობს ყოველთვის.
რომ მას სიამე სოფლისა ელტვის,
რომ მისი ყოფნა მეტად ძნელია,
რომ ის მსახურობს ორი წელია;
კიდევ ფიქრობდა, რომ ეს ავდარი
აღარ ცხრებოდა. მდინარე ჩქარი
სულ მატულობდა. ალბათ ხიდები
მოხსნეს — ნევაზე დანაკიდები,
რომ ქარიშხალი კვლავ ივალელებს,
რომ ის პარაშას ვერ ნახავს მალე.
ის დატრიალდა ფიქრთა ჯარაში,
და ოცნებობდა იგი მწუხარედ:
„არ ქროდეს ქარი ესოდენ მწარედ,
წვიმა არ სცემდეს ბნელ ფანჯარაში“.
ბოლოს თვალები
იმან დახუჭა განაწვალები.
ავდრიან ღამის წყველიადი ჰქრება,
დღე გაფითრებულ ნისლად იშლება.
საშინელი დღე!
ნევა იმ ღამით

გარბოდა ზღვისკენ, მაგრამ გრიგალი
 მას არ უშვებდა შეურიგალი,
 და მოიქანცა ნევა თამამი.
 მის საპირებზე მეორე დილით
 გამოჩნდა ხალხი სწრაფ თავმოყრილი.
 წყლებს გახელებულს უცქერდა ყველა.
 სცვლის ტალღას ტალღა ვეებერთელა.
 მაგრამ უბედან ქარის სვეტებით
 გადაღობილი ნევა სიმაღლით
 უკან იხევდა დანაფეთები,
 და ის კუნძულებს ფარავდა წყალით,
 მთლად გატიალდა ამინდი ავი
 და გაიბერა ნევა პირშავი.
 სდულდა, ვით ქვაბში, წყალი ღმერთით,
 გავერანებით, მეტი შხუილით.
 უცბად გაცოფდა, გადიქცა მხეცად,
 მოულოდნელად თვით ქალაქს ეცა.
 მის წინ გაიქცა ყველა მცხოვრები.
 ტალღებს ვერავინ ველარ აჩერებს,
 ეწვიენ სარდაფთ შეუპოვრები,
 მოაწყდნენ არხნი თვის მოაჯირებს.
 წელამდე ფარავს პეტროპოლს * წყალი.
 ვითა ტრიტონი, სცურავს ახალი
 ტალღების ალყა! სიბრაზით სტიან,
 და ქურღებივით ჩუმად ძვრებთან
 ფანჯრებში. საჭით ამტვრევენ მიწებს
 ნავები. რისხვა ეწვია ბინებს.
 ყოველივეა ტალღათ ზვარაკი;
 სახურავს, კედლებს იტაცებს ზვირთი;
 სცურავს დაშლილი ქოხების ტვირთი,
 და საქონელი — ვაჭართ მარაგი.
 ღარიბთა მცირე ავლა-დიდება,

* პეტროპოლი — პეტერბურგი.

მოტაცებული წყალზე ხიდები;
წალეკილ საფლავთ სჩანს კუბოები
ყველგან ქუჩებში. ხედვენ ბრბოები
ღვთის რისხვას. ხალხი შიშისგან გმინავს.
ვაი! იღუპვის საზრდო და ბ.ნა!
სადღა ვიშოვოთ?

პართავდა მაშინ

რუსეთს ხელმწიფე განსვენებული *,
ის აივანზე გაჩნდა ვნებული.
სთქვა: — ამ ღვთიური რისხვის წინაშე
მეფენი გრძნობენ თვის უძლურებას!
სევლით უცქერის უბედურებას.
და ჰოედნები იდგნენ ვით ტბები,
და შედიოდნენ მათში ქუჩები
მღინარებად. სასახლე გვანდა
სევდიან კუნძულს და ობლად ჩანდა.
მეფემ სთქვა სიტყვა და გეიერლები
ეწვიენ ქუჩებს საშიში გზებით,
ტალღებს ავარდნილს უღრმეს ფსკერიდან
ისინი წუთით არ მოერიდნენ,
შველიან ხალხსა, რომ გმინავს მწარედ,
და იღუპება სახლში და გარეთ:
პეტრეს მოედანს ამკობს ახალი
სახლი რჩეული და ტანმაღალი.
მის აივანზე მუდმივ დარაჯად
აწეულ თათით დგას ორი ლომი,
თათქოს ცოცხალი და დაუდგრომი.
მარმარის მხეცზე სოველ ფარაჯით,
უქუდოდ, გულზე ხელებდაკრეფით
იჯდა ევგენი ნაცემი შხეფით...

* იგულისხმება ალექსანდრე I.

ის არ ნანობდა თავის თავს მკრთალი,
მას არ ესმოდა, თუ რარიგ წყალი
ბრაზობს და იმის ლანჩას ეხება.
როგორ გრგვინავენ ქარნი მეხებად,
როგორ მოაძრო გრიგალმა ქული,
ანსოვდა სხვა დრო და სულ სხვა წუთი.
სასოწარკვეთით აღსავსე ცქერა
მხოლოდ ერთ მხარეს მან მიაშტერა,
და ამბოხებულ სიღრმის ზვირთები
კვლავ მოგორავდნენ, ვითარცა მთები.
ქარი ღმუოდა. ტალღების ზევით
სახლის ნაფლეთი ჩანდა გარკვევით.
ო, ღმერთო, ღმერთო! წყალთა მეზობლად,
თითქმის უბესთან მდებარებს ობლად
პატარა სახლი, ტირიფი, ყორე,
იქ მშვიდად ცხოვრობს არსება ორი:
ქვრივი ასულით. ოცნება შორი —
მისი პარაშა. სიზმრად თუ ხედავს
ყველაფერს ამას? თუ არის ნეტავ
ჩვენი ცხოვრება ყალბი ზმანება,
ბედის დაცივნა, ძირს დაქანება?
თითქოს მარმარმა მოჯადოებით
ის დაატყვევა თავისი ცქერით,
ვერ ჩამოსულა! წყლის ურდოები
ირგვლივ და მეტი სხვა არაფერი!
იმისკენ ზურგით შემოქცეული,
ხელშეუხებელ მაღალ მწვერვალზე,
სადაც ბობოქრობს ტალღა წყეული,
ამბოხებული მდინარის წყალზე
მოსჩანს მხედარი ბრინჯაოს რაშით,
ხელით — აწვდილით მაღლა ზეცაში.

ნევამ იჯერა გული დარბევით,
 და მოქანცულმა მეტ თავხედობით
 იბრუნა პირი დანახარბევით,
 რომ დატკბეს თავის ველურ ქმედობით...
 თავის ნადავლი ზიზღით დასტოვა.
 ასე ყაჩაღი, რომელსაც ხროვა
 ახლავს ავაზაკთ — დაესხმის სოფელს,
 ყველაფერს მისცემს მახვილს უღმობელს...
 ძარცვა, მკვლელობა და კბილთა ღრქვენა...
 კენესამ, განგაშმა წაიღო სმენა!
 შემდეგ ნაძარცვით დატვირთულები,
 დევნისა შიშით დაქანცულები,
 ავაზაკები შინ იჩქარიან,
 გზაში კარგავენ ნადავლს შარიანს.
 წყალმა დაიკლო და ქვაფენილი
 ბრწყინავს, უეცრად გამოჩენილი
 ეტრფის მდინარეს ჩვენი ეღგენი,
 მოცული შიშის ფარული სენით,
 მხოლოდ მწუხარე ხმებისა მსმენი.
 კიდევ ბრაზობენ ავი ზვართები,
 ზეიმის გრძნობით დანატვირთები,
 თითქოს მათ კიდევ ხანძარი სწვავდა,
 და ქათიანი ქურქი ფარავდა.
 მძიმედ სუნთქავდა ნევა რხეული —
 ცხენი ბრძოლიდან გამოქცეული.
 ეგვენიმ წყალთან მისვლა გაბედა,
 და ნავს წააწყდა ის უცაბედად.
 იგი მენავეს ახლა ეძახის,
 რომელიც თავის უდარდელ სახით
 ართმევს უზალთუნს მას გასამრჯელოს,

სჯერა: გაიტანს ტალღების ლელოს.
დიღხანს ებრძოდა მენიჩზე მარდი
ტალღებს — ამღვრეულს და გაბრაზებულს..
ნავი მისდევდა ზვირთების კრებულს,
თავის მგზავრებით მათი ნაეარდის
ყოველ წუთს მსხვერპლი რომ გამხდარიყო,
მაგრამ მდინარემ ნავი გარიყა.
აი ნაპირი!

საბრალო გარბის

ნაცნობი ქუჩით, უცქერის ხარბი,
ადგილებს ჩვეულს და თან გარეულს,
სურათს საშინელს და სიზმარეულს!
და მის წინ ჰყრია უწესო გროვად.
რაც-კი მდინარის რისხვამ დასტოვა.
დაშლულ ფიცრების გამოჩნდა მტვერი,
დანგრეულია სახლები ბევრი;
ზოგიერთები უკუღმა დგანან.
ვით ბრძოლის ველზე, ყოველგან სჩანან
დამსრჩვალთ გვამები. მაშინ ევგენი
სასოწარკვეთილ და გიჟურ რბენით
იქ მიჰქრის, სადაც ბედი მარადი
ელის დაბეჭდილ უცხო ბარათით.
და იგი გარბის საოცარ გრძნობით.
უბე... სად არის სახლი ნაცნობი?
ზარდაცემული იგი სდგას სვეტად:
უკან დაბრუნდა ის უცაბედად.
ნაცნობ სახლისკენ ისევ იჩქარის.
აი ტირიფი... კვალი კიშქარის
არ სჩანს და სახლი აღარსად არის.
ის შებოქილი დარდით, მწუხარე.
ეკამათება თავის თავს ცხარედ.
უცბად დაირტყა მან შუბლზე ხელი
და ახარხარდა. ღამისა ქსელი

მთრთოლვარე ქალაქს შოედვა ბნელი.
 მაგრამ მცხოვრებლებს დიდხანს არ სძინავთ.
 ურთიერთ შორის აქეთ საუბარი
 გარდასულ დღეზე: დალა კი ბრწყინავს
 სატანტოს თავზე. — წითელ საფარით
 ფარავს წარსული დღის ბოროტებას:
 და დარბეულთა კენესა-გოდებას.
 კვლავ ყოველივემ სახე ჩვეული
 ისევ მიიღო და დარბეული
 გამოდიოდა ქუჩაში ხალხი.
 მის უგრძნობ სახეს არ აჩნდა თალხი.
 კვლავ სამსახურში მოხელე მიდის,
 აღებს ვაჭარი, არ მცოდნე რიდის,
 მღინარისაგან სარდაფს გაძარცულს
 და იმედი აქვს, რომ ზარალს წარსულს
 იგი აიღებს მალე სხვებიდან.
 ხავებს ზიდავენ ეზოებიდან.
 გრაფი ხვოსტოვი * კვლავ ლექსებს წერდა
 და მირონცხებულ მგოსნის გზნებითა
 უბედურებას იგი უმღერდა.
 მაგრამ საბრალო ჩემი ევგენი...
 იგი მოიცვა სრულ დაღოხებამ.
 ველარ გაუძლო მისმა გონებამ
 საშინელ განცდებს! ტყვექმნილი სმენით
 ნევის და ქარის ხმაურს უსმენდა.
 უცხო ფიქრებით აღვსილი, კენტად.
 ის დადიოდა. რაღაც სიზმარი
 მას აწვალეზდა წუთი ცისმარი.
 და შეპყრობილი საოცარ სენით.
 არ ბრუნდებოდა სახლში ევგენი.
 როცა გავიდა საკმაო ხანი,
 მიაქირავა თავის საკანო

* გრაფი ხვოსტოვი — პუშკინის თანამედროვე, უნიჭო პოეტი

აახლის პატრონმა იელმოკლე პოეტს.
 ევგენი გაჰყვა აშლილ გონებას...
 არ შიაკითხა თავის ქონებას.
 ემალეობდა ბრბოს მიეთ-მოეთს.
 დიდი ხანია მან დაგმო ბინა,
 და ხავსადგურში ხშირად ეძინა.
 ის სამოწყალოდ გამოწვდილ ლუკმით
 ცხოვრობდა, მუდამ მოხეტე, უქმი.
 ბავშვნი ესროდნენ ქვებს იმას — ეულს,
 ქუდამ უცნაურს და ჩამოსეულს.
 გზას არასოდეს ის არ ამჩხევდა,
 და სცემდნენ მათრახს მეეტლეები.
 ჰქროდნენ უმიზნოდ პისი ღლეები
 და სწვავდა რაღაც უთქმელი სევდა.
 ფარულ განგაშით გაყრუებული
 ის ეწეოდა ყოფას შხამიანს,
 და უსახური, მკრთალი ვნებული.
 არც ნადირს ჰგავდა,
 არც ადამიანს.

არც ის და არც ეს, ვით ცოცხალ-მკვდარი.
 მას ნავსადგურში ერთხელ ეძინა.
 და შემოდგომის იყო ავდარი.
 ქარმა გასტეხა მდინარის ნიწა.
 ტალღა სწვდებოდა ნაპირს ჩივილით.
 საფეხურებთან ის მუდარებდა,
 ვით მომჩივანი, გულის ტყივილით
 ყრუ მსაჯულების სასტიკ კარებთან.
 გამოელვია საბრალოს. ქარი
 გმინავდა ისე, როგორც აფთარი.
 ზეცას მღულარე ცრემლი სდიოდა.
 და შორს გუშაგის ხმა გაჰკიოდა.
 უცბად წამოხტა ევგენი, იმას
 მთელი წარსული საშინელება,

რაზედაც ფიქრი მას ეძინებდა, .
 კვლავ წარმოუდგა. უსმენდა წვიმას.
 ირგვლივ დაიწყო მან ხეტიალი,
 სწრაფ შეაჩერა ნაბიჯთ ტრიალი. .
 თვალი მოავლო მან შიშით არეს.
 სახლის სვეტებ ქვეშ ახლა ის არის;
 იქ მოდარაჯე იდგნენ ლომები,
 აწვდილი თათით, დაუდგრომები.
 და მის პირდაპირ საშინელ ლანდად,
 ირგვლივ შეზღუდულ და მაღალ კლდეზე.
 აპყრობილ ხელით მხედარი სჩანდა.
 ამაყად მჯდარი ბრინჯაოს ცხენზე.
 ევგენი შეკრთა. მას მოაგონდა
 კვლავ ყველაფერი: ტალღათ კრებულო. .
 წარღვნის ფართობი გაათრებული.
 სადაც სტრეჩიას ზეიმი ჰქონდა.
 იცნო ლომები, ნისლით ბურვილი.
 და ის მხედარი ბრინჯაოს თვალით,
 რომლას უღმობელ ამაყ სურვილით
 ზღვასთან ქალაქი დაარსდა ავი.
 საშინელია ის ამ წყევლიდში!
 შეზღუდე ბეჭედი იღუპალ ფიქრის!
 ნეტა რა ძალა იმალვის მასში,
 როგორი ცეცხლათ იწვას ეს რაში?
 ამაყო რაშო! შენ საით მიჰქრი,
 და სად დაუშვებ თეხებს. გაე სვლაში:
 სასტიკი ბედის მძლავრო მფლობელო!
 განა შენ ასე უფსკრულის თავზე
 რკინის აღვირით, ო, უღმობელო,
 არ დააყენე რუსეთი ყალყზე?
 და კვარცხლბეკს გულას აფრთხილებიო
 უელის შესლილო. მთლად მოცახცახე.
 ის მიაჩერდა გიჟურ თვალებით
 ძღვევამოსილი მპყრობელის სახეს.

ისევ შეშფოთდა, თავისი შუბლით
ცივ მოაჯირის მიეკრა ფოლადს.
თვალნი აევსო უეცარ ღრუბლით.
და რაღაც ცეცხლმა ის აათრთოლ.
მოაწვა სისხლი. ის დაღვა მკვახედ
ამაყ კერპის წინ, ბრაზმორეული,
და კბილთა ღრქენით, ცოფიან სახით
სთქვა შეპყრობილმა ძალით გრძნეულით.
„მაშ კარგი, ვნახოთ, აღმშენებელი!...“
უცბად გაიქცა განაქანები.
ძას მოეჩვენა რაღაც ზნანებით,
რომ მეფის სახე შიშაღმგზნებელი,
ძისკენ მოიქცა სწრაფ მრისხანებით.
რბის ყრუ მოედნით, საბრალო გიჟი.
უკან ხმაური მას ესმის შიშით:
თითქოს დამტვრეულ გრგვინვის გრიალ...
ცხენის თქარუნი — შორით შთენილ...
და უპასუხებს მძიმე ზრიალით
ამბოხებული მას ქვაფენილი.
განათებული ფერმკრთალი მთვარიით.
ხელით — აწვდილით მალლა ზეცაში
იმას ბრინჯაოს მოსდევს მხედარი
გამოქენებულ და მგრგვინავ რაშირ
და მთელი ღამე საბრალო გიჟი
სად არ წავიდა, ესმოდა შიშით,
რომ მას მოსდევდა მძიმე ქენებით
იგი მხედარი მონაჩვენები.
და ამის შემდეგ, როს უხდებოდა
იმ მოედანზე გავლა ევგენის.
იმის სახეზე შიში ჩნდებოდა,
ხელს მიიკრავდა ის გულზე ტყენით;
თითქოს აცხრობდა მის ცემას მარადს.
ქუდს გახუნებულს იხდიდა წყნარად,
და მიდიოდა განზე ძუნძულით.

არის პატარა ზღვაზე კუნძული:
ზანღახან მივა იქ ალმაცერად
ქეთევზე თავის ღარიბ ფაცერით,
და თვით იკეთებს ის ვახშამს მცირეს:
ანდა მოხელე აქ მოდის კვირას
წავით. ჩუმია მკვდარი სავანე.
მასზე არ ხარობს ბალახი მწვანე.
აქ წყალდიდობამ უბოროტესმა
შოაგდო ძველი სახლი ოდესმე.
და იგი ჩანდა, ვით ბუჩქი შავი,
და ის გასულ წელს გაზიდეს წავით;
ის იყო თითქმის მთლად დანგრეული.
რმის კარებთან ევგენი ნახეს.
და მისი გვამი ცივი, ეული,
ღვთის გულისათვის იქვე დამარხეს

: 835

მ. ი. ლერმონტოვი

მოგაკვდავი გლადიატორი

I ese before me the gladiator lie.
Byron *

ზეიძობს რომი გულსასტიკი, ტაშის ხმით გრგვინავს
ასპარეზის წრე, კვლავ სამსხვერპლად გადაქცეული.
ის კი მახვილით განგმირული, ის მტვერში გმინავს
და სისხლით არის შეღებილი მისი სხეული...
ამოდ ითხოვს შეცოდებას მღვრიე თვალებითა:
ამპარტავანი მედროვე და ცრუ სენატორი,
ჟცქერენ იმას უდარდელნი, შეუბრალები...
ჩა არის ბრბოსთვის წაქცეული გლადიატორი?
ახლოდ მასხარა, სულს რომ ღაფავს მეტი წვალებით.

გო იცლება სისხლისაგან და მის წინაშე
რადაც სინათლემ გაიელვა, როგორც მინაქო.
იმას დუნაი მოდუდუნე უმღერის ნანას,
ის ხედავს მამულს, აყვავებულს თავის ქვეყანას
და თავის ოჯახს, ლაშქრობისთვის მან რომ დასტოვა.
წარმოუდგება თავის მამის სიბერე მძიმე,
ხედავს იშობელის გამოშვერილ ხელებში გლოვას;
ააკუთარ ბავშვებს ის შენატრის, ვით ძვირფას იველს

სჯერათ მის შვილებს, რომ ნადავლით ის უკან შოვა.
მაგრამ ამოდ! ის წაიქცა, როგორც ნადირი.
საბრალო მონა, არ იქნება ის დანატირი...

* მე ვხედავ ჩემ წინ დაცემულ გლადიატორს... ბაირონი.

გემშვიდობები შენ, ძაბულო, შენ, ბილწო როძო!
ნუთუ შენც ასე, ევროპისა ძველო ქვეყანავ,
ვისაც მოძღვართა გეკუთვნოდა რწმენა და ნდობა.
შენც სამარცხვინო სამარისკენ ეშვები განა?
ვნებათა ცეცხლით და ექვეებით გაწამებული,
ბავშვთა ტიკინა, იმედს, რწმენას ხარ მოკლებული.
და შენ დაგცინის მოზვიმე ბრბოთა კრებული!

ივით სიკვდილის წინ ძაბუყარი შენ თვალთა ცქერა
ლრმა მწუხარებით, ლრმა დანანებით
ნორჩ სიკბაბუკეს, რომ გიზიდავს, ვით ძალთა ბგერა;
დიდი ხანია დაივიწყე შენ ყრმობის კერა,
რომ ფუფუნებას მისცემოდი ყალბი ზმანებით.
უკანასკნელი წამებანი ჩაიხშო გინდა:
შენ გაჯადოებს შორს წარსულის სიმღერა წმინდა,
ჩაინდულ დროთა მოგონება გხიბლავს მღელვარე
და მიუწვდომელ ოცნებათა მზე მოელვარე!

სამშობლო

მიყვარს სამშობლო, მაგრამ მიყვარს სხვა სიყვარულით,
იმას ვერ დასძლევს ჩემი გონება.

არც ეს დიდება, ხალხთა სისხლით პირდაფარული.

არც მყუდროება, სივრცეებს რომ ებატონება,

არც წარსულიდან დარჩენილი თქმულება ძველი

არ არის ჩემთვის სიხარულის, შვების მომგვრელი.

მაგრამ მე მიყვარს -- და რისთვის კი, თვითონ არ ვიცი.

მისი ველების მღუმარება, სიცივით სავსე,

მის თვალუწვდენელ ღრმა ტყეების შრიალი მტკიცე

და მდინარეთა ადიდება ზღვებისა მსგავსი...

მიყვარს, როდესაც ჩემი ეტლი სოფლის გზით მიჰქრის.

მიარღვევს წყვილადს, გაურკვეველს და სულთამხუთავს

ღამის გასათევ ადგილს ვეტრფი დაღლილი ფიქრით,

არგვლივ მოწყენილ, ყრუ სოფლების სინათლე ბეჭუტავ

მე მიყვარს კვამლი დამწვარ ნამკალის.

ველზე მოხეტე ურემი მძიმე,

ჯეჯილში, სადაც არ ჩასს ნამგალი,

ორი არყის ხე დგას მოციპციმე,

ბევრისთვის უცნობ სიამის გრძნობით

ეუცქერი პურით დატვირთულ კალოს,

ვხედავ ქოხების ფანჯარას ტრფობით.

სახურავების დასეტყვილ ჩალას.

ქოდის საღამო, ვარსკვლავთ მომფენი...

მზად ვარ ეუცქირო მე საათობით,

კეკვას, აღნიშნულს ბაკუნით, სტვენით.

და მთვრალ გლეხების მასლაათობით.

რად არ გავჩნდი ქვიყანაზე
ქოელვარე და ლურჯ ტალღად;
მთვარის შუქზე, ქარის ხმაზე
ვიქროლებდი ცის ქვეშ ლაღად.
ჩაკოცნიდი მეტი ტრფობით
ოქროს ქვიშას, დაუწურავს,
შევხედავდი ზიზღის გრძნობით
ნავს, სიფრთხილით ზღვაში მცურავს
რაც ავკაცმა შექმნა დღემდე,
დავარბევდი, დავლწავდი,
და ტანჯულებს ამის შემდეგ
ჩემს გრილ გულზე მივიკრავდი.
თვით ჯოჯოხეთს მშობელ ზღვაში
მე არ შევეუშინდებოდი,
სიგრილეში და ლტოლვაში
მე მარადის ვიქნებოდი.
არ მსურს ნისლთა შორი თაღი ---
ჩრდილოეთის ცივ მხარეში;
მე ვიქნები მუდამ ლალი,
ზღვის სიღრმეში მოთარეშე.

6. ნეპრასოვი

ს ა მ უ ო ზ ლ ო

ძველა, ნაცნობი ადგილები ისევ მხვდებიან;
შორი ბავშვობის სურათები წინ მეწლებიან.
აქ ეწეოდნენ წინაპრები გარყვნილ ცხოვრებას.
ძალმომრეობას, აღვირახსნილ ლოთობას, ვნებას.
გლახებს, ქცეულებს ჩლუნგ მონებად და მათხოვრებად.
ენატრებოდან მებატონის ძალის ცხოვრებ:
აქ დავინახე მე პირველად ქვეყანა ტკბილი.
აქვე ვასწავლე სიყვარული და სიძულვილი.
აქ სინიღისი დამიმალავს მე სამარცხვინოდ.
და მემამულე უღარდელი ვყოფილვარ წინათ.
ჩემი ოცნება წაიბილწა აქ ნააღრევად,
ქვემძრომ ვნებების თავიდანვე გახდა სათრევად.
არა ბავშვური სურვილების მე ცეცხლი მწვავდა,
ტრფობის განთიადს ეს ხანძარი ნაკლებად ჰგავდა.
ო, მოგონება სიქაბუჯის არის ცნობილი,
როგორც შევნება სპეტაკი და კეთილშობილი.
ჩემი ხსოვნა კი აღსავსეა კმუნვით, გოდებით,
ვწყევლი საზიზღარ კაბუჯობას გაბოროტებით.
ჩემს წინ ბალია, ხეივანში გამოჩნდა სახე,
იგი მკრთალია, სევდიანი და მოცახცახე.
მე კარგად ვიცი, რად ქვითანებ შენ, ჩემო დედავ;
შენი ჯალათის დამლუპველის დაგმობას ვხედავ.
უბულო ჯალათს ჩააბარე შენი ილბალი,
და მორჩილების ვერ გაწყვიტე ჩვეული რკალი.
შენ ამბობხედა უძნელესი ტვირთი გეგონა,
ბედს უსასტიკეს შეურიგდი შენ, როგორც მოხ.

მაგრამ არ იყო შეხი სული, უვნებო ლეში,
ეს იყო მტკიცე, მშვენიერი სიამაყეში.
თუ აპატიე სიკვდალის წინ ჯალათს ჩურჩულით?
მაგრამ არ იყო პატარების ღირსი ურჯულო.
და შენ, რომელმაც ბედშავ დედის გაიზიარე
ცრემლები, ტანჯვა და ყოველი მისი იარა.
შენ აღარა ხარ, — ჩემი სულის ძვირფასო დაო,
შენ მიატოვე გარყვნილების სახლი, ბედშავო,
რადგან სირცხვილით მამის სახლში მუდამ იწვოდო.
გაჭყევი ცოლად კაცს: რომელსაც არც კი იცნობდი.
საკუთარ დედის გაიარე გზა ეკლიანი.
ყავ კუბოში დაღვრეპილი და ნისლიანი.
ისეთი იყო მკვდარ სახეზე შენი ღიმილი,
რომ თვით ჯალათმა იგრძნო სევდა და სიმძიმელი.
დაკეტილია ნაცრისფერი და ძველი სახლი,
არ ჩანს ჯამბაზი, მსახურები, ქალები. ძადლი.
წინათ რა იყო? ყველას შიში ველური სდევდა
დიდს და პატარას აწუხებდა რაღაცა სევდა.
ვიძალებოდი გადიასთან. ჩემო გადია,
ჩემს გულის ხსოვნას შენისთანა ვინ აბადია?
მე სშირად მისი მაგონდება ნაზი ალერსი,
მაგრამ ბევრი რამ მაგონდება მე უარესი.
გული მევსება ბოლმით, სისხლით, ცეცხლის ალებით.
ჩემი ბავშვობა იყო სავსე მხოლოდ წვალებით.
მე არ მქონია მოგონება ნათელი, კარგი,
მაგრამ ბავშვობის საშინელი, წყეული ბარგი
სულს ამძიმებდა და აქამდე მომყვა ხუნდები.
წარსულო ჩემო, ნურასოდეს ნუ დაბრუნდები!
ირგვლივ მე ზიზღით ვიციქირები და მიხარია,
რომ ძირში მოსქრეს ტყე მაღალი, დიდი ხანია,
ფოთლების ჩრდილში ვერ ისვენება ახლა ქვეყანა,
ჯოგი ამაოდ ხეტილობს, მკვდარია ყანა.
წყარო ამოშრა, სილაყვარდე მხოლოდ ცაზეა,

ახლი პირქუში, ცარიელი წაქცევაზეა.
აქ გაისმოდა ტანჯულების კვნესა-ვაება,
მსხვერპლთა კვილი ორგიების ხმას გადაება,
და მხოლოდ ერთი, მხოლოდ ერთი სიამეს გრძნობდა,
ჩაგრავდა ყველას. ბატონობდა და ზეიმობდა.

1846.

უცნობ მეგობარს

„ჩემი ღმერთი გამომიგზავნა“ ლექსი.

(ა. რ. დ. ა. რ. ა.)

ძალე მოვკვდები. მცირე ქონებას
მე გიანდერძებ, ჩემო მამულო!
ტკბილი ბავშვობა არ ახარებს ჩემს მოგონებას,
ახალგაზრდობა ბრძოლით მქონდა მე მოწამლული.
შეხედება გრიგალს სიხარულით ჩვენი ბუნება.
თუ ეს გრიგალი წუთიერია.
მაგრამ გვეტყობა ჩვენ მოდუნება,
თუ ქარიშხალი ხანგრძლივია და ძლიერია.
დამასვეს წლებმა საშინელი თავისი დადი,
არ მაგონდება წარსულიდან დღე სხივოსანი.
მე ვერ ვიგემე შთაგონება, უსაზღვრო, ლაღი.
ჩემო სამშობლოვ! მწუხარეა შენი მგოსანი!
ითქოს მესმოდა უფსკრულიდან ხმაური ტალღის.
ცხოვრების გზაზე დაბრკოლება მე ვნახე ბლომად.
მაგრამ, რადგანაც ჩემს ძარღვებში სდღულს სისხლი ხალხის.
ჩემო სამშობლოვ. მიითვალე ეს მცირე შრომა!

არ მივაჭრია ჩემი ჩანგი, მაგრამ ოდესმე,
როცა შემაკრთო ბედმა ავმა, უბოროტესმა.
მე ავაქლერე ჩემი ჩანგი ყალბი ჰანგებით.
მიტომ არის — სინანულით რომ ვითანგებო.
ახლა მარტო ვარ, ამაოა ზედმეტი გლოვა,
სადლა არიან ჩემი ძველი თანამგზავრები?
ზოგი დამშორდა თავიდანვე და მიმატოვა,
ზოგსაც მე თვითონ მივუხურე ცივად კარები.

ზოგიერთ ძათგანს უღმობელი ეწვია ბედი.
ზოგმა დასტოვა საჩუღამოდ ცრემლებს არე.
რადგანაც დავრჩი მარტოდმარტო, მოკლულ იმედით,
რადგან ბრძოლაში არვინ იყო ჩემი დამხმარე.
რადგან დღითი დღე მაკლდებოდა მე ამხანაგი,
და ჩემი მტრების იზრდებოდა დიდი ბანაკი,
რადგან ჩემს გულში ხალხის სისხლის სდულს ერთ- წვეთი,
ჩემო სამშობლოვ, შეიწყნარე შენ ჩემი ბედი!

იყო თავიდან მოწოდება ჩემი დიადი —
მედიდებია, ხალხო, შენი ტანჯვა-ვაება.
რომ ოღნავ მაინც გამეფანტა ბნელი წყვიდიადი,
რომლით შენი გზა შემორკალა ძალთა ღვთაებამ.
მაგრამ მიყვარდა ეს ცხოვრება ნუღამ ცბიერი,
იმის სიამეს შეჩვეული და ნებიერი;
მე მივდიოდი მიზნისაკენ არა გმირულად,
მიზანს საცოცხლეს არ ვწირავდი თავგანწირულად.
ჩემი სიმღერა წრფელ გულიდან გადმიოდვარული,
ხალხამდე მაინც ვერ მივიდა. — ვერ გავიხარე.
მხოლოდ აკენესდა სიმღერაში ღრმა სიყვარული
შენდამი. ჩემო სამშობლო მხარევ!

თუმცა მთოშავდა მე დღითი დღე სიცოვე მეტი,
ამ სიყვარულის შევირჩინე მე სამკაული,
რადგან ჩემს გულში ხალხის სისხლის სდულს ერთი წვეთი.
ჩემო სამშობლო, მაპატიე დანაშაული!

ლ ე ნ ი ნ ს

იგი ვინ იყო? იყო ბელადი
 ხალხთა სურვილის და ნებისყოფის.
 მან გამოსცვალა კაცობრიობის
 გზა, გადალახა საუკუნენი,
 და ოქტომბერი მან თვითონ შექმნა,
 მან შემორკალა ეამთა სირბილი.
 და ეს ეპოქა უფრო დიდია,
 ვინემ ბრწყინვალე დრო — რენესანსი.
 ქველი ქვეყანა კვდება უძღური
 ახალი არის — ზღვა შემაერთი.
 ოქტომბრის ცეცხლში მოსჩანს ლენინი,
 მოსჩანს საზღვარზე, ვით გოლიათი.
 ო, დედამიწა! მწვანე პლანეტა,
 კატარა ბუროო, ვარსკვლავთა შორის.
 შენი დადება ეს სახელია —
 კეთილშობილი და მშვენიერი!
 ის მოკვდა! იყო სულ ერთი წუთი
 ეამთა სრბოლაში, მაგრამ ქმედითი.
 ის აღმატა დაბალ სიცოცხლეს,
 და ჩვენ ვადიდებთ მის სახელს მედოქ.

ხ ა ნ ჯ ა ლ ი

ამოგლეჯილი ქარქაშიდან იგი თქვენს თვალებს
აბრმავებს ისევ ალესილი, მზით შემკობილი.
მე თქვენთანა ვარ, როდესაც კი გრგვინვა გრიალებს.
სიმღერა არის ქარიშხალის მუდამ დობილი.

როს ვერ ვხედავდი თავხედობას და ძალადობას,
როცა უღელქვეშ ჩაგელუნათ თქვენ ყველას თავი.
ვეშურებოდი მე დუმილის ქვეყნიერებას.
სხვა საუკუნე იყო ჩემი შესაფარავი.

მთლად უსამართლო, ულამაზო და საზიზღარო
მეზმანებოდა ამ სიცოცხლის მე მთელი წყობა.
ბრძოლის ნაღარავ! შენ გესმოდა ჩემი ხარხარი,
მე არ მჯეროდა ბრძოლისათვის ეს შენი ხმობა.

მაგრამ როგორც კი გავიგონე ძველი საყვირი.
მაგრამ როგორც კი დავინახე ბრძოლის ალამი.
მე გიპასუხებთ გაბედული, ვით ნიაღვარი,
ზეციდან გრიგალს გავუგზავნე ჩემი სალამი.

ძველი ხანჯალი პოეზიის. მზე მოელვარე
დღეს ერთგულ ფოლადს გადაურბენს ცეცხლებით ეხლ
მე ხალხთანა ვარ, ვით პოეტი მუდამ მღელვარე.
რადგან მე ვნახე გაბრაზებულ ელვების შეხლა.

ქ ა ლ ა ტ ო ზ ი

კალატოზო, კალატოზო, თეთრ და ფართო წინსაფარათ,
რას აშენებ მანდ და ვისთვის?

— ხელს ნუ გვიშლი, ჩვენ ვაშენებთ მეტ სიჩქარით
საპყრობილეს ბოროტისთვის.

კალატოზო, კალატოზო, გულმოდგინე, ნიჩბიანო,
მასში ვინლა ატირდება?

— ალბათ არც შენ, ბედნიერო, და არც შენი ძმა სვიანი —
თქვენ ქურდობა არ გკირდებათ.

კალატოზო! გრძელ ღამეებს — უძილო და ცრემლმფრქვეველი,
მასში ვინლა გაატარებს?

— შეიძლება ჩემი შეილი — ისეთივე მუშა წრფელი.
ბედი ერთხელ არ გვახარებს.

— კალატოზო, კალატოზო, მოიგონებს იგი ალბათ
მათ, ვინც ზიდა ქვა და მტვერი.

— მოგვეცალე! ეი, დადუმდი შენ მანდ, დაბლა,
თვითონ ვიცი თუ ყველაფერი.

ს ა ლ ა მ ო

მახსოვს ზაფხული, მახსოვს დაისი,
რომანტიული, ძველი მდინარე,
კაოლნი მოხუცი, უზენაესი,
მასზედ მნათობი სხივ-მომფინარე,

და ამ სალოცავ საყდარში შენი
ტქერა ძვირფასი და აღმამფრენი.

სადღაც მღეროდა უცხო კრებული
უძველეს დროთა უცხო სიმღერას,
ხმები ნიავეთ დასუსტებული
კიდევ აფრქვევდნენ სევდიან ქლერას

და აქ რაინზე უერთდებოდნენ
ტალღათა ჩივილს და მორჩილ ბგერას.

ო, ჩვენ გვიყვარდა და არ ვიცოდით
წუთია ეს თუ თვით უკვდავება.
საიდუმლოში ტკბილად ვიწვოდით
ცაზედ ამოსულ ჩუმ ვარსკვლავებად.

თითქოს ვქრებოდით, მაგრამ გვჯეროდა,
რომ თვით ჰაინე ჩვენ გვიმღეროდა.

ვალერიან გაფრინდაშვილი

ქართული ლიტერატურის მატთანე პატივიცემით იხსენიებს ვალერიან გაფრინდაშვილს — ერთ-ერთ მოწინავე საბჭოთა პოეტს, ლიტერატურის მკვლევარს და ნიჭიერ მთარგმნელს.

ვ. გაფრინდაშვილი დაიბადა 1889 წელს ქუთაისში, მასწავლებლის ოჯახში. დაამთავრა ქუთაისის კლასიკური გიმნაზია, შემდეგ, 1914 წელს, მოსკოვის უნივერსიტეტის იურიდიული ფაკულტეტი. თავისი ორიგინალური ლექსები და პოეტური თარგმანები მან სარველად რუსულ ენაზე გამოაქვეყნა. ქართულად მისი ნაწერები იბეჭდებოდა 1916 წლიდან, ხოლო მისი ლექსების კრებული პირველად გამოვიდა 1919 წელს.

ვ. გაფრინდაშვილის რევოლუციამდელი პოეზია თითქმის მთლიანად მოიცავს სიმბოლისტური პოეტიკისათვის დამახასიათებელ ყველა იდეურ და თემატურ მომენტს, ასევე მხატვრულ თავისებურებათა ნიშნებს.

ვ. გაფრინდაშვილი ნაყოფიერ მთარგმნელობით მუშაობას ეწეოდა. მან თარგმნა რუსი და დასავლეთ ევროპელი მწერლების მრავალი ნაწარმოები, კერძოდ, ა. ს. პუშკინის, მ. ი. ლერმონტოვის, ნ. ნეკრასოვის, ვ. ბრიუსოვის და სხვათა ლექსები, აგრეთვე ფრ. შილერის „ყაჩაღები“, ვიქტორ ჰიუგოს „რუი ბლანზ“, კ. გუცოვის „ურიელ აკოსტა“, გ. შელლის „ჩენჩი“ და ა. შ. მასვე ეკუთვნის ქართული პოეზიის საუკეთესო ნიმუშების თარგმანები რუსულად.

ოქტომბრის რევოლუციის გამარჯვების შემდეგ ვ. გაფრინდაშვილის შემოქმედებაში თანდათან მკვიდრდება ახალი ცხოვრების თემატიკა. „ცისფერი ყანწელების“ ჯგუფიდან იგი იყო ერთ-ერთი პირველთაგანი, რომელიც გულწრფელად დადგა საბჭოთა ლიტერატურის პლატფორმაზე. პოეზმა შექმნა სოციალისტური ლირიკის დამოუცილებელი ნიმუშები, რომელთაც დღეს საპატიო ადგილი აქვთ მიჩენილი ქართულ საბჭოთა პოეზიაში.

ვ. გაფრინდაშვილის კალამს ეკუთვნის რამდენიმე ლიტერატურული ნარკვევი. ზოგიერთ მათგანს ჩვენთვის დღესაც არ დაუყარავს მნიშვნელობა. ამ მხრივ განსაკუთრებით საინტერესოა საბჭოთა მოღვაწეობის პერიოდში რუსთველოლოგიისა და მხატვრული თარგმანების საკითხებზე დაწერილი წერილები.

ვ. გაფრინდაშვილი გარდაიცვალა 1941 წელს, 31 იანვარს.

ს ა რ ჩ ე ვ ი

ლექსები (1021 — 1041)

ლენ-ნი	83-5
ორ ზეს, ცირკის წინ რომ დგანან	6
ზღვა	7
ტფალასა	8
ბოლნისის სიონი	10
ისეთი ლექსი	11
კომუნარებს	13
მაქსიმილიან რობესპიერ	14
ჟან პოლ მარატ	15
დანტონ	16
ინტერნაციონალი	17
I	17
II	19
III ლეიზა მიშელის სიმღერა განდევნაში	20
ტყეს	23
რაონი	25
ძაეზა	27
პოეზია	28
ფეხსაცმლის მწმენდელთან	29
ხალთა ქება	30
წერილი ნანას	32
აწქესი	33
დროებით მაინც	35
მებაღე	36
სიმღერა	37
რევოლუციის წარსულიდან	38
პოეტი მონადირე	40
ბროწეულის ტყე	42
მეჩქალებს	43
მანც	44
ხეებს	46

თივის ზვინი	23
დაგვიანებული სონეტი	47
ეელიაბოვი და პეროესკაია	49
ბუკინისტი	50
ელექტრო შუქის ჩაქრობიდან ლამფის ანთებამდე	52
წყნეთის გზაზე	54
საოპერო თეატრის ქანდაკიდან	55
* * „ნუთუ ვარ მხოლოდ დამშრალი წყარო“	56
ლენინის ხსოვნას	59
საღამო საგურამოში	61
ჩემი შეხვედრა ეგნატესთან	63
ოქტომბრის სტრიქონები	64
ტრაგედიის დაბადება	66
ჩემი ქვეყანა	69
ბაღდა შლეფისა და მარაოს შესახებ	71
ზღვაზე	72
ფერო	74
ქუთაისი	73
მისალმება	80
ღიმიტროვს	83
ვაჟა და ფიროსმანი	85
წიფობელა	87
ქვიშეთის ქარი	88
პომედან „პური და სიტყვა“	90
ნადიკვარი	92
ერთი დღე ახჭიტაში	94
ბეთხოვენის ქანდაკება კონსერვატორიის მარცხენა კედელზე	95
ხარიტონ ვარდოშვილს	96
შაბათობაზე	97
გმირულ ესპანეთს	98
ღად ოქტომბერს	100
შოთას	102
ინათი და ყორათი	104
შოთას და თეიმურაზის გაბაასება	107
ცარსკოე სელო	109
პუშკინს	110
ილია ქაქავაძე	112
ანტოლოგია და ბეტონი	114
ნეკრასოვს	118
ფეხბურთი	120
გაზაფხული ემზადება არჩევნებისთვის	122
სტენდალი	124

	83.
ტრისტან და იზოლდა	125
გასეირნება ტაშისკარში	126
წყარო . . .	127
წითელარმიელი . . .	128
ნიკოლოზ ბარათაშვილის . . .	130
შევჩენკოს პორტრეტის წინ	132
რუსთაველის დედა	133
შთარგმნელი	135
ასკილი . . .	136
ჩემ ქეთოს	137
ზღვას . . .	138
წიგნიდან „ზღვა“	140
ციკვი ზღვის პირად	141
პოტანიური ბალი	142
ნიკო ცხვედაძეს	143
აბესალომ და ეთერი	145
ლექსის დაბეჭდვამდე	146
რუსთაველის პროსპექტის ხეივნის ქვეშ	147
ზეციური სონეტი	148
ტარას შევჩენკო	149
დანიელ კონქაძე	151
ბაქო	152
ილია აგლაძეს	159
სონეტის ქალაქი	160
ასტმა . . .	161
აკაკი ქუთაისში	162
არჩვენებისკენ	163
ოგიუსტ როდენი	164
უშანგი ჩხვიძე	165
ბავშვობა და ნისლები	166
ერთი სტრიქონი . . .	168
წვიმიანი დღე სურამში	169
კაკლის ხეს . . .	170
მიხეილ ლერმონტოვს	171
სურამის ციხე . . .	172
შექსპირი	173
ნავოს თარგმნის დროს	174
ფიქრი ლექსებზე	175
შოთას . . .	176
საშა წულუკიძე	177
წარწერა ანთოლოგიის წიგნზე	178

	გვ.
ლალო კეცხოველი	179
1941 წლის 1 იანვარი	180
ძველი წიგნიდან	
Intereruer — პირველი	183
ოცნება წვიმაში	184
სალამოს მასკები	185
ბელის ორეული	186
როიალთან	187
ლამის ფოთლები	188
Ахуиц	189
ძაღლის სიმღერა	190
თეატრში	191
შეპოღგომის ქანდაკება	192
სანტიმენტალური ტრიოლეტი	193
ქალწულს მტრედისფერში	194
მე საჩკეში	195
პირველი თოელი	196
ოფელიას დღესასწაული	198
ნათტალანის დედოფალი	199
შეპოღგომა	200
თეთრი საცოლი	202
ალი არსენიშვილს	204
თარგმანები	
ა. ს. პუშკინი — „იალავეს	207
არიონი	208
პორტრეტი	209
მშვენიერ ქალს	210
სიმღერა გრძნულ ოღეებზე	211
ბრინჯაოს მხედარი (პოემა)	215
მ. ი. ლერმონტოვი — მომავლადვი გლადიატორა	230
სამშობლო	232
„რად არ გავჩნდი ქვეყანაზე“	233
ნ. ნეკრასოვი — სამშობლო	234
უცნობ მეგობარს	237
ვ. ბრიუსოვი — ლენინს	239
ხანჯალი	240
კალატოზი	241
სალამო	242
• • •	
ვალერიან გაფრინდაშვილი (ბიოგრაფიული ცნობა)	243

Валеріан Іванович Гаприндашвіლი

Избранное

(На грузинском языке)

Госиздат Грузинской ССР
Тбилиси—1938

რედაქტორი რ. ორჯონიკიძე
მხატვარი ი. ჯანაშვილი
მხატვრული რედაქტორი გ. გორდელაძე
ტექნიკური რედაქტორი ო. ლაბაძე
კორექტორი ნ. თავაძე

ხელმოწერილია დასაბეჭდად 22 II-56 წ.
ფე 00449. ანაწყოების ზომა 5 $\frac{1}{2}$ ×9. ქალაქ-
დის ზომა 84×108 $\frac{1}{8}$. ნაბეჭდი თაბახი 12.7.
სააღრ.-სავამ. თაბახი 7,3. ტირაჟი 5.000:
შეკვ. № 530.

ფასი 5 მან.

საქართველოს სსრ კულტურის სამინისტროს
მთავარპოლიგრაფგამომცემლობის ბეჭდვითი სიტყვას
კომბინატი. თბილისი, მარჯანიშვილის ქ. 5.

*

Комбинат печати Главполиграфиздата
Министерства культуры Грузинской ССР.
Тбилиси, ул. Марджанишвили, 5.